

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

51-сон
(1071)
2022 йил
декабрь

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Иккинчи бўлим

465. «Янги Ўзбекистон маъмурий ислохотларини амалга ошириш чора-тадбирлари тўғрисида» Ўзбекистон Республикаси Президентининг 2022 йил 21 декабрдаги ПФ–269-сон Фармони

Бешинчи бўлим

466. Ўзбекистон Республикаси Давлат активларини бошқариш агентлиги директорининг 2022 йил 29 ноябрдаги 326-сон «Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш тартиби тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2022 йил 19 декабрда рўйхатдан ўтказилди, рўйхат рақами 3403*)

467. Ўзбекистон Республикаси адлия вазирининг 2022 йил 17 декабрдаги 29-мх-сон «Фуқаролик ҳолати далолатномаларини ёзиш органларида

- иш юритиш тартиби тўғрисидаги йўриқномага ўзгартиришлар киритиш тўғрисида»ги буйруғи (*Ўзбекистон Республикаси Адлия вазирлиги томонидан 2022 йил 19 декабрда рўйхатдан ўтказилди, рўйхат рақами 2547-5*)
468. Ўзбекистон Республикаси адлия вазирининг 2022 йил 19 декабрдаги 30-мх-сон «Нотариуслар томонидан амалга ошириладиган ҳуқуқий ва техник тусдаги қўшимча ҳаракатлар учун ундириладиган тўловларнинг максимал миқдорларига қўшимчалар киритиш тўғрисида»ги буйруғи (*Ўзбекистон Республикаси Адлия вазирлиги томонидан 2022 йил 19 декабрда рўйхатдан ўтказилди, рўйхат рақами 3235-3*)
469. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2022 йил 30 ноябрдаги 13-2022-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарор, шунингдек унга ўзгартиришларни ўз кучини йўқотган деб топиш тўғрисида»ги қарори (*Ўзбекистон Республикаси Адлия вазирлиги томонидан 2022 йил 21 декабрда рўйхатдан ўтказилди, рўйхат рақами 2791-3*)
470. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2022 йил 6 декабрдаги 14-2022-сон «Кўчмас мулк бўйича кадастр муҳандисининг малака шаҳодатномасини бериш тартиби тўғрисидаги низомни тасдиқлаш ҳақида»ги қарор, шунингдек унга ўзгартириш ва қўшимчаларни ўз кучини йўқотган деб топиш тўғрисида»ги буйруғи (*Ўзбекистон Республикаси Адлия вазирлиги томонидан 2022 йил 21 декабрда рўйхатдан ўтказилди, рўйхат рақами 3211-2*)
471. Ўзбекистон Республикаси спортни ривожлантириш вазирининг 2022 йил 23 ноябрдаги 16-мх-сон «Ўзбекистон Республикаси Туризм ва спорт вазирлиги ҳузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкламалари ҳажмини тасдиқлаш ҳақида»ги буйруққа ўзгартиришлар киритиш тўғрисида»ги буйруғи (*Ўзбекистон Республикаси Адлия вазирлиги томонидан 2022 йил 21 декабрда рўйхатдан ўтказилди, рўйхат рақами 3108-2*)
472. Ўзбекистон Республикаси молия вазирининг 2022 йил 9 декабрдаги 66-сон «Бюджет ташкилотларида бухгалтерия ҳисоби тўғрисидаги йўриқномага қўшимча ва ўзгартиришлар киритиш ҳақида»ги буйруғи (*Ўзбекистон Республикаси Адлия вазирлиги томонидан 2022 йил 22 декабрда рўйхатдан ўтказилди, рўйхат рақами 2169-7*)
473. Ўзбекистон Республикаси Молия вазирлигининг 2022 йил 15 ноябрдаги 62-сон ва Бош прокуратура ҳузуридаги Иқтисодий жиноятларга қарши курашиш департаментининг 2022 йил 7 ноябрдаги 29-сон «Ауди-торлик ташкилотлари учун жиноий фаолиятдан олинган даромадларни

легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартириш ва қўшимчалар киритиш ҳақида»ги қарори (*Ўзбекистон Республикаси Адлия вазирлиги томонидан 2022 йил 22 декабрда рўйхатдан ўтказилди, рўйхат рақами 3101-2*)

474. Ўзбекистон Республикаси адлия вазирининг 2022 йил 21 декабрдаги 31-мх-сон «Айрим идоравий норматив-ҳуқуқий ҳужжатларни идоравий норматив-ҳуқуқий ҳужжатларнинг давлат реестридан чиқариш тўғрисида»ги буйруғи (*Ўзбекистон Республикаси Адлия вазирлиги томонидан 2022 йил 22 декабрда рўйхатдан ўтказилди, рўйхат рақами 3404*)
475. Ўзбекистон Республикаси Адлия вазирлигининг 2022 йил 22 декабрдаги 5-сон ҳамда Ташқи ишлар вазирлигининг 2022 йил 21 декабрдаги 75-сон «Ўзбекистон Республикаси консуллик муассасаларининг консуллари томонидан нотариал ҳаракатларни амалга ошириш тартиби тўғрисидаги йўриқномани тасдиқлаш ҳақида»ги қарорга ўзгартириш ва қўшимчалар киритиш тўғрисида»ги қарори (*Ўзбекистон Республикаси Адлия вазирлиги томонидан 2022 йил 22 декабрда рўйхатдан ўтказилди, рўйхат рақами 2191-1*)
476. Ўзбекистон Республикаси Марказий банки бошқарувининг 2022 йил 24 ноябрдаги 344-В-8-сон ва Бош прокуратура ҳузуридаги Иқтисодий жиноятларга қарши курашиш департаментининг 2022 йил 21 ноябрдаги 31-сон «Нобанк кредит ташкилотларида жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига қўшимча ва ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2022 йил 23 декабрда рўйхатдан ўтказилди, рўйхат рақами 2925-8*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

ИККИНЧИ БЎЛИМ**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ****465 Янги Ўзбекистон маъмурий ислохотларини амалга ошириш чора-тадбирлари тўғрисида***

Сўнгги йилларда Янги Ўзбекистонни барпо этишнинг муҳим шарти ҳисобланган самарали фаолият юритувчи бошқарув тизимини шакллантириш бўйича кенг кўламли маъмурий ислохотлар амалга оширилди.

Жумладан, давлат органларининг соҳага оид бўлмаган вазифаларини қисқартириш ва фаолиятига рақамли технологияларни кенг жорий этиш орқали уларнинг тузилмаси ўртача 15 фоизга мақбуллаштирилди, шунингдек, 26 та давлат органлари ва ташкилотларида 40 та раҳбар ўринбосарлари лавозимлари қисқартирилди.

Давлат органлари фаолиятига замонавий бошқарув тамойилларини жорий қилиш ҳисобидан бюрократик тўсиқларни қисқартириш ва аҳолига давлат хизматларини кўрсатиш тизимини яхшилаш мақсадида 30 га яқин турдаги лицензия ва рухсатномалар бекор қилинди, 70 дан зиёд давлат хизматлари содалаштирилди, давлат ташкилотлари томонидан 60 дан ортиқ ҳужжатларни талаб қилиш бекор қилинди.

«Электрон ҳукумат» тизимининг фойдаланувчилари сони 4 миллиондан ошиб, у орқали давлат идораларининг 130 дан ортиқ ахборот ресурсларидан фойдаланиш имкониятлари яратилди. Ягона интерактив давлат хизматлари порталида қарийб 350 турдаги хизматлар онлайн шаклда кўрсатилиши йўлга қўйилди.

Янги Ўзбекистон шароитида замонавий талабларга жавоб берадиган ихчам давлат бошқаруви тизимини шакллантириш, қарор қабул қилиш ва масалани кўриб чиқиш жараёнларини содалаштириш орқали давлат органлари раҳбарларининг масъулиятини ошириш ҳамда улар фаолиятини натижадорликка йўналтириш, шунингдек, Янги Ўзбекистон маъмурий ислохотлари дастури ижросини таъминлаш мақсадида:

1. 2023 йил 1 январдан бошлаб Ўзбекистон Республикаси Вазирлар Маҳкамаси (кейинги ўринларда — Вазирлар Маҳкамаси/Ҳукумат) аъзоси бўлган ижро этувчи ҳокимият органлари раҳбарларининг Вазирлар Маҳкамасининг таркибий тузилмаларидан мустақил равишда Бош вазир билан тўғридан-тўғри ишлаши тизими жорий этилсин.

Белгилансинки, Ҳукумат аъзоси бўлган ижро этувчи ҳокимият органи раҳбари:

тегишли соҳада ягона давлат сиёсатини олиб бориш ва уни ривожланти-

* Ушбу Фармон «Қонунчилик маълумотлари миллий базаси»да 2022 йил 24 декабрда эълон қилинган.

риш бўйича белгиланган мақсадли кўрсаткичларга эришиш учун масъул ва жавобгар ҳисобланади;

тизимдаги кадрлар сиёсатининг Вазирлар Маҳкамаси аппаратидан мустақил равишда давлат хизмати тўғрисидаги қонунчиликка мувофиқ юртилишини таъминлайди.

2. Вазирлар Маҳкамаси ижро этувчи тузилмасида иқтисодиёт ва ижтимоий соҳалар бўйича котибиятлар, департаментлар ва улар ҳузуридаги бўлимлар, шунингдек, Маданий меросни ҳимоя қилиш инспекцияси, Ҳарбийлаштирилган тузилмалар фаолиятини молиявий ва моддий-техник таъминлаш бўлими, Маҳалла ва нурунийларни қўллаб-қувватлаш масалалари бўлими тугатилсин.

3. Вазирлар Маҳкамаси ижро этувчи тузилмасида:

Бош вазирнинг 4 нафаргача ўринбосарлари лавозими;

Ҳукумат раҳбари фаолиятини ҳуқуқий, ташкилий-техник, ахборот-таҳлилий ва протокол жиҳатдан таъминлайдиган Бош вазир котибияти ташкил қилинсин.

4. Вазирлар Маҳкамасининг янгиланган ижро этувчи тузилмаси 1-иловага* мувофиқ тасдиқлансин.

5. Норматив-ҳуқуқий ҳужжатлар лойиҳалари ҳамда Ҳукумат ваколатларига оид бошқа долзарб масалаларни (кейинги ўринларда — масалалар) Вазирлар Маҳкамасига киритиш, кўриб чиқиш ва ахборот беришнинг қуйидаги тартиби жорий қилинсин:

а) норматив-ҳуқуқий ҳужжатлар лойиҳалари ва масалалар Ҳукуматга бевосита вазирлар ва бошқа мустақил ижро этувчи ҳокимият органлари раҳбарлари томонидан белгиланган тартибда киритилади.

Бунда, давлат иштирокидаги ташкилотлар ва хўжалик бирлашмалари томонидан норматив-ҳуқуқий ҳужжатлар лойиҳалари ва бошқа масалалар тегишли соҳада давлат сиёсатини амалга ошираётган вазир ёки бошқа мустақил ижро этувчи ҳокимият органи раҳбари орқали киритилади;

б) келиб тушган норматив-ҳуқуқий ҳужжатлар лойиҳалари Ахборот-таҳлил ва юридик таъминлаш департаментига кўриб чиқиш, молиявий-иқтисодий ва ҳуқуқий экспертизадан ўтказиш, тартибга солиш таъсири ва манфаатлар тўқнашувини баҳолаш ҳамда ахборот бериш учун киритилади;

в) ахборот беришга тайёр бўлган норматив-ҳуқуқий ҳужжатлар лойиҳалари ва бошқа масалалар Вазирлар Маҳкамасида коллегиял тарзда маъқулланади ёки рад қилинади;

г) маъқулланган норматив-ҳуқуқий ҳужжатлар лойиҳалари ҳамда, зарур ҳолларда, бошқа масалалар белгиланган тартибда Ўзбекистон Республикаси Президенти Администрациясига киритилади (ёки қабул қилинади);

д) Вазирлар Маҳкамасида масалаларни коллегиял тарзда кўриб чиқишда, заруратга кўра, оммавий ахборот воситалари таклиф қилинади.

Вазирлар Маҳкамаси (А.Н. Арипов) бир ой муддатда мазкур Фармон талабларидан келиб чиқиб, шунингдек, норматив-ҳуқуқий ҳужжатлар лойиҳаларини ишлаб чиқиш, киритиш, кўриб чиқиш ва Ўзбекистон Республикаси Президенти Администрацияси билан келишишнинг аниқ тартиби ва муддат-

* 1-илова «Қонунчилик маълумотлари миллий базаси»да эълон қилинган.

ларини, уларнинг ижросини назорат қилишни назарда тутувчи Ҳукуматнинг янгиланган регламентини киритсин.

6. Белгилаб қўйилсинки:

Бош вазирнинг амалдаги ўринбосарлари ва маслаҳатчилари ҳамда Вазирлар Маҳкамаси аппаратининг бошқарувчиси ва унинг ўринбосарлари янги тизим ишга тушгунга қадар юклатилган вазифаларнинг тўлиқ ҳажмда ва сифатли бажарилишини таъминлайди;

Вазирлар Маҳкамаси аппаратининг тузилмаларини мақбуллаштириш муносабати билан бўшаётган маблағлар Бош вазир котибияти ўрнатган кўрсатган бошқарув ходимларининг натижадорлиги асосида қўшимча рағбатлантиришга йўналтирилади.

Адлия вазирлиги масъул вазирлик ва идоралар билан биргаликда бир ой муддатда:

Вазирлар Маҳкамасида қонунлар, Ўзбекистон Республикаси Президентининг ҳужжатлари ва топшириқларининг амалга оширилиши бўйича назорат ва ҳисобдорликни ташкил этиш тартиби;

амалга ошириладиган маъмурий ислохотлардан келиб чиқиб комиссиялар, кенгашлар, ишчи гуруҳлар ва бошқа коллегиял органларга раҳбарларни қайта тақсимлаш бўйича таклиф киритсин.

7. Бош вазирга қуйидаги ҳуқуқлар берилсин:

масалаларни тартибга солиш ва устувор вазифаларни ҳал қилишнинг муҳимлигини ҳисобга олган ҳолда Бош вазир котибиятининг умумий штатлари сони доирасида унинг ижро этувчи тузилмасига ўзгартиришлар киритиш; иқтисодиёт ва ижтимоий соҳанинг долзарб йўналишларини ўрганиш ва улар бўйича таклифлар ишлаб чиқиш, шунингдек, юзага келган келишмовчиликларни бартараф этиш учун ишчи гуруҳлар ва келишув комиссиялари ташкил қилиш;

Бош вазир котибиятининг ўрнатган кўрсатган бошқарув ходимларини натижадорлик асосида қўшимча рағбатлантириш учун маблағлар миқдорларини белгилаш.

8. Вазирлар Маҳкамаси (А.Н. Арипов) бир ой муддатда:

Бош вазир ўринбосарларининг функционал вазифаларини тасдиқлаш;

Бош вазир котибиятининг штат жадвалини тасдиқлаш;

Бош вазир котибияти тўғрисидаги, унинг барча бўлинмалари функциялари, ваколатлари, ҳуқуқлари, мажбуриятлари ва масъулиятини батафсил белгилаб берувчи низомни ишлаб чиқиш;

Бош вазир котибиятининг янги ташкил этилган таркибий бўлинмалари тўғрисидаги низомларни тасдиқлаш;

фаолияти тугатиладиган таркибий бўлинмаларнинг ходимларини вазирлик, идора ва бошқа ташкилотларда раҳбар ва масъул лавозимларга тайинлаш бўйича чоралар кўрсин, зарур ҳолларда, таклиф киритсин.

9. Ўзбекистон Республикаси Президенти ҳузуридаги Стратегик ислохотлар агентлиги кенгашининг Янги Ўзбекистон маъмурий ислохотларининг биринчи босқичи доирасида 2023 йил 1 январдан бошлаб ихчам, профессионал бошқарув тамойилларига асосланган ва самарадорликка йўналтирилган республика ижро этувчи ҳокимият органларининг вазирликлар, қўмиталар,

агентликлар ва инспекцияларни ўз ичига оладиган яхлит тизимини шакллантириш тўғрисидаги таклифи қабул қилинсин.

10. Белгилансинки:

вазирлик — тегишли соҳаларда ягона давлат сиёсатини ишлаб чиқувчи ва амалга оширувчи, муайян йўналишда ижро этувчи ҳокимият органларининг фаолиятини мувофиқлаштирувчи ҳамда тизимдаги раҳбарий фаолиятни яқкабошчилик асосида ташкил этадиган республика ижро этувчи ҳокимият органи ҳисобланади;

қўмита — тегишли соҳа ичидаги тармоқ фаолиятини мувофиқлаштирувчи ва тартибга солувчи ҳамда тизимдаги раҳбарий фаолиятни коллегиял асосда ташкил этадиган, шунингдек, вазирликнинг ташкилий бўйсунувида фаолият юритадиган республика ижро этувчи ҳокимият органи ҳисобланади;

агентлик — асосий вазифаси сифатида тегишли соҳада давлат хизматларини кўрсатиш ва қонунчилик ҳужжатларида назарда тутилган бошқа ҳуқуқни қўллаш функцияларини амалга оширувчи, шунингдек, вазирлик ташкилий бўйсунувида фаолият юритадиган республика ижро этувчи ҳокимият органи ҳисобланади;

инспекция — асосий вазифаси сифатида тегишли соҳа ва тармоқларда давлат назорати ва текширувни амалга оширувчи, шунингдек, вазирлик ташкилий бўйсунувида фаолият юритадиган республика ижро этувчи ҳокимият органи ҳисобланади;

қонунчилик ҳужжатларига мувофиқ алоҳида мақомга эга ҳамда бевоқифа Ўзбекистон Республикаси Президенти ва (ёки) Вазирлар Маҳкамасига бўйсунадиган қўмита, агентлик ва инспекциялар ташкил этилиши мумкин.

11. Ўзбекистон Республикаси Президенти ҳузуридаги Стратегик ислохотлар агентлиги кенгашининг Янги Ўзбекистон маъмурий ислохотларининг биринчи босқичи доирасида 2023 йил 1 январдан бошлаб мустақил фаолият юритувчи республика ижро этувчи ҳокимият органларининг сонини 61 тадан 28 тагача, шу жумладан вазирликлар сонини 25 тадан 21 тагача қисқартириш бўйича таклифи маъқуллансин.

12. Белгилансинки, Вазирлар Маҳкамаси тизимини қуйидаги вазирликлар ташкил этади:

Инвестициялар, саноат ва савдо вазирлиги;

Иқтисодиёт ва молия вазирлиги;

Тоғ-кон саноати ва геология вазирлиги;

Қурилиш ва уй-жой коммунал хўжалиги вазирлиги;

Камбағалликни қисқартириш ва бандлик вазирлиги;

Олий таълим, фан ва инновациялар вазирлиги;

Мактабгача ва мактаб таълими вазирлиги;

Табиат ресурслари вазирлиги;

Ёшлар сиёсати ва спорт вазирлиги;

Қишлоқ хўжалиги вазирлиги;

Сув хўжалиги вазирлиги;

Рақамли технологиялар вазирлиги;

Адлия вазирлиги;

Транспорт вазирлиги;
Маданият ва туризм вазирлиги;
Мудофаа вазирлиги;
Энергетика вазирлиги;
Соғлиқни сақлаш вазирлиги;
Ташқи ишлар вазирлиги;
Ички ишлар вазирлиги;
Фавқулодда вазиятлар вазирлиги.

13. Қуйидагилар:

2023 йил 1 январдан бошлаб қайта ташкил этилаётган республика давлат бошқаруви органларининг рўйхати 2-иловага мувофиқ;

2023 йил 1 январдан бошлаб вазифа ва функциялари тегишли вазирлик ва идораларга ўтказилган ҳолда тугатилаётган республика давлат бошқаруви органларининг рўйхати 3-иловага* мувофиқ;

2023 йил 1 январдан бошлаб ташкилий бўйсунуви ўзгараётган республика давлат бошқаруви органларининг рўйхати 4-иловага* мувофиқ тасдиқлансин.

Белгилансинки, мазкур Фармон доирасида штат бирликларини мақбул-лаштириш натижасида бўшайдиган маблағлар ижтимоий масалаларни ҳал этишга йўналтирилади.

14. Вазирлар Маҳкамаси (А.Н. Арипов) бир ҳафта муддатда:

ушбу Фармонга мувофиқ қайта ташкил этилаётган республика ижро этувчи ҳокимият органлари фаолиятини тўлақонли йўлга қўйиш бўйича чора-тадбирлар режа-графики;

республика ижро этувчи ҳокимият органлари фаолиятини тартибга солувчи намунавий низомни тасдиқласин.

Бунда, республика ижро этувчи ҳокимият органи раҳбари ва унинг ўринбосарлари масъулият доираси ҳамда республика, вилоят ва туман даражасидаги бўлинмаларнинг вазифа ва функцияларини аниқ чегаралаш, шунингдек, ҳудудлар кесимида фаолият самарадорлиги ва натижадорлигини баҳолаш мезонлари ҳамда иш кўрсаткичлари (индикаторлари) белгилансин.

15. 2023 йил 1 январдан бошлаб республика ижро этувчи ҳокимият органларининг самарали иш фаолиятини йўлга қўйиш учун масъулиятини янада ошириш мақсадида:

Ўзбекистон Республикаси Президенти томонидан ҳар бир республика ижро этувчи ҳокимият органининг йил давомида эришиши зарур бўлган мақсадли кўрсаткичлари (индикаторлари) белгиланади;

республика ижро этувчи ҳокимият органи раҳбари ҳар йил бошида ўзининг ўринбосарлари кесимида белгиланган мақсадли кўрсаткичларга (индикаторларга) эришиш бўйича ҳаракатлар дастурини ишлаб чиқиб, жамоатчиликка тақдим қилади;

ҳаракатлар дастурига асосан республика ижро этувчи ҳокимият органининг ҳудудий бўлинмалари раҳбарлари мақсадли кўрсаткичларга (индикаторларга) эришиш бўйича ҳудудий ривожланиш дастурини ишлаб чиқиб, жамоатчиликка тақдим қилади;

* 2 — 4-иловалар «Қонунчилик маълумотлари миллий базаси»да эълон қилинган.

республика ижро этувчи ҳокимият органи ва унинг ҳудудий бўлинмалари раҳбарлари йил якунига қадар ҳаракатлар ва ҳудудий ривожланиш дастурлари амалга оширилиши ва мақсадли кўрсаткичларга (индикаторларга) эришиш ҳолати юзасидан ҳисобот бериши ва очиқ эълон қилиш амалиёти йўлга қўйилади.

Белгилансинки, республика ижро этувчи ҳокимият органи раҳбари Олий Мажлис палаталари, Ўзбекистон Республикаси Президенти ҳамда жамоатчилик олдида бевосита ҳисобдор бўлади.

16. Республика ижро этувчи ҳокимият органларининг институционал мустақиллигини ошириш мақсадида шундай тартиб ўрнатилсинки, унга кўра Ўзбекистон Республикаси Президенти ва Вазирлар Маҳкамаси томонидан республика ижро этувчи ҳокимият органларининг ташкилий тузилмаси, штат бирликлари ва раҳбар ўринбосарларининг сони, шунингдек, фаолият йўналишлари белгилаб бериледи.

Бунда:

марказий аппарат ва ҳудудий бўлинмалар тузилмаларини Ўзбекистон Республикаси Президенти ва Вазирлар Маҳкамаси томонидан тасдиқлаш амалиёти бекор қилинади;

республика ижро этувчи ҳокимият органлари раҳбарларига ажратилган маблағлар доирасида ҳамда белгиланган вазифалардан келиб чиққан ҳолда марказий аппарат ва ҳудудий бўлинмаларнинг тузилмаси ва штат бирликларини тасдиқлаш ҳуқуқи тақдим этилади;

республика ижро этувчи ҳокимият органлари раҳбарларига ҳудуддаги эҳтиёж ва шароитлардан келиб чиқиб, муайян вилоят ёки туман (шаҳар) бўлинмаларини ташкил этиш ёки уларни туманлараро (вилоятлараро) шаклда тузиш ваколати бериледи.

Давлат хизматини ривожлантириш агентлиги Адлия вазирлиги билан биргаликда икки ой муддатда республика ижро этувчи ҳокимият органлари тузилмасида ташкил этилиши мажбурий бўлган бўлинма ва лавозимлар рўйхати, уларга бўлган мезонлар ҳамда раҳбар ва ижрочи ходимлар ўртасидаги нисбат бўйича меъёрларни белгилашни назарда тутувчи қарор лойиҳасини Ўзбекистон Республикаси Президенти Администрациясига киритсин.

17. Ўзбекистон Республикаси Президенти ҳузуридаги Стратегик ислохотлар агентлигининг кенгаши мазкур Фармон амалга оширилишини мувофиқлаштириш ҳамда қўйидаги мақсадли кўрсаткичларга эришишни таъминлаш учун масъул этиб белгилансин:

ижро этувчи ҳокимият органлари штат бирликлари, шу жумладан раҳбар лавозимларини 30 фоизгача мақбуллаштириш ва адолатли меҳнатга ҳақ тўлаш тизимини жорий этиш;

маъмурий ислохотлар доирасида трансформация қилинаётган ижро этувчи ҳокимият органларининг мазкур Фармонда белгиланган янги талаблардан келиб чиққан ҳолда самарали фаолиятини йўлга қўйиш;

раҳбарларнинг молиявий ва институционал мустақиллигини ошириш орқали ҳудудлар билан ишлашнинг самарали тизимини жорий этиш;

республика ижро этувчи ҳокимият органларининг функцияларини тартибга солиш орқали уларни камида 10 фоизга қисқартириш;

хусусий секторга ўтказиладиган давлат функциялари сонини камида 3 баробарга ошириш, давлат-хусусий шериклик ва аутсорсинг механизмларини кенг жорий этиш;

ижро этувчи ҳокимият органларининг тизимида раҳбар ва ижрочи ходимларнинг муносиб нисбатига эришиш;

раҳбарларнинг аҳоли таклифлари асосида фаолиятини йўлга қўйиш ва жамоатчилик олдида ҳисобдорлигини кучайтириш.

Ўзбекистон Республикаси Президенти ҳузуридаги Стратегик ислохотлар агентлигининг кенгаши (С.У. Умурзаков) мазкур Фармондан келиб чиққан ҳолда маъмурий ислохотлар биринчи босқичида республика ижро этувчи ҳокимият органларини 2023 йил 1 январга қадар, иккинчи босқичида эса маҳаллий давлат ҳокимияти органларини 2023 йил 1 апрелга қадар ислох қилиш бўйича чоралар кўрилишини таъминласин.

18. Вазирлар Маҳкамаси (А.Н. Арипов) 2023 йил 1 февралга қадар мазкур Фармон талабларидан келиб чиққан ҳолда, қўйдагиларни назарда тутовчи «Ўзбекистон Республикаси Вазирлар Маҳкамаси тўғрисида»ги янги қонун лойиҳасини киритсин:

Ҳукумат аъзоларининг Бош вазир билан тўғридан-тўғри ишлаш механизмларини белгилаш, уларнинг Вазирлар Маҳкамасида қарорлар қабул қилиш жараёнидаги мақомини ошириш;

худудлар, инфратузилма, иқтисодиёт, молия, пул-кредит, шунингдек, ижтимоий соҳанинг ривожланишини таъминлашда Ҳукуматнинг масъулиятини тубдан ошириш;

Ҳукумат аъзоларининг бошқарув, кадр, молия ва бошқа йўналишлардаги мустақиллигини ошириш ва масъулиятини кучайтириш;

республика ижро этувчи ҳокимият органларининг, шу жумладан ҳудудий бўлинмалар кесимидаги ҳар бирининг мақоми, уларни ташкил этиш ва тугатишнинг аниқ тартиби ҳамда бир-биридан фарқловчи мезонларни белгилаш.

19. Ўзбекистон Миллий ахборот агентлиги, Ўзбекистон Миллий телерадиокомпанияси, Ахборот ва оммавий коммуникациялар агентлиги оммавий ахборот воситаларида ушбу Фармоннинг мақсад ва вазифалари кенг ёритилишини ташкил этсин.

20. Адлия вазирлиги бир ой муддатда ушбу Фармондан келиб чиқиб, қонунчилик ҳужжатларига ўзгартириш ва қўшимчалар юзасидан таклифлар киритсин.

21. Фармон ижросини назорат қилиш, ижро учун масъул ташкилотлар фаолиятини мувофиқлаштириш Ўзбекистон Республикаси Бош вазир А.Н. Арипов ва Ўзбекистон Республикаси Президенти Администрацияси раҳбари С.У. Умурзаков зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2022 йил 21 декабрь,
ПФ–269-сон

БЕШИНЧИ БЎЛИМ**ЎЗБЕКИСТОН РЕСПУБЛИКАСИ
ДАВЛАТ АКТИВЛАРИНИ БОШҚАРИШ
АГЕНТЛИГИ ДИРЕКТОРИНИНГ
БУЙРУҒИ**

466 Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш тартиби тўғрисидаги низомни тасдиқлаш ҳақида*

*Ўзбекистон Республикаси Адлия вазирлиги томонидан 2022 йил
19 декабрда рўйхатдан ўтказилди, рўйхат рақами 3403*

Ўзбекистон Республикаси Президентининг 2022 йил 18 мартдаги ПҚ–168-сон «Иқтисодиётда давлат иштирокини янада қисқартириш ва хусусийлаштиришни жадаллаштиришга оид қўшимча чора-тадбирлар тўғрисида»ги қарорига мувофиқ **буюраман:**

1. Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш тартиби тўғрисидаги низом иловага мувофиқ тасдиқлансин.

2. Мазкур буйруқ Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги, Давлат солиқ қўмитаси ҳузуридаги Кадастр агентлиги билан келишилган.

3. Мазкур буйруқ расмий эълон қилинган кундан эътиборан кучга киради.

Директор

А. ОРТИКОВ

Тошкент ш.,
2022 йил 29 ноябрь,
326-сон

Келишилди:

**Иқтисодий тараққиёт ва камбағалликни
қисқартириш вазирли**

Д. КУЧКАРОВ

2022 йил 31 октябрь

* Ушбу буйруқ «Қонунчилик маълумотлари миллий базаси»да 2022 йил 19 декабрда эълон қилинган.

Молия вазирлиги

Т. ИШМЕТОВ

2022 йил 29 ноябрь

*Кадастр агентлиги
директори*

Ф. ПУЛАТОВ

2022 йил 1 ноябрь

Ўзбекистон Республикаси
давлат активларини бошқариш агентлиги
директорининг 2022 йил 29 ноябрдаги
326-сон буйруғига
ИЛОВА

**Вазирликлар, идоралар ва маҳаллий давлат ҳокимияти
органларига тегишли бўш турган давлат кўчмас мулк
объектларини уларнинг розилигисиз ижарага бериш ёки
сотиш учун савдога чиқариш тартиби тўғрисидаги
НИЗОМ**

Мазкур Низом вазирликлар, идоралар ва маҳаллий давлат ҳокимияти органларига тегишли бўлган, уч ойдан ортиқ муддат давомида фойдаланилмайдиган бўш турган давлат кўчмас мулк объектларини (бундан ижтимоий соҳа объектлари мустасно) уларнинг розилигисиз ижарага бериш ёки сотиш учун савдога чиқариш тартибини белгилайди.

1-боб. Умумий қоидалар

1. Ушбу Низомда қуйидаги асосий тушунчалар қўлланилади:

балансда сақловчи — бўш турган давлат кўчмас мулк объектини балансида сақловчи вазирликлар, идоралар ва маҳаллий давлат ҳокимияти органлари;

бўш турган давлат кўчмас мулк объектлари (бундан буён матнда объект деб юритилади) — вазирликлар, идоралар ва маҳаллий давлат ҳокимияти органларига тегишли бўлган, тугалланмаган қурилиш объектлари, бўш турган бинолар, фойдаланилмаётган ишлаб чиқариш майдонлари, шу жумладан умумий майдонининг 50 фоизидан кўпроғидан (бир нотураар жой доирасида) товарлар ишлаб чиқаришда (ишлар бажариш, хизматлар кўрсатиш) фойдаланилмаётган объектлар (бундан мавсумий ишлар амалга ошириладиган объектлар мустасно);

ижтимоий соҳа объектлари — давлат мактабгача таълим, умумий ўрта ва ўрта махсус таълим, профессионал ва олий таълим муассасалари, кинотеатрлари, клублари, концерт-томоша кўрсатиш муассасалари, соғлиқни сақлаш, спорт, маданият ва кинолаштириш объектлари (бундан ушбу соҳада-

ги вазирликлар, идоралар ва уларнинг ҳудудий бўлинмаларининг маъмурий бинолари мустасно);

ижарага берувчи — Ўзбекистон Республикаси Давлат активларини бошқариш агентлиги ҳузуридаги Бўш турган объектлардан самарали фойдаланишни ташкил этиш марказининг ҳудудий бошқармалари;

сотувчи — Ўзбекистон Республикаси Давлат активларини бошқариш агентлиги ва унинг ҳудудий бошқармалари;

Ўзбекистон Республикаси Давлат активларини бошқариш агентлигининг ахборот тизими (бундан буён матнда ахборот тизими деб юритилади) — Ўзбекистон Республикаси Давлат активларини бошқариш агентлигининг «Давлат мулки» ахборот тизими бўш турган объектлар модули;

«E-auction» электрон савдо платформаси (бундан буён матнда электрон онлайн-аукцион деб юритилади) — электрон онлайн-аукцион ва танловларни ташкил этиш ҳамда ўтказиш учун зарур ахборотни киритиш, сақлаш ва қайта ишлаш, шунингдек истаги бўлган жисмоний ва юридик шахсларнинг бундай аукцион ва танловлар жараёнига кириши ҳамда уларда қатнашиш имконини таъминлайдиган ахборот тизими.

2. Объектларни вазирликлар, идоралар ва маҳаллий давлат ҳокимияти органларининг розилигисиз ижарага бериш ёки сотиш учун электрон онлайн-аукцион савдоларига чиқариш мазкур Низомнинг иловасидаги схемага мувофиқ амалга оширилади.

2-боб. Объектни ижарага бериш ёки савдога чиқариш учун тайёрлаш

3. Ижарага берувчи томонидан объектларни аниқлаш мақсадида доимий равишда жойларга чиққан ҳолда хатлов ўтказилади.

Хатлов давомида аниқланган объектнинг номи, майдони, манзили, балансда сақловчиси, геолокацияси, ҳолати ва фотосуратлари объект аниқланган кундан бошлаб бир иш куни ичида ахборот тизимига киритилади.

4. Ижарага берувчи объект ҳақидаги маълумотларни ахборот тизимига киритган кундан бошлаб уч иш куни ичида объектнинг балансда сақловчисига огоҳлантириш хати юборади.

Огоҳлантириш хатида балансда сақловчи томонидан объектдан уч ой муддат ичида самарали фойдаланилиши ҳамда бу ҳақда ижарага берувчига маълумот тақдим этилиши, шунингдек ушбу талабга риоя қилинмаган тақдирда, объект белгиланган муддат ўтганидан сўнг ижарага бериш ёки сотиш учун электрон онлайн-аукцион савдоларига чиқарилиши кўрсатилади.

5. Объект ахборот тизимига киритилган кундан бошлаб уч ой муддат ичида балансда сақловчи томонидан ундан самарали фойдаланилаётганлиги ҳақида маълумот тақдим этилмаган бўлса, мазкур муддат ўтган кундан бошлаб икки иш куни ичида ижарага берувчи ва сотувчининг масъул ходимлари томонидан объект жойига чиққан ҳолда кўздан кечирилади ҳамда қуйидагилар ўрганилади:

объектнинг жойлашган жойи;

ихтисослиги (агар мавжуд бўлса);

мулкчилик шакли;

ҳолати (фойдаланишга яроқлилиги);

балансда сақловчиси (мулкдори);

объектнинг кадастр ҳужжатларига мувофиқ умумий ер майдони ҳамда бино-иншоотлар эгаллаган майдони;

объектнинг бўш турган муддати (объектнинг бўш турганлиги биринчи марта аниқланган кундан бошлаб ҳисобланади);

объектдан келгусида самарали фойдаланиш бўйича Ўзбекистон Республикаси Президенти, Ўзбекистон Республикаси Вазирлар Маҳкамаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг қарори мавжудлиги, шунингдек объектни қонунчилик ҳужжатлари билан тасдиқланган хусусийлаштириш дастурларига, шу жумладан тармоқ жадвалига киритилганлиги;

объектнинг давлат рўйхатидан ўтказилганлиги;

объектга нисбатан тақиқнинг (чекловнинг) мавжудлиги.

Объект бўйича кўчмас мулкка бўлган ҳуқуқларнинг давлат реестридан электрон кўчирма идоралараро электрон ҳамкорлик қилиш воситасида ахборот тизими орқали олинади.

6. Объектни ўрганиш жараёнида балансда сақловчи объектдан келгусида фойдаланишга эҳтиёжи мавжудлиги, шу жумладан камида 5 йиллик демографик ўсиш даражасини инобатга олган ҳолда аниқ ҳисоб-китобларга асосланган таклифларини ижарага берувчи ва сотувчининг масъул ходимларига тақдим этиши мумкин.

7. Объектни ўрганиш натижасига кўра, ижарага берувчи ва сотувчининг масъул ходимлари томонидан далолатнома расмийлаштирилади.

Далолатномада объект ҳақидаги барча маълумотлар кўрсатилган ҳолда унинг ихтисослигидан келиб чиқиб объектни ижарага бериш ёки сотиш зарурлиги тўғрисида хулоса назарда тутилади.

8. Объектни ижарага бериш зарурлиги тўғрисида хулоса чиқариш учун қуйидагилар асос бўлади:

объектдан келгусида самарали фойдаланиш бўйича Ўзбекистон Республикаси Президенти, Ўзбекистон Республикаси Вазирлар Маҳкамаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг қарори мавжудлиги, шунингдек объектни қонунчилик ҳужжатлари билан тасдиқланган хусусийлаштириш дастурларига, шу жумладан тармоқ жадвалига киритилганлиги;

балансда сақловчи томонидан объектдан келгусида фойдаланишга эҳтиёжи мавжудлиги, шу жумладан камида 5 йиллик демографик ўсиш даражасини инобатга олган ҳолда аниқ ҳисоб-китобларга асосланган таклифлар тақдим этилганлиги.

Мазкур банднинг иккинчи ва учинчи хатбошиларида белгиланган объектни ижарага бериш тўғрисида хулоса чиқариш учун асос бўладиган ҳолатлар мавжуд бўлмаган тақдирда, объектни сотиш учун электрон онлайн-аукцион савдоларига чиқариш тўғрисида хулоса қилинади.

9. Ижарага берувчи далолатнома расмийлаштирилган кундан бошлаб

бир иш куни ичида ўрганиш натижаларини, шу жумладан объектни сотиш ёки ижарага бериш учун электрон онлайн-аукцион савдоларига чиқарилиши ҳақидаги маълумотларни ахборот тизимига киритади ҳамда бу ҳақда шу куннинг ўзида балансда сақловчига хабарнома юборади.

3-боб. Объектни ижарага бериш ёки сотиш учун савдога чиқариш

10. Ижарага берувчи объектни ижарага бериш учун ахборот тизимига киритилган кундан бошлаб икки иш куни ичида объектнинг фойдаланиш соҳаси, бошланғич нархи ҳамда ижарага бериш муддатини белгиланган ҳолда электрон онлайн-аукцион савдоларига чиқаради.

11. Ижарага берувчи томонидан объектни ижарага бериш Ўзбекистон Республикаси Вазирлар Маҳкамасининг 2009 йил 8 апрелдаги 102-сон қарори билан тасдиқланган Давлат мулкни ижарага бериш тартиби тўғрисидаги низомда белгиланган тартибда амалга оширилади.

12. Объект сотиш учун ахборот тизимига киритилганда, сотувчи томонидан уни сотишдан олдин тайёрлаш ва савдога чиқариш Вазирлар Маҳкамасининг 2014 йил 6 октябрдаги 279-сон қарори билан тасдиқланган Давлат кўчмас мулк объектларини сотиш тартиби тўғрисидаги низомга мувофиқ амалга оширилади.

13. Объектни сотиш учун электрон онлайн-аукцион савдоларига чиқариш тўғрисидаги қарор қуйидагилар томонидан қабул қилинади:

бинолари ва иншоотларининг умумий майдони 2000 квадрат метргача бўлган ва стратегик аҳамиятга эга бўлмаган объектлар бўйича — Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари;

бинолари ва иншоотларининг умумий майдони 2000 квадрат метрдан ортиқ, аммо 5000 квадрат метрдан кўп бўлмаган ва стратегик аҳамиятга эга бўлмаган объектлар бўйича — Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари;

бинолари ва иншоотларининг умумий майдони 5 000 квадрат метрдан ортиқ ва стратегик аҳамиятга эга бўлган объектлар бўйича — Ўзбекистон Республикаси Президенти, Ўзбекистон Республикаси Вазирлар Маҳкамаси ҳамда Давлат мулкни сотишда тендер савдоларини ўтказиш бўйича давлат комиссияси.

14. Объектни электрон онлайн-аукцион савдоларида ижарага бериш ва сотиш Ўзбекистон Республикаси Вазирлар Маҳкамасининг 2022 йил 12 январдаги 18-сон қарори билан тасдиқланган «E-auksion» электрон савдо платформасида электрон онлайн-аукцион ва танловларни ташкил этиш ҳамда ўтказиш тартиби тўғрисидаги низомда белгиланган тартибда амалга оширилади.

4-боб. Яқуний қоида

15. Мазкур Низом талабларининг бузилишида айбдор бўлган шахслар қонунчилик ҳужжатларига мувофиқ жавобгарликка тортиладилар.

Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш тартиби тўғрисидаги низомга
ИЛОВА

Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш СХЕМАСИ

Босқичлар	Масъуллар	Тадбирлар	Ижро муддати
1-босқич	Ижарага берувчи	Объектларни аниқлаш мақсадида жойларга чиққан ҳолда хатлов ўтказилади.	Донимий
2-босқич	Ижарага берувчи	Хатлов давомида аниқланган объектнинг номи, майдони, манзили, балансда сақловчиси, геолокацияси, ҳолати ва фотосуратларини ахборот тизимига киритади.	1 иш куни
3-босқич	Ижарага берувчи	Объектнинг балансда сақловчисига огоҳлантириш хати юборади.	3 иш куни
4-босқич	Ижарага берувчи ва сотувчи	Объект ахборот тизимига киритилган кундан бошлаб уч ой муддат ичида балансда сақловчи томонидан ундан самарали фойдаланилаётганлиги ҳақида маълумот тақдим этилмаган бўлса, объектни жойига чиққан ҳолда кўздан кечирилади, у ҳақидаги маълумотлар ўрганади ҳамда натижасига кўра далолатнома расмийлаштирилади.	2 иш куни
5-босқич	Балансда сақловчи	Объектдан келгусида фойдаланишга эҳтиёжи мавжудлиги, шу жумладан камида 5 йиллик демографик ўсиш даражасини инобатга олган ҳолда аниқ ҳисоб-китобларга асосланган таклифларини ижарага берувчи ва сотувчининг масъул ходимларига тақдим этади.	заруратга кўра
6-босқич	Ижарага берувчи	Ўрганиш натижаларини, шу жумладан объектни сотиш ёки ижарага бериш учун электрон онлайн-аукцион савдоларига чиқарилиши ҳақидаги маълумотларни ахборот тизимига киритади ҳамда бу ҳақда балансда сақловчига хабарнома юборади.	1 иш куни
7-босқич	Ижарага берувчи	Объектнинг фойдаланиш соҳаси, бошланғич нархи ҳамда ижарага бериш муддатини белгиланган ҳолда электрон онлайн-аукцион савдоларига чиқаради.	2 иш куни
8-босқич	Сотувчи	Объект сотиш учун ахборот тизимига киритилганда, уни сотишдан олдин тайёрлаш ва савдога чиқаришни Вазирлар Маҳкамасининг 2014 йил 6 октябрдаги 279-сон қарори билан тасдиқланган Давлат кўчмас мулк объектларини сотиш тартиби тўғрисидаги низомга мувофиқ амалга оширилади.	белгиланган муддатда

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**467** Фуқаролик ҳолати далолатномаларини ёзиш органларида иш юритиш тартиби тўғрисидаги йўриқномага ўзгартиришлар киритиш тўғрисида*

*Ўзбекистон Республикаси Адлия вазирлиги томонидан 2022 йил
19 декабрда рўйхатдан ўтказилди, рўйхат рақами 2547-5*

Ўзбекистон Республикаси Президентининг 2021 йил 23 мартдаги ПФ–6191-сон «Аҳоли ва тадбиркорлик субъектларига давлат хизматларидан фойдаланишда янада қулай шароитлар яратиш, бу борада бюрократик тўсиқларни қисқартириш бўйича қўшимча чора-тадбирлар тўғрисида»ги, 2021 йил 24 июлдаги ПФ–6269-сон «Давлат хизматлари кўрсатиш инфратузилмасини такомиллаштириш ва аҳолининг давлат хизматларидан фойдаланиш имкониятларини кенгайтириш чора-тадбирлари тўғрисида»ги ҳамда 2022 йил 17 мартдаги ПФ–89-сон «Фуқароларнинг ҳуқуқ ва эркинликларини таъминлаш ҳамда ҳуқуқий хизмат кўрсатишда адлия органлари ва муассалари фаолияти самарадорлигини янада ошириш чора-тадбирлари тўғрисида»ги фармонлари ҳамда Вазирлар Маҳкамасининг 2020 йил 10 ноябрдаги 704-сон «Туғилганликни қайд этиш билан боғлиқ комплекс давлат хизматларини кўрсатишнинг маъмурий регламентини тасдиқлаш тўғрисида»ги, 2022 йил 25 февралдаги 89-сон «Ўлимни қайд қилиш билан боғлиқ композит давлат хизматларини кўрсатишнинг маъмурий регламентини тасдиқлаш тўғрисида»ги, 2022 йил 28 сентябрдаги 540-сон «Фуқаролик ҳолати далолатномаларини ёзиш тартибларини янада такомиллаштириш чора-тадбирлари тўғрисида»ги ҳамда 2016 йил 14 ноябрдаги 387-сон «Фуқаролик ҳолати далолатномаларини қайд этиш қоидаларини тасдиқлаш тўғрисида»ги қарорларига мувофиқ **буюраман:**

1. Ўзбекистон Республикаси адлия вазирининг 2013 йил 31 декабрдаги 400-мх-сон буйруғи (рўйхат рақами 2547, 2013 йил 31 декабрь) (Ўзбекистон Республикаси қонун ҳужжатлари тўплами, 2014 й., 1-сон, 10-модда) билан тасдиқланган Фуқаролик ҳолати далолатномаларини ёзиш органларида иш юритиш тартиби тўғрисидаги йўриқномага иловага мувофиқ ўзгартиришлар киритилсин.

2. Мазкур буйруқ расмий эълон қилинган кундан эътиборан кучга киради.

Вазир

А. ТАШКУЛОВ

Тошкент ш.,
2022 йил 17 декабрь,
29-мх-сон

* Ушбу буйруқ «Қонунчилик маълумотлари миллий базаси»да 2022 йил 20 декабрда эълон қилинган.

Ўзбекистон Республикаси
адлия вазирининг 2022 йил 17 декабрдаги
29-мх-сон буйруғига
ИЛОВА

Фуқаролик ҳолати далолатномаларини ёзиш органларида иш юритиш тартиби тўғрисидаги йўриқномага киритилаётган ўзгартиришлар

1. Йўриқноманинг матни мазкур ўзгартиришларнинг 1-иловасига мувофиқ таҳрирда баён этилсин.
2. 1 ва 1а-иловалар мазкур ўзгартиришларнинг 2-иловасига* мувофиқ таҳрирда баён этилсин.
3. 1б-илова ўз кучини йўқотган деб топилсин.
4. 2 — 74-иловалар мазкур ўзгартиришларнинг 3-иловасига* мувофиқ таҳрирда баён этилсин.
5. Мазкур ўзгартиришларнинг 4-иловасига* мувофиқ таҳрирдаги 75-илова билан тўлдирилсин.

Фуқаролик ҳолати далолатномаларини
ёзиш органларида иш юритиш тартиби
тўғрисидаги йўриқномага киритилаётган
ўзгартиришларга
1-ИЛОВА

«Фуқаролик ҳолати далолатномаларини ёзиш органларида иш юритиш тартиби тўғрисидаги ЙЎРИҚНОМА

Ушбу Йўриқнома фуқаролик ҳолати далолатномаларини ёзиш органларида (бундан буён матнда ФХДЁ органлари деб юритилади) иш юритиш тартибини белгилайди.

1-боб. Умумий қоидалар

1. Туман ва шаҳар ФХДЁ бўлимлари ҳамда Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармаларининг (бундан буён матнда ҳудудий адлия бошқармалари деб юритилади) ФХДЁ архивлари (бундан буён матнда ФХДЁ архивлари деб юритилади) ФХДЁ органлари ҳисобланади.

2. ФХДЁ органлари қуйидаги ҳаракатларни амалга оширади:
туғилганлик, никоҳ тузилганлиги, никоҳдан ажралганлик ва ўлим ҳақидаги далолатнома ёзувларини (бундан буён матнда далолатнома ёзувлари деб юритилади) қайд этиш;

далолатнома ёзувларини тиклаш;

* 2 — 4-иловалар «Қонунчилик маълумотлари миллий базаси»да эълон қилинган.

далолатнома ёзувларини ўзгартириш, тузатиш ва тўлдириш.

ФХДЁ органлари қонунчилик ҳужжатларига мувофиқ бошқа ҳаракатларни ҳам амалга ошириши мумкин.

3. Ўзбекистон Республикаси Оила кодексининг 203-моддасига мувофиқ, Ўзбекистон Республикасининг чет элда доимий ёки вақтинча яшовчи фуқароларининг фуқаролик ҳолати далолатномалари консул томонидан Ўзбекистон Республикаси қонунчилигига мувофиқ қайд этилади.

4. Далолатнома ёзувлари фуқаролик паспорти, идентификацияловчи ID-картаси, хорижга чиқиш паспорти, ҳарбий хизматчининг шахсий гувоҳномаси ёки ҳарбий билети (бундан буён матнда шахсни тасдиқловчи ҳужжатлар деб юритилади) асосида қайд этилади.

5. Далолатнома ёзувлари «ФХДЁнинг ягона электрон архиви» ахборот тизими (бундан буён матнда электрон ахборот тизими деб юритилади) орқали қайд этилади.

Далолатнома ёзувлари бир нусхада тузилади ва ФХДЁ органларида қайд этилган вақтдан бошлаб етмиш беш йил мобайнида сақланади.

Далолатнома ёзувлари электрон ахборот тизимида қайд этилганда, уни қайд қилган ФХДЁ органи ходимининг лавозими, фамилияси, исми ва отасининг исми ҳамда маълумотлар киритилган сана кўрсатилиши лозим.

Далолатнома ёзувларининг электрон ва қоғоз шаклларига ўзгартиришлар бир вақтда киритилади.

Ўлимни қайд қилиш Вазирлар Маҳкамасининг 2022 йил 25 февралдаги 89-сон қарори билан тасдиқланган Ўлимни қайд қилиш билан боғлиқ композит давлат хизматларини кўрсатишнинг маъмурий регламентига мувофиқ амалга оширилганда, ФХДЁ органи ходими электрон ахборот тизими орқали ўлим ҳақидаги далолатнома ёзуви автоматик равишда қайд этилган вақтдан бошлаб бир иш куни давомида ўлим ҳақидаги далолатнома ёзувларини қоғоз шаклида чоп этади ва белгиланган тартибда сақланишини таъминлайди.

6. Далолатнома ёзувларини қайд этиш зарур бўлган барча ҳужжатлар тақдим этилгандан ҳамда тегишли давлат божи ва герб йиғими тўлангандан сўнг амалга оширилади, ариза берувчи қонунчилик ҳужжатларига мувофиқ давлат божи ва герб йиғими тўлашдан озод этилган ҳоллар бундан мустасно.

Далолатнома ёзувларини қайд этишда ариза берувчиларнинг шахсан иштироқи талаб этилади, қонунчилик ҳужжатларида назарда тутилган ҳоллар бундан мустасно.

7. ФХДЁ органлари томонидан мазкур Йўриқноманинг 2-бандида кўрсатилган ҳаракатларни амалга ошириш натижасида туғилганлик, никоҳ тузилганлиги, никоҳдан ажралганлик ва ўлим ҳақида гербли гувоҳномалар (дастлабки ва такрорий равишда) берилади.

ФХДЁ органларида гербли гувоҳномаларнинг тугаб қолиши далолатнома ёзувларини қайд этмасликка асос бўлмайди ва далолатнома ёзувлари белгиланган тартибда қайд этилади. Бунда далолатнома ёзувининг гербли гувоҳнома рақами ёзиладиган жойи очик қолдирилиб, «Белгилар учун» устунда гербли гувоҳнома берилмаганлиги ҳақида ёзиб қўйилади ҳамда далолатнома ёзуви қайд этилганлиги ҳақида маълумотнома берилади. Кейинчалик герб-

ли гувоҳнома тўлдирилганда, далолатнома ёзувига гувоҳноманинг рақами, серияси ва унинг берилган санаси ёзиб қўйилади.

8. ФХДЁ органларида ҳужжатлар мазкур Йўриқноманинг 1-1а-иловаларида кўрсатилган ФХДЁ органларида юритилиши лозим бўлган ҳужжатлар номенклатурасига мувофиқ юритилади.

2-боб. Гербли гувоҳномаларни ҳисобга олиш, сақлаш ва сарфлаш

1-§. Гербли гувоҳномаларни кирим қилиш ва топшириш

9. Гербли гувоҳномаларни Ўзбекистон Республикаси Марказий банки ҳузуридаги «Давлат белгиси» давлат унитар корхонасидан (бундан буён матнда «Давлат белгиси» ДУК деб юритилади) қабул қилиш, ҳисобга олиш, сақлаш ва топшириш (жўнатиш) Ўзбекистон Республикаси адлия вазирининг буйруғи билан Адлия вазирлигининг (бундан буён матнда Вазирлик деб юритилади) Ишлар бошқармаси масъул ходими зиммасига юклатилади.

«Давлат белгиси» ДУКдан қабул қилинган гербли гувоҳномалар Вазирлик масъул ходими томонидан шу куннинг ўзида мазкур Йўриқноманинг 2-иловасига мувофиқ шаклдаги Қабул қилинган гербли гувоҳномаларни кирим қилиш дафтарига кирим қилинади.

Адлия бошқармаларида гербли гувоҳномаларни Вазирликдан қабул қилиб олиш, ҳисобга олиш, сақлаш ва топшириш адлия бошқармалари бошлиқларининг буйруғи билан 5 кишидан иборат таркибда тузилган комиссия (бундан буён матнда комиссия деб юритилади) томонидан амалга оширилади.

Комиссия таркибига адлия бошқармаларининг масъул ходимлари киритилади. Адлия бошқармаси бошлиғининг ФХДЁ органлари фаолиятини мувофиқлаштиришга масъул ўринбосари комиссия раиси ҳисобланади.

Адлия бошқармасининг Давлат хизматлари марказлари ва ФХДЁ органлари фаолиятини мувофиқлаштириш бўлими масъул ходими комиссия котиби ҳисобланади.

10. Комиссия томонидан гербли гувоҳномалар уларнинг ўрамлари сони ва ўрам ёрлиғининг бутунлиги текширилган ҳолда қабул қилинади. Агар ўрамлар бузилган бўлса, ўрам ёрлиғида кўрсатилган гербли гувоҳноманинг сони тўғрилиги, шунингдек гувоҳномалар сони юхат билан тўғри келиши текширилиши ҳамда бу ҳақда уч нусхада далолатнома тузилиши лозим.

11. Қабул қилинган гербли гувоҳномалар комиссия томонидан шу куннинг ўзида электрон ахборот тизими орқали мазкур Йўриқноманинг 3-иловасига мувофиқ шаклдаги Вазирликдан қабул қилинган гербли гувоҳномаларни кирим қилиш электрон дафтарига кирим қилинади.

Адлия бошқармасидан қабул қилинган гербли гувоҳномалар ФХДЁ органларида, ФХДЁ органларидан қабул қилинган гербли гувоҳномалар шаҳарча, қишлоқ, овул фуқаролар йиғинларида (бундан буён матнда фуқаролар йиғини деб юритилади) электрон ахборот тизими орқали мазкур Йўриқноманинг 4-иловасига мувофиқ шаклдаги Адлия бошқармасидан (ФХДЁ органи-

дан) қабул қилинган гербли гувоҳномаларни кирим қилиш электрон дафтарига кирим қилинади.

Вазирлар Маҳкамасининг 2016 йил 14 ноябрдаги 387-сон қарори билан тасдиқланган Фуқаролик ҳолати далолатномаларини қайд этиш қоидаларининг 4-бандига асосан Ўзбекистон Республикасининг консуллик муассасалари ҳамда дипломатик ваколатхоналарининг консуллик бўлимлари (бундан буён матнда консуллик муассасалари деб юритилади) фуқаролик ҳолати далолатномаларининг ёзув бланкалари ва бошқа ҳужжатлар билан Вазирлик, шунингдек Ўзбекистон Республикаси Ташқи ишлар вазирлиги томонидан таъминланади.

12. Адлия бошқармасида гербли гувоҳномаларни ФХДЁ органларига (Тошкент шаҳар адлия бошқармасида Ўзбекистон Республикаси Ташқи ишлар вазирлигига ҳам), ФХДЁ органларида эса фуқаролар йиғинларига тарқатиш электрон дафтарлари юритилади.

13. Гербли гувоҳномалар ФХДЁ органларига адлия бошқармалари томонидан, фуқаролар йиғинларига ФХДЁ органлари томонидан келгуси чорак учун эҳтиёжларни ҳисобга олган ҳолда берилади.

Бунда, гербли гувоҳномалар ФХДЁ органлари раҳбарларига (фуқаролар йиғини раисларига), улар вақтинча бўлмаганда (хизмат сафари, меҳнат таътили, касаллик ва ҳ. к.) тегишли буйруқ билан уларнинг вазифасини бажариш вақтинча юклатилган ходимга топширилади ҳамда мазкур Йўриқноманинг 5-иловасига мувофиқ шаклдаги Гербли гувоҳномаларни тарқатиш электрон дафтарига гербли гувоҳномаларни қабул қилган ходимнинг лавозими, фамилияси, исми ва отасининг исми ёзиб қўйилади.

14. Гербли гувоҳномаларнинг ҳисобга олиниши, сақланиши ва сарфланиши бўйича масъулият адлия бошқармасида бошлиқнинг ФХДЁ органлари фаолиятини мувофиқлаштиришга масъул ўринбосари, ФХДЁ органларида ФХДЁ органи раҳбарлари ва фуқаролар йиғинларида фуқаролар йиғини раислари зиммасига юклатилади. Ушбу шахслар узрли сабабларга кўра вақтинча ишда бўлмаганда (хизмат сафари, меҳнат таътили, касаллик ва ҳ.к.), масъулият тегишли буйруқ билан бошқа шахс зиммасига юклатилиши лозим.

15. ФХДЁ органлари томонидан адлия бошқармасидан гербли гувоҳномаларни қабул қилиб олишда комиссия аъзолари иштирокида ҳар бир гувоҳнома ўрами алоҳида очилган ҳолда текшириб кўрилади.

Гувоҳномаларнинг етишмаслиги ёки нуқсонлар борлиги (ҳимоя катакларининг йўқлиги ёки бузилганлиги, нотўғри кесилган ва нотўғри шаклли, ўрам ёрлиғига бошқача тарзда номувофиқ бўлган гувоҳномалар) аниқланган тақдирда, комиссия томонидан уч нусхада далолатнома тузилади ва шу куннинг ўзида Вазирликка бу ҳақда хабар юборилади.

Далолатноманинг биринчи нусхаси ўрам ёрлиғининг ксеронусхаси билан адлия бошқармасида қолдирилади. Далолатноманинг иккинчи ва учинчи нусхалари нуқсонли гувоҳномалар чиққан ўрам ёрлиғи, нуқсонли бор гувоҳномалар илова қилинган хат билан уч кун ичида Вазирликка жўнатилади. Бунда далолатноманинг иккинчи нусхаси Вазирликнинг Ишлар бошқармасида қолдирилади, учинчи нусхаси ўрам ёрлиғи ва нуқсонли бор гувоҳномалар билан «Давлат белгиси» ДУКга юборилади.

16. ФХДЁ органида гербли гувоҳномаларнинг ҳисобга олиниши, сарфланиши ва сақланиши учун масъул шахс ўзгарган ҳолларда гербли гувоҳномаларни ва уларнинг ҳисобот ҳужжатларини топшириш-қабул қилиш адлия бошқармаси бошлиғининг ўринбосари иштирокида амалга оширилади ва бу ҳақда икки нусхада далолатнома тузилади.

Далолатнома тузилган пайтдан бошлаб гербли гувоҳномаларни ҳисобга олиш, сақлаш ва сарфлаш масъулияти янги масъул ходим зиммасига юклатилади. Далолатноманинг бир нусхаси ФХДЁ органида, иккинчи нусхаси адлия бошқармасида сақланади.

Фуқаролар йиғини раиси алмашган ҳолларда, гербли гувоҳномаларни ва уларнинг ҳисобот ҳужжатларини қабул қилиш-топшириш мазкур фуқаролар йиғини жойлашган ҳудуддаги ФХДЁ органи раҳбари ёки унинг вазифасини бажарувчи ходим иштирокида амалга оширилади ва бу ҳақда уч нусхада далолатнома тузилади. Далолатноманинг бир нусхаси фуқаролар йиғинида, иккинчи нусхаси ФХДЁ органида, учинчи нусхаси эса адлия бошқармасида сақланади.

17. Гербли гувоҳномалар адлия бошқармасида махсус жиҳозланган, шу жумладан пўлат эшик ўрнатилган ва бегона шахслар кириши тақиқланган алоҳида хоналарда, ФХДЁ органлари ва фуқаролар йиғинларида эса, пўлат сейфларда сақланиши зарур.

Гербли гувоҳномалар билан ишлаш ҳуқуқига уларнинг ҳисобга олиниши, сақланиши ва сарфланиши учун масъул бўлган шахслар, шунингдек уларнинг ҳозирлигида адлия бошқармаси ва Вазирликнинг масъул ходимлари эгадирлар.

Гербли гувоҳномаларни расмийлаштириш билан боғлиқ ҳаракатлар амалга ошириладиган вақтдан ташқари, улар сақланадиган хона ва пўлат сейфлар муҳрланган бўлиши лозим.

18. Гербли гувоҳномалар, далолатнома ёзувлари ва ФХДЁ органларида юритиладиган бошқа ҳужжатларнинг, шунингдек муҳрлар ва штампларнинг йўқолганлиги ёки ноқонуний сарфланганлиги (фойдаланилганлиги) аниқланганда, ФХДЁ органи томонидан бу ҳақда дарҳол адлия бошқармасига хабар берилади.

Бунда, адлия бошқармаси томонидан бундай хабар келиб тушган вақтдан бошлаб 24 соат ичида Вазирликка ҳамда тегишли ҳуқуқни муҳофаза қилувчи органларга хабар берилиши ва беш кун муддат ичида хизмат текшируви ўтказилиши лозим.

Мазкур банднинг биринчи хатбошисида назарда тутилган ҳолатлар тўғрисидаги хабар Вазирликка келиб тушган кундан бошлаб беш кун муддат ичида ушбу ҳолатлар ҳақида барча ФХДЁ органлари ва нотариал идораларга, шунингдек зарур ҳолларда, бошқа ташкилотларга хабар берилади.

19. Хизмат текшируви хулосаси уч нусхада тузилиб, бир нусхаси адлия бошқармасида, иккинчи нусхаси тегишли ФХДЁ органида сақланади, учинчи нусхаси эса, Вазирликка тақдим этилади.

Хизмат текширувини ўтказиш давомида гербли гувоҳномалар, далолатнома ёзувлари ва ФХДЁ органларида юритиладиган бошқа ҳужжатларнинг,

шунингдек муҳрлар ва штампларнинг йўқолганлиги ёки ноқонуний сарфланганлиги (фойдаланилганлиги) ҳолатларига имкон берган шарт-шароитларга аниқлик киритилади.

Бунда, масъул ходимларнинг ўз хизмат вазифасини лозим даражада бажарганлиги, қатъий ҳисобда юритиладиган ҳужжатларни сақлаш қоидаларига риоя этганлиги, шунингдек содир бўлган ҳолатларга имкон берган шарт-шароитларни бартараф этиш бўйича амалга оширилган ҳаракатлар аниқлаштирилиши зарур.

20. ФХДЁ органлари ва фуқаролар йиғинларида сарфланган гербли гувоҳномаларнинг ҳисобини олиб бориш учун мазкур Йўриқноманинг 6-иловасига мувофиқ шаклдаги Гербли гувоҳномаларни сарфлаш электрон дафтари юритилади.

21. Ўтган йилдан ортиб қолган гербли гувоҳномалар Гербли гувоҳномаларни сарфлаш электрон дафтарида жорий йилнинг биринчи иш кунидан «1» тартиб рақамидан бошлаб қайд этилади.

22. Такрорий бериладиган гербли гувоҳномалар мазкур Йўриқноманинг 7-иловасига мувофиқ шаклдаги Такрорий гувоҳномаларни сарфлаш электрон дафтарида қайд этилади.

Далолатнома ёзувига ўзгартириш, тузатиш ва қўшимчалар киритиш, фамилия, исм, ота исмини ўзгартириш, шунингдек далолатнома ёзувини тиклаш муносабати билан бериладиган гербли гувоҳномалар ҳам Такрорий гувоҳномаларни сарфлаш электрон дафтарида қайд этилади.

ФХДЁ архивларида ҳам худди шу тартибда Такрорий гувоҳномаларни сарфлаш электрон дафтарлари юритилади.

Такрорий бериладиган гербли гувоҳномаларнинг йил охиридаги қолдиғи мазкур Йўриқноманинг 21-бандида белгиланган тартибда сарфланади.

23. Гербли гувоҳномадаги маълумотлар электрон ахборот тизими орқали шакллантирилиб, гербли гувоҳнома бланкасига чоп этилгандан кейин ундаги ёзувларни бўйлаб, ўчириш, тузатиш киритиш ҳамда ушбу ҳолатларга изоҳ бериб муҳр билан тасдиқлашга йўл қўйилмайди. Чоп этиш вақтида бузилган гербли гувоҳномалар бўйича (фуқаролар йиғини томонидан топширилган гувоҳномалар бўйича ҳам) икки нусхада далолатнома тузилиб, ҳар чоракда тегишли Адлия бошқармасига (фуқаролар йиғини томонидан ФХДЁ органига) топширилади.

Адлия бошқармасида бузилган гербли гувоҳномалар серияси, тартиб рақамлари қирқиб олиниб, далолатноманинг биринчи нусхасига елимлаб қўйилади. Гувоҳномаларнинг қолган қисмлари комиссия иштирокида ёқиб юбориш йўли билан йўқ қилинади. Бунда, далолатноманинг биринчи нусхаси Адлия бошқармасида, иккинчи нусхаси эса ФХДЁ органида сақланади.

24. ФХДЁ органларининг далолатнома ёзувлари ва гербли гувоҳномалар бўйича ҳисоботлари Вазирлик ва адлия бошқармалари томонидан электрон ахборот тизими орқали олинади.

2-§. Хат, хабарнома ва аризаларни рўйхатга олиш

25. ФХДЁ органига келган барча хат, хабарнома ва аризалар шу куннинг ўзида мазкур Йўриқноманинг 8-иловасига мувофиқ шаклдаги Хат, хабарно-

ма ва аризаларни рўйхатга олиш электрон дафтарига кирим қилиниши ва қонунчилик ҳужжатларида белгиланган муддатларда ижро этилиши лозим. Кирим қилинган барча ҳужжатларнинг биринчи варағи пастки ўнг бурчагига кирим қилинган сана ва кирим рақами ёзиб қўйилади.

Ижро этилган хатдаги чиқиш рақами кирим рақами билан бир хил бўлади.

26. Туғилганлик, никоҳ тузилганлиги, никоҳдан ажралганлик ва ўлим ҳақидаги такрорий гувоҳнома беришни сўраб мурожаат қилинган аризалар ушбу Йўриқноманинг 9-иловага мувофиқ шаклдаги Рўйхатга олиш электрон дафтарида қайд қилинади ва алоҳида йиғмажилдларга тикиб борилади.

27. ФХДЁ органининг ўз ташаббусига кўра жўнатилаётган хат, хабарнома ва аризалар мазкур Йўриқноманинг 10-иловасига мувофиқ ФХДЁ органидан жўнатилаётган хатларни рўйхатга олиш электрон дафтарига кирим қилинади.

28. ФХДЁ органлари бошқа ФХДЁ органларининг хабарномалари келиб тушган куннинг ўзида далолатнома ёзувларига тегишли ўзгартиришлар кiritиши шарт.

III боб. Туғилишни қайд этиш

1-§. Умумий қоидалар

29. Туғилишни қайд этиш ФХДЁ органларида бола туғилган кундан бошлаб бир ой ичида амалга оширилиши лозим.

Туғилишни қайд этиш учун туғилганлик ҳақидаги тиббий маълумотнома (туғилганликни комплекс давлат хизмати сифатида қайд этиш бундан мустасно), ота-оналарнинг шахсини тасдиқловчи ҳужжатлар, никоҳ тузилганлиги ҳақидаги гувоҳнома ёки оталикни белгилаш ҳақидаги ариза ёхуд никоҳда бўлмаган онанинг аризаси тақдим этилади.

Мазкур бандда кўрсатилган ҳужжатлар тақдим этилмаган ҳолларда ФХДЁ органи томонидан ариза берувчига далолатнома ёзувини қайд этиш рад қилинганлиги ҳақида асослантирилган маълумотнома берилади.

Ота-оналардан бирининг шахсини тасдиқловчи ҳужжат бўлмаганда ота ёки она ҳақида маълумотлар никоҳ тузилганлиги ёки аввалги болаларининг туғилганлиги ҳақидаги гувоҳномалар асосида тўлдирилади.

30. Туғилишни қайд этиш учун бола туғилган вақтдан бошлаб бир ой ўтиб, бироқ бола ўн олти ёшга тўлгунга қадар мурожаат этилган ҳолларда туғилишни қайд этиш рад қилинмайди ва умумий асосларда амалга оширилади.

Ўн олти ёшгача бўлган боланинг туғилишини қайд этиш учун ФХДЁ органига туғилишни қайд этиш муддатини ўтказиб юборганлик сабаблари кўрсатилган ариза боланинг ота-онаси, ота-онанинг қонуний никоҳи мавжуд бўлган ҳолларда улардан бири ёки ишончнома асосида бошқа манфаатдор шахс, ота-онанинг ўрнини босувчи шахс ёхуд васийлик ва ҳомийлик органларининг мансабдор шахслари томонидан тақдим этилади.

31. Туғруқхонадан ташқари жойларда ва тиббий ёрдамсиз туғилган бо-

ланинг туғилишини қайд этиш участка шифокори (фельдшер ёки акушер) томонидан берилган туғилганлик ҳақидаги тиббий маълумотнома асосида амалга оширилади.

32. 16 ёшдан ошган, тиббиёт муассасасидан ташқарида ва тиббий ёрдамсиз туғилган, шунингдек тиббиёт муассасаси томонидан туғилганлик ҳақидаги маълумотнома расмийлаштирилмаган шахсларнинг туғилганлигини қайд этиш суднинг ҳал қилув қарори асосида амалга оширилади.

Агар бола 16 ва ундан катта ёшда бўлса ва унга нисбатан тиббиёт муассасаси томонидан расмийлаштирилган туғилганлик ҳақидаги тиббий маълумотнома мавжуд бўлса, унинг туғилиши ота-она ёки улардан бири ва вояга етган боланинг аризасига кўра қайд этилади.

33. Туғилишни қайд этиш билан бир вақтда, никоҳда бўлмаган ота-ондан туғилган болага оталикни белгилаш ота ва онанинг ФХДЁ органига биргаликда берган аризаси асосида амалга оширилади.

34. Агар боланинг онаси бошқа шахс билан қонуний никоҳда турган бўлса, оталикни белгилаш тўғрисидаги аризага никоҳда турган эрнинг у билан қонуний никоҳда бўлган онадан туғилган болага нисбатан оталикни белгилашга ёки боланинг туғилишини ёлғиз она аризаси асосида қайд этилишига нотариал тасдиқланган розилиги илова қилиниши ёки у ФХДЁ органига келиб бунга ёзма равишда ўз розилигини билдириши лозим. Бундай розилик ФХДЁ органи раҳбари томонидан тасдиқланади.

Масалан, фуқаро Б. Турдиматовнинг розилик аризасида қуйидагилар кўрсатилган бўлиши лозим:

«Мен билан қонуний никоҳда турган фуқаро Ч. Узоқовадан 2022 йил 25 декабрда туғилган ўғил фарзанднинг биологик отаси эмасман, болага нисбатан келгусида ота-оналик ҳуқуқини даъво қилмайман, боланинг туғилишини ёлғиз она аризаси асосида қайд этилишига ёки болага нисбатан унинг ҳақиқий отаси томонидан оталик белгиланишига қарши эмасман».

Оила кодексининг 60-моддаси 3-қисмига мувофиқ агар никоҳ тугаганидан кейин уч юз кун ичида бола туғилса ва бу даврда боланинг онаси янги никоҳга кирган бўлса, бола янги никоҳда туғилган ҳисобланади. Бундай ҳолларда боланинг туғилишини қайд этишда собиқ эрдан розилик олинishi талаб этилмайди.

35. Туғилганлик ҳақида далолатнома ёзуви тўлдирилгач, унинг қоғозга чоп этилган нусхаси ариза берувчи томонидан ўқиб чиқилиб имзоланади ва унга шу вақтнинг ўзида туғилганлик ҳақида гувоҳнома берилади.

Ариза берувчининг талабига асосан унга мазкур Йўриқноманинг 11-иловасига мувофиқ шаклдаги Туғилганлик ҳақида маълумотнома берилиши мумкин.

36. Чет элда туғилган (хорижий давлатнинг ваколатли органида туғилиши қайд қилинган) боланинг маълумотлари легализация қилинган ёки апостиль қўйилган туғилганликни тасдиқловчи ҳужжатлари асосида (гувоҳнома, сертификат ва бошқа ҳужжатлар) электрон ахборот тизимига киритилади, бундан Ўзбекистон Республикасининг халқаро шартномаларида назарда тутилган ҳолатлар мустасно.

37. Туғилганлик ҳақидаги тиббий маълумотнома ёки боланинг у ёки бу онадан туғилганлик фактини белгилаш ҳақидаги суднинг ҳал қилув қарори туғилганлик ҳақидаги далолатнома ёзувининг орқа томонига тикилади ва у билан бирга сақланади, туғилганликни комплекс давлат хизмати сифатида қайд этиш бундан мустасно.

2-§. Ёлғиз онадан туғилган боланинг туғилишини қайд этиш

38. Ёлғиз онадан туғилган боланинг туғилишини қайд этишда ёлғиз (қонуний никоҳда бўлмаган) она томонидан ФХДЁ органига онанинг шахсини тасдиқловчи ҳужжат ва мазкур Йўриқноманинг 12-иловасига мувофиқ шаклдаги ёзма ариза тақдим этилади.

Агар туғилган боланинг онаси вояга етмаган бўлса, туғилишни қайд этиш боланинг туғилганлиги ҳақида тиббий маълумотнома ҳамда васийлик ва ҳомийлик органининг аризасига асосан онанинг яшаш жойидаги ФХДЁ органи томонидан қайд этилади. Бунда болани туққан онанинг шахсини тасдиқловчи ҳужжати ёки туғилганлик ҳақидаги гувоҳномаси билан бирга яшаш ва ўқиш жойидан расми елимланган ҳолдаги маълумотномалар тақдим этилиши лозим.

39. Ёлғиз онанинг аризасида она ва отанинг фамилияси бир хилда — онанинг фамилияси бўйича кўрсатилиши лозим.

Боланинг фамилияси эса онанинг фамилияси ёки миллий анъаналарга кўра она томонидан бобонинг исми бўйича берилиши мумкин.

40. Туғилганлик ҳақида далолатнома ёзувини қайд этишда ёлғиз она шахсан иштирок этолмаган тақдирда онанинг аризадаги имзоси тиббиёт муассасаси ёки жазони ижро этиш муассасаси мансабдор шахсининг имзоси ва ушбу муассасанинг гербли муҳри билан ёхуд нотариал тартибда тасдиқланган бўлиши шарт.

41. Ёлғиз оналарнинг аризалари мазкур Йўриқноманинг 13-иловасига мувофиқ шаклдаги Ёлғиз оналарнинг аризаларини рўйхатга олиш электрон дафтарига қайд этилиб, аризанинг пастки ўнг бурчагига кириш қилинган сана ва кириш рақами ёзиб қўйилади ҳамда кетма-кетлиги бўйича тикиб борилади.

Аризанинг юқори ўнг бурчагига далолатнома ёзуви рақами ва санаси, берилган гербли гувоҳнома серияси ва рақами ёзиб қўйилади.

42. Ёлғиз онага фарзандининг туғилганлиги ҳақида далолатнома ёзуви қайд этилганлиги тўғрисида мазкур Йўриқноманинг 14-иловасига мувофиқ шаклдаги маълумотнома берилади.

3-§. Туғилишни қайд этишнинг алоҳида ҳоллари

43. Туғилишни қайд этиш учун бир ойлик муддат ўтказиб юборилган тақдирда, ФХДЁ органига туғилишни қайд этиш муддатини ўтказиб юборганлик сабаблари кўрсатилган мазкур Йўриқноманинг 15-иловасига мувофиқ шаклдаги ариза, шунингдек қуйидаги ҳужжатлар тақдим этилади:

бола (шахс)нинг туғилганлиги ҳақида тиббий маълумотнома;

бола (шахс)нинг соғлиғи тўғрисида маълумотнома.

Бунда, ФХДЁ органлари ушбу болага нисбатан туғилганлик ҳақида далолатнома ёзуви қайд этилган ёки қайд этилмаганлигини электрон ахборот тизими орқали аниқлайди.

44. Чет элда туғилган, лекин туғилиши ўша давлатларда белгиланган тартибда қайд этилмаган боланинг туғилишини қайд этишда мазкур Йўриқноманинг 43-бандида кўрсатилган ҳужжатлар талаб этилади.

45. Ташлаб кетилган болани топиб олган шахс бу ҳақда бола топиб олинган вақтдан бошлаб йигирма тўрт соат мобайнида ушбу тумандаги ички ишлар органига ёки васийлик ва ҳомийлик органига хабар бериши шарт.

Ички ишлар, васийлик ва ҳомийлик органлари, бола жойлашган муассаса ёки тиббиёт муассасаси маъмурияти бола топиб олинган вақтдан бошлаб етти иш кунидан кечикмаган муддатда ФХДЁ органларига топиб олинган (ташлаб кетилган) боланинг туғилганлигини қайд этиш ҳақида мурожаат этишлари лозим.

Топиб олинган (ташлаб кетилган) боланинг туғилганлигини қайд этиш ички ишлар, васийлик ва ҳомийлик органлари, бола жойлашган муассаса маъмурияти ёки тиббиёт муассасасининг мазкур Йўриқноманинг 16-иловасига мувофиқ шаклдаги аризасига биноан амалга оширилади.

Бунда, топиб олинган (ташлаб кетилган) бола туғилганлигини қайд этиш ҳақидаги аризада боланинг топиб олинган вақти, жойи ва топиб олинган пайтдаги ҳолати, ёши, жинси, вазни ва бўйи ҳақидаги маълумотлар аниқ кўрсатилиши зарур.

Топиб олинган (ташлаб кетилган) боланинг туғилганлик ҳақидаги далолатнома ёзувига ота-онасининг фамилияси, исми ва миллати тўғрисидаги маълумотлар ички ишлар, васийлик ва ҳомийлик органлари, бола жойлашган муассаса ёки тиббиёт муассасаси маъмуриятининг кўрсатмалари асосида киритилади. Бундай ҳолда боланинг ва унинг ота-онаси сифатида кўрсатилган шахсларнинг фамилияси бир хилда ёзилади.

Онаси томонидан ташлаб кетилган болани қайд этиш бола жойлашган тиббиёт муассасаси ёхуд бола жойлашган жойдаги васийлик ва ҳомийлик органи аризасига мувофиқ, боланинг онаси томонидан ташлаб кетилган вақтдан бошлаб етти кун ичида амалга оширилади.

Онаси томонидан ташлаб кетилган боланинг туғилганлигини қайд этиш учун аризада боланинг ташлаб кетилган вақти, жойи ва ташлаб кетилган пайтдаги ҳолати, ёши, жинси, вазни ва бўйи ҳақидаги маълумотлар аниқ кўрсатилиши зарур.

Онаси томонидан ташлаб кетилган боланинг фамилияси, исми, ота исми тўғрисидаги маълумотлар, шунингдек ота-она тўғрисидаги маълумотлар туғилганлик ҳақидаги далолатнома ёзувига юқорида кўрсатилган органларнинг кўрсатмасига биноан киритилади. Бундай ҳолда боланинг ва унинг ота-онаси сифатида кўрсатилган шахсларнинг фамилияси бир хилда ёзилади.

Туғилганлик ҳақидаги далолатнома ёзувининг «Белгилар учун» қаторига «Бола топиб олинган» ёки «Ташлаб кетилган» деб ёзилади ва ота-онаси ҳақидаги маълумотлар кимнинг кўрсатмасига асосан ёзилганлиги кўрсатилади.

4-§. Оталикни белгилаш

46. Ўзаро қонуний никоҳда бўлмаган ота-онанинг мазкур Йўриқноманинг 17-иловасига мувофиқ шаклдаги Оталикни белгилаш ҳақидаги аризаси уни қабул қилган ФХДЁ органи ходими томонидан имзоланиб, тартиб рақами ва сана қўйилади ҳамда ушбу Йўриқноманинг 18-иловасига мувофиқ шаклдаги Оталикни белгилаш ҳақидаги аризаларни рўйхатга олиш электрон дафтарига кирим қилинади.

47. Оталикни белгилаш ҳақидаги ариза ФХДЁ органига бола туғилгунгача, боланинг туғилишини қайд этиш билан бир вақтда ёки боланинг туғилиши қайд этилгандан сўнг берилиши мумкин. Ариза ФХДЁ органининг масъул ходими томонидан ундаги маълумотларни ота-онанинг шахсини тасдиқловчи ҳужжатлари билан солиштириб қабул қилинади.

48. Оталикни белгилашда ота-оналардан бири иштирок этмаган тақдирда, унинг имзоси қонунчиликда белгиланган тартибда (нотариус, Ўзбекистон Республикасининг консуллик муассасаси масъул шахси ёки тиббиёт муассасаси, ФХДЁ органи, ҳарбий қисм ёки жазони ўташ муассасаси раҳбарининг имзоси ва муҳри билан) тасдиқланади.

Оталикни ишончнома орқали белгилашга йўл қўйилмайди.

49. Суднинг оталикни белгилаш ҳақидаги ҳал қилув қарорига асосан боланинг туғилганлиги ҳақидаги далолатнома ёзувига отаси тўғрисидаги маълумотларни киритиш мазкур ҳал қилув қарори қонуний кучга киргандан кейин амалга оширилади. Бунда ариза берувчи томонидан суднинг ҳал қилув қарори ва боланинг туғилганлик ҳақидаги гувоҳномаси тақдим қилиниши зарур.

50. Туғилганлик ҳақидаги далолатнома ёзуви ёлғиз онанинг аризасига асосан қайд этилгандан кейин боланинг ота-онаси қонуний никоҳдан ўтиб, она эрининг фамилиясига ўтган бўлса ва улар оталикни белгилаш ҳақида биргаликдаги ариза билан мурожаат этса, далолатнома ёзувининг она устундаги онанинг фамилияси ҳақидаги ёзувга ўзгартириш киритилади. Бу ҳақда онадан қўшимча ариза олиш талаб этилмайди.

51. Оталик белгилангандан кейин ариза берувчи(лар)га мазкур Йўриқноманинг 19-иловасига мувофиқ шаклдаги Оталик белгиланганлиги ҳақида маълумотнома берилади.

52. Туғилишни қайд этиш билан бир вақтда расмийлаштирилмаган ҳолларда, оталикни белгилаш боланинг туғилганлик ҳақидаги далолатнома ёзувига ўзгартириш киритиш қоидаларини қўллаш орқали амалга оширилади.

Туғилганлик ҳақидаги далолатнома ёзуви бошқа ФХДЁ органида қайд этилган бўлса, оталикни белгилаш ҳақидаги аризани қабул қилган ФХДЁ органи ариза келиб тушган вақтдан бошлаб бир иш куни ичида далолатнома ёзувини қайд қилган ФХДЁ органига далолатнома ёзувига ўзгартириш киритиш ҳақида электрон ахборот тизими орқали мазкур Йўриқноманинг 20-иловасига мувофиқ шаклдаги хабарнома юборади.

Дастлабки далолатнома ёзувини қайд қилган ФХДЁ органи хабарнома

келиб тушган кундан бошлаб бир иш куни ичида далолатнома ёзувига зарур ўзгартириш киритиб, электрон ахборот тизими орқали тасдиқлайди.

Бунда, оталикни белгилаш ҳақидаги аризани қабул қилган ФХДЁ органи дастлабки далолатнома ёзувига ўзгартириш киритилганлиги тўғрисида тасдиқнома олган вақтдан бошлаб бир соат ичида ахборот тизимида далолатнома ёзувига гербли гувоҳноманинг серияси ва рақамини киритиб, ариза берувчига гербли гувоҳномани чоп этиб беради.

Оталикни белгилаш 16 ёшга тўлган шахсга нисбатан амалга ошириладиган бўлса, у ҳолда далолатнома ёзувидаги ота ҳақидаги маълумотларга ўзгартириш киритиш Ўзбекистон Республикаси Оила кодексининг 28-бобида белгиланган фамилия, исм ва ота исмини ўзгартириш киритиш тартибида амалга оширилади.

Оталикни белгилаш 16 ёшга тўлмаган шахсга нисбатан амалга ошириладиган бўлса, у ҳолда далолатнома ёзувидаги ота ҳақидаги маълумотларга ўзгартириш киритиш Ўзбекистон Республикаси Оила кодексининг 29-бобида белгиланган далолатнома ёзувларига ўзгартириш, тузатиш ва қўшимчалар киритиш тартибида амалга оширилади.

Далолатнома ёзувларига ўзгартиришлар киритилганда, ФХДЁ органи томонидан бу ҳақда икки иш куни ичида туғилганлик ҳақидаги далолатнома ёзувининг ФХДЁ архивларида сақланаётган иккинчи нусхасига тегишли ўзгартиришларни киритиш учун тегишли ФХДЁ архивига мазкур Йўриқноманинг 20-иловасига мувофиқ шаклдаги хабарнома юборилади, далолатнома ёзуви бир нусхада қайд этилган ҳолатлар бундан мустасно.

5-§. Фарзандликка олиш

53. Суднинг фарзандликка олиш тўғрисидаги ҳал қилув қарори қонуний кучга кирган кундан бошлаб ўн кун ичида ФХДЁ органи фарзандликка олинган боланинг туғилиши қайд этилган далолатнома ёзувига зарур ўзгартиришлар киритиши лозим.

54. Фарзандликка олишни расмийлаштириш учун ФХДЁ органига суднинг қонуний кучга кирган ҳал қилув қароридан кўчирма, фарзандликка олинувчининг туғилганлик ҳақидаги гувоҳномаси, шунингдек фарзандликка олувчиларнинг шахсини тасдиқловчи ҳужжатлари тақдим этилади. Фарзандликка олувчилар икки ёки ундан кўп болани бир вақтда фарзандликка олган ҳолларда ҳар бир бола учун алоҳида суднинг ҳал қилув қарори тақдим этилиши, агар ушбу масалада суд томонидан битта ҳал қилув қарори қабул қилинган бўлса, мазкур ҳал қилув қарорининг нусхалари фарзандликка олинаётган болаларнинг сонига мутаносиб миқдорда тақдим этилиши ҳамда ҳар бир қарорга алоҳида кирим ва ижро ҳақида белги қўйилиши лозим.

Бунда, фарзандликка олишни расмийлаштириш учун фарзандликка олувчилардан бири ёки уларнинг қонуний вакили ФХДЁ органига мурожаат қилиши мумкин.

55. Туғилганлик ҳақидаги далолатнома ёзуви бошқа ФХДЁ органида қайд этилган бўлса, фарзандликка олувчилар мурожаат қилган ФХДЁ орга-

ни ариза келиб тушган вақтдан бошлаб бир иш куни ичида далолатнома ёзувини қайд қилган ФХДЁ органига далолатнома ёзувига ўзгартириш киритиш ҳақида электрон ахборот тизими орқали мазкур Йўриқноманинг 21-иловасига мувофиқ шаклда хабарнома юборади.

Дастлабки далолатнома ёзувини қайд қилган ФХДЁ органи хабарнома келиб тушган вақтдан бошлаб бир иш куни ичида далолатнома ёзувига зарур ўзгартириш киритиб, электрон ахборот тизими орқали тасдиқлайди.

Бунда, фарзандликка олувчилар мурожаат қилган ФХДЁ органи дастлабки далолатнома ёзувига ўзгартириш киритилганлиги тўғрисида тасдиқнома олган вақтдан бошлаб бир соат ичида ахборот тизимида далолатнома ёзувига гербли гувоҳноманинг серияси ва рақамини киритиб, мурожаат қилган шахсга гербли гувоҳномани чоп этиб беради.

56. Ўн ёшдан ошмаган боланинг туғилган жойи суднинг ҳал қилув қарори асосида Ўзбекистон Республикаси ҳудуди доирасида ўзгартирилган бўлса ёки туғилган санаси суднинг ҳал қилув қарори асосида бир йилдан ортик бўлмаган фарқ билан ўзгартирилса ва ушбу сана боланинг туғилганлик ҳақидаги далолатнома ёзуви қайд қилинган санадан кейин қилиб белгиланса, у ҳолда фарзандликка олувчилар мурожаат қилган ФХДЁ органи томонидан тикланган далолатнома ёзуви қайд этилади.

Бунда, фарзандликка олувчилар мурожаат қилган ФХДЁ органи ариза келиб тушган вақтдан бошлаб бир иш куни ичида дастлабки далолатнома ёзувини қайд қилган ФХДЁ органига мазкур Йўриқноманинг 22-иловасига мувофиқ шаклдаги Фарзандликка олинганлик муносабати билан туғилганлик ҳақидаги далолатнома ёзувини электрон ахборот тизими орқали юбориш ҳақида сўровнома юборади.

Дастлабки далолатнома ёзувини қайд қилган ФХДЁ органи сўровнома келиб тушган вақтдан бошлаб бир иш куни ичида далолатнома ёзувини сўров юборган ФХДЁ органига электрон ахборот тизими орқали юборади.

Фарзандликка олувчилар мурожаат қилган ФХДЁ органи дастлабки далолатнома ёзувини қабул қилиб олган вақтдан бошлаб икки иш куни ичида дастлабки далолатнома ёзуви қайд этилган ФХДЁ органига, шунингдек ФХДЁ архивига (далолатнома ёзуви бир нусхада қайд этилган ҳолатлар бундан мустасно) дастлабки далолатнома ёзувини бекор қилиш ҳақида электрон ахборот тизими орқали мазкур Йўриқноманинг 23-иловасига мувофиқ шаклдаги хабарнома юборади.

57. Суднинг ҳал қилув қарорлари нусхалари улар тақдим этилган куннинг ўзида ушбу Йўриқноманинг 24-иловасига мувофиқ шаклдаги Фарзандликка олиш бўйича суднинг ҳал қилув қарорларини рўйхатга олиш электрон дафтарига рўйхатга олинади ҳамда тақдим этилган қарор нусхасининг пастки ўнг бурчагига рўйхатга олинган рақами ва санаси ёзиб қўйилади.

58. Фарзандликка олинган боланинг туғилганлик ҳақидаги дастлабки гувоҳномасига қия чизиқ тортилиб, фарзандликка олинганлиги сабабли, бекор қилинганлиги ҳақида ёзиб қўйилади.

59. Суднинг ҳал қилув қарори нусхасининг юқори ўнг бурчагига туғил-

ганлик ҳақида далолатнома ёзувининг ҳамда берилган гербли гувоҳноманинг серияси, рақами ва санаси ёзиб қўйилади.

60. Ижроси таъминланган ҳал қилув қарори нусхаси боланинг туғилганлик ҳақидаги дастлабки гувоҳномаси билан биргаликда фарзандликка олиш бўйича алоҳида йиғмажилдга тартиб билан тикилади.

61. Бола ёлғиз она (ота) томонидан фарзандликка олинган ҳолларда, агар суднинг ҳал қилув қароридида туғилганлик ҳақидаги далолатнома ёзувининг ота (она) устунини тўлдириш бўйича кўрсатма берилмаган бўлса, ота (она) ҳақида маълумотлар ёлғиз она (ота)нинг қўшимча аризаси асосида тўлдирилади. Ушбу қўшимча ариза ҳам фарзандликка олиш бўйича йиғмажилдга тикилади.

62. Суднинг ҳал қилув қароридида кўрсатилган маълумотларда номувофиқликлар аниқланган ҳолларда, фарзандликка олишни расмийлаштириш мазкур номувофиқликлар бартараф этилганидан кейин амалга оширилади.

63. Фарзандликка олиш расмийлаштирилгандан сўнг фарзандликка олувчи(лар)га ФХДЁ органи томонидан фарзандликка олинувчининг туғилганлик ҳақидаги янги гувоҳномаси ва зарур бўлганда ушбу Йўриқноманинг 25-иловасига мувофиқ шаклдаги Фарзандликка олинганлик ҳақида маълумотнома берилади.

64. Фарзандликка олиш туғилганлик ҳақидаги далолатнома ёзуви қайд этилган ФХДЁ органи томонидан расмийлаштирилганда ушбу ФХДЁ органи икки иш куни ичида туғилганлик ҳақидаги далолатнома ёзувининг ФХДЁ архивида сақланаётган иккинчи нусхасига тегишли ўзгартиришлар киритиш учун электрон ахборот тизими орқали мазкур Йўриқноманинг 21-иловасига мувофиқ шаклдаги хабарнома юборади, далолатнома ёзуви бир нусхада қайд этилган ҳолатлар бундан мустасно.

IV боб. Никоҳ тузилганлигини қайд этиш

65. Никоҳ тузилганлигини қайд этиш учун никоҳланувчи шахслар томонидан ФХДЁ органига ушбу Йўриқноманинг 26-иловасига мувофиқ шаклда Никоҳ тузилганлигини қайд этиш ҳақида ариза берилади.

Ариза ФХДЁ органига бевосита ёки Ягона интерактив давлат хизматлари портали (бундан буён матнда ЯИДХП деб юритилади) орқали берилиши мумкин.

Ариза ЯИДХП орқали берилганда, ФХДЁ органи ходими ариза келиб тушган вақтдан бошлаб бир иш куни ичида аризани кўриб чиқади ва натижаси бўйича тиббий кўрикдан ўтиш учун йўлланма шакллантириб беради.

Бунда, Оила кодексининг 16-моддасида кўрсатилган ҳолатлар мавжуд бўлганда, аризани қабул қилиш рад этилади.

Никоҳ тузилганлигини қайд этиш учун берилган аризалар мазкур Йўриқноманинг 27-иловасига мувофиқ шаклдаги Никоҳ тузилганлигини қайд этиш ҳақидаги аризаларни рўйхатга олиш электрон дафтарига кирим қилинади.

66. Никоҳланувчи шахсларга тиббий кўрикдан ўтиш учун берилган йўлланмаларнинг рақами аризанинг кирим рақамига «/» белгиси орқали тартиб билан қўшиб борилади.

67. Никоҳни қайд этиш ҳақидаги ариза ФХДЁ органи ходими иштирокида имзоланиши ҳамда у томонидан аризада кўрсатилган маълумотлар ариза берувчиларнинг шахсини тасдиқловчи ҳужжатлари билан текшириб қабул қилиниши лозим.

Бунда, ариза берувчиларнинг никоҳда турмаслиги электрон ахборот тизими орқали текшириб олинади.

68. Аризанинг олд томони топшириш вақтида тўлдирилиб, ўша кундаги сана қўйилади. Аризанинг орқа томони никоҳланувчи шахсларнинг тиббий кўрикдан ўтганлиги тўғрисидаги маълумотномалар тақдим этилган вақтда тўлдирилади ва шу кундаги сана қўйилади.

Тиббий кўрик натижаси бўйича никоҳланувчи шахсларда ёки уларнинг бирида руҳий ҳолатининг бузилганлиги аниқланса, ФХДЁ органи руҳий ҳолатининг бузилиши аниқланган никоҳланувчи шахснинг яшаш жойидаги туман, шаҳар тиббиёт бирлашмасидан унинг руҳий ҳолати бузилиши сабабли суд томонидан муомалага лаёқатсиз деб топилганлиги ҳақида маълумот мавжуд ёки мавжуд эмаслигини аниқлаши лозим.

69. Ички ишлар органи томонидан шахсни тасдиқловчи ҳужжат ўрнига вақтинча берилган маълумотномалар билан никоҳ тузилганлигини қайд этишга йўл қўйилмайди.

70. Никоҳ тузилганлигини қайд этиш никоҳланувчиларнинг ФХДЁ органларига ариза берганларидан кейин бир ой ўтгач, шахсан уларнинг иштирокида амалга оширилади.

Узрли сабаблар бўлганда ФХДЁ органи бир ой ўтгунга қадар никоҳ тузишга рухсат бериши мумкин. Бунда, ФХДЁ органига узрли сабабларни тасдиқловчи ҳужжатлар (болаларининг туғилганлиги ҳақидаги гувоҳномалари, тиббиёт муассасасининг келиннинг ҳомиладорлиги ҳақидаги маълумотномаси, хизмат сафари тўғрисидаги ҳужжатлар ва шу каби бошқа ҳужжатлар) тақдим этилади.

71. Алоҳида ҳолларда (ҳомиладорлик, бола туғилиши, бир тарафнинг касаллиги ва бошқалар) никоҳ тузилганлиги ариза берилган куни қайд этилиши мумкин. Бундай ҳолда никоҳ тузилганлигини қайд этиш ҳақидаги аризанинг юқори чап бурчагига асослантилган ёзув киритилади ва ФХДЁ органи раҳбарининг имзоси билан тасдиқланади.

72. Никоҳ тузилганлиги қайд этилгунга қадар никоҳ тузилганлигини қайд этиш ҳақидаги аризалар алоҳида йиғмажилдларда сақланади.

73. Никоҳни расмийлаштириш ариза берилган ФХДЁ органидан бошқа ФХДЁ органида амалга оширилиши мумкин.

Бунда, ФХДЁ органи никоҳланувчи шахсларнинг хоҳишига асосан бошқа ФХДЁ органига берилган аризани жисмоний шахснинг шахсий идентификация рақами (бундан буён матнда ЖШШИР деб юритилади) орқали электрон ахборот тизимидан олади ва белгиланган тартибда никоҳни расмийлаштиради.

Бунда, аризани қабул қилган ФХДЁ органи никоҳ қайд қилинганлиги ҳақида аризага тегишли белги киритиб қўяди.

74. Ўзбекистон Республикаси фуқароларининг чет эл фуқаролари билан никоҳ тузилганлигини қайд этишда аризага чет эл фуқаросининг шахсини тасдиқловчи ҳужжатининг нусхаси ва унинг таржимаси ҳамда чет эл фуқаросининг оилавий аҳолини тасдиқловчи ҳужжатлар белгиланган тартибда легализация қилинган ёки апостиль қўйилган ҳолда илова қилинади.

75. Белгиланган муддатда йўқланмаган аризалар алоҳида йиғмажилдга тикиб борилади.

Никоҳ тузилганлигини қайд этиш тайинланган кундан бошлаб, уч ой ичида йўқланган аризалар бўйича никоҳ тузилганлиги қайд этилади. Бундай ҳолда никоҳ тузилганлигини қайд этиш ҳақидаги аризанинг орқа тарафидаги бўш жойга никоҳланувчи шахслар томонидан белгиланган муддатда келмаганлик сабаблари, никоҳ тузилганлигини қайд эттириш истаги ва шу куннинг санаси ёзилиб, имзо қўйилади.

76. Никоҳ тузилганлигини қайд этиш ҳақидаги ариза берилган кундан бошлаб тўрт ой ичида йўқланмаган аризалар бўйича ушбу Йўриқноманинг 28-иловасига мувофиқ шаклдаги Муддатида йўқланмаган никоҳ тузилганлигини қайд этиш ҳақидаги аризаларни йўқ қилиш бўйича далолатнома тузилади ҳамда ушбу аризалар ёқиб юбориш йўли билан йўқ қилинади. Мазкур далолатномалар алоҳида йиғмажилдга тикиб борилади.

77. Никоҳ тузилганлигини қайд этиш ҳақидаги ариза берилган кундан бошлаб тўрт ойлик муддат ўтгандан кейин никоҳ тузиш истагини билдирган шахслар никоҳ тузилганлигини қайд этиш ҳақидаги ариза билан умумий асосларда қайта мурожаат этишлари лозим.

78. Никоҳлари қайд этилган шахсларнинг аризалари уларнинг тиббий кўрикдан ўтганлиги тўғрисидаги маълумотномалар ва тақдим қилинган ҳужжатлардан нусхалар билан биргаликда ойлик, чораклик ёки йиллик йиғмажилдларга тикиб борилади.

79. ФХДЁ органи томонидан никоҳланувчи шахсларнинг шахсини тасдиқловчи ҳужжатларни уларни кейинчалик расмийлаштириш учун олиб қолишга йўл қўйилмайди.

80. Суднинг никоҳ ҳақиқий эмас деб топилганлиги тўғрисидаги қонуний кучга кирган қарори асосида ФХДЁ органи никоҳ қайд этилганлиги ҳақидаги далолатнома ёзувига бу ҳақда белги қўяди, шунингдек икки иш куни ичида далолатнома ёзувининг ФХДЁ архивида сақланаётган иккинчи нусхасига ўзгартириш киритиш тўғрисида электрон ахборот тизими орқали ушбу Йўриқноманинг 29-иловасига мувофиқ шаклдаги хабарнома юборади, далолатнома ёзуви бир нусхада юритилган ҳолатлар бундан мустасно.

81. Ўзбекистон Республикаси фуқароларининг хорижий давлатларнинг ваколатли органларида қайд қилинган никоҳ ҳақидаги маълумотлари легализация қилинган ёки апостиль қўйилган никоҳ қайд қилинганлигини тасдиқловчи ҳужжатлари асосида (гувоҳнома, сертификат ва бошқа ҳужжатлар) электрон ахборот тизимига киритилади, бундан Ўзбекистон Республикасининг халқаро шартномаларида назарда тутилган ҳолатлар мустасно.

V боб. Никоҳдан ажралишни қайд этиш

82. ФХДЁ органларида никоҳдан ажралишни қайд этиш бўйича иккита Рўйхатга олиш электрон дафтари юритилади.

Эр-хотинларнинг ўзаро розилиги асосида, эр (хотин) уч йилдан кам бўлмаган муддатга озодликдан маҳрум қилинганлиги тўғрисида суднинг қонуний кучга кирган ҳукми ҳамда суд томонидан муомалага лаёқатсиз ёки бедарак йўқолган деб топилганлиги ҳақидаги қонуний кучга кирган ҳал қилув қарорлари асосида эр (хотин) томонидан берилган аризалар мазкур Йўриқноманинг 30-иловасига мувофиқ шаклдаги Никоҳдан ажралишни қайд этиш ҳақидаги аризаларни рўйхатга олиш электрон дафтарига кирим қилинади.

Судларнинг 1998 йил 1 сентябргача ва 2010 йил 15 сентябрдан кейин қабул қилинган никоҳдан ажратиш ҳақидаги ҳал қилув қарорлари асосида никоҳдан ажралишни қайд этиш ҳақидаги аризалар ушбу Йўриқноманинг 31-иловасига мувофиқ шаклдаги Суднинг никоҳдан ажратиш ҳақидаги ҳал қилув қарори асосида никоҳдан ажралишни қайд этиш ҳақидаги аризаларни рўйхатга олиш электрон дафтарига кирим қилинади.

83. 1998 йил 1 сентябрдан 2010 йил 15 сентябргача бўлган даврда қонуний кучга кирган суд қарорлари бўйича никоҳдан ажратишни қайд этиш бўйича мурожаат келиб тушганда, ушбу ҳаракат йўқолган далолатнома ёзувларини тиклаш тартиби ва қоидаларига биноан амалга оширилади.

84. Никоҳдан ажралганлик ҳақидаги дастлабки далолатнома ёзувини қайд этишда иштирок этмаган эр (хотин) томонидан ФХДЁ органига ушбу Йўриқноманинг 32-иловасига мувофиқ шаклдаги Дастлабки далолатнома ёзувига қўшимча киритиш ҳақидаги ариза берилади.

Ушбу ариза мазкур Йўриқноманинг 33-иловасига мувофиқ шаклдаги Дастлабки далолатнома ёзувларига қўшимчалар киритиш ҳақидаги аризаларни рўйхатга олиш электрон дафтарига кирим қилинади.

Масалан, эр (хотин) жазони ижро этиш муассасасида сақланаётганлиги ёки хизмат сафарида бўлиши сабабли, шунингдек бошқа сабабларга кўра, никоҳдан ажралишни қайд этиш тайинланган кунда далолатнома ёзувини қайд этишда иштирок этмаган бўлса, кейинчалик қайтиб келган эр (хотин) томонидан берилган аризалар мазкур электрон дафтарда қайд этилади.

Никоҳдан ажралганлик ҳақидаги дастлабки далолатнома ёзуви бошқа ФХДЁ органида қайд этилган бўлса, эр ёки хотиннинг аризаси ва суд қарорини қабул қилган ФХДЁ органи тегишли ариза келиб тушган вақтдан бошлаб бир иш кун ичида дастлабки далолатнома ёзувини қайд қилган ФХДЁ органига далолатнома ёзувига тўлдириш киритиш учун электрон ахборот тизими орқали ушбу Йўриқноманинг 34-иловасига мувофиқ шаклдаги хабарнома юборади.

Бунда, дастлабки далолатнома ёзувини қайд қилган ФХДЁ органи хабарнома келиб тушган вақтдан бошлаб икки иш кун ичида далолатнома ёзувига зарур тўлдириш киритиб, далолатнома ёзувини электрон ахборот

тизими орқали тасдиқлайди ҳамда далолатнома ёзувининг ФХДЁ архивида сақланаётган иккинчи нусхасига ҳам шундай ёзувлар киритиш учун тегишли ФХДЁ архивига электрон ахборот тизими орқали мазкур Йўриқноманинг 34-иловасига мувофиқ шаклдаги хабарнома юборади, далолатнома ёзуви бир нусхада қайд этилган ҳолатлар бундан мустасно.

85. Никоҳдан ажралишни расмийлаштириш бўйича ҳужжатлар учун учта йиғмажилд юритилади.

Биринчи йиғмажилдга умумий асосларда берилган никоҳдан ажралишни қайд этиш бўйича аризалар ва уларга илова қилинган ҳужжатлар дастлабки далолатнома ёзувларига мувофиқ тартиб билан тикилади.

Иккинчи йиғмажилдга никоҳдан ажралганлик ҳақидаги дастлабки далолатнома ёзувини қайд этишда иштирок этмаган эр (хотин) томонидан ушбу далолатнома ёзувига қўшимчалар киритиш ҳақидаги аризалар тикилади.

Учинчи йиғмажилдга муддатида йўқланмаган аризалар тикиб борилади.

86. Вояга етмаган фарзандлари ҳамда мулкӣ низолари бўлмаган эр-хотинларнинг ўзаро розилиги асосида мазкур Йўриқноманинг 35-иловасига мувофиқ шаклдаги никоҳдан ажралишни қайд этиш ҳақидаги аризаси ушбу ариза келиб тушган куни Никоҳдан ажралишни қайд этиш ҳақидаги аризаларни рўйхатга олиш электрон дафтарига кирим қилинади ва аризанинг юқори ўнг бурчагига ФХДЁ органи ходимининг имзоси қўйилиб, никоҳдан ажралишни қайд этиш тайинланган сана ёзилади.

87. Эр ёки хотин никоҳдан ажралишни қайд этиш тайинланган (уч ойлик муддат тугаган) кунда бирор-бир сабабга кўра ФХДЁ органига кела олмайдиган алоҳида ҳолларда, аризанинг орқа тарафига сабабини кўрсатиб, никоҳдан ажралишни унинг иштирокисиз қайд этиш ҳақида ёзиб қолдиради. Бунда, никоҳдан ажралишни эр (хотин) иштирокисиз қайд этиш ҳақидаги ёзувга хотиннинг (эрнинг) розилиги ҳақидаги имзоси бўлиши зарур.

Бу ҳолда никоҳдан ажралишни қайд этиш вақтида никоҳдан ажралганлик ҳақидаги далолатнома ёзувининг «Белгилар учун» устунда ёзувни қайд этишда иштирок этмаган томон ҳақида ёзиб қўйилади.

Дастлабки далолатнома ёзувини тўлдиришда иштирок этмаган томон мазкур Йўриқноманинг 84-бандида назарда тутилган тартибда ариза билан мурожаат қилган тақдирда, далолатнома ёзувининг унга тегишли қисми тўлдирилиб, имзо қўйдирилади ва унга никоҳдан ажралганлик ҳақида гувоҳнома расмийлаштириб берилади.

Далолатнома ёзувининг тўлдирилмаган қисмига ёзувлар киритган ФХДЁ органи икки иш куни ичида далолатнома ёзувининг ФХДЁ архивида сақланаётган иккинчи нусхасига ҳам шундай ёзувлар киритиш учун тегишли ФХДЁ архивига электрон ахборот тизими орқали мазкур Йўриқноманинг 34-иловасига мувофиқ шаклдаги хабарнома юборади, далолатнома ёзуви бир нусхада қайд этилган ҳолатлар бундан мустасно.

88. Никоҳдан ажралишни қайд этиш ҳақидаги аризанинг юқори ўнг бурчагига далолатнома ёзуви рақами ва санаси ёзиб қўйилади.

89. Никоҳдан ажралишни қайд этиш тайинланган кундан бошлаб, уч ой ичида йўқланган аризалар бўйича никоҳдан ажралиш қайд этилиши мумкин.

Бунда никоҳдан ажралишни қайд этиш ҳақидаги аризанинг орқа тарафига ариза берувчи(лар) томонидан белгиланган муддатда келмаганлик сабаби, никоҳдан ажралишни қайд этириш истаги ва шу кундаги сана ёзилиб, улар томонидан имзоланади.

90. Никоҳдан ажралишни қайд этиш тайинланган кундан бошлаб, уч ой ичида йўқланмаган аризалар бўйича мазкур Йўриқноманинг 36-иловасига мувофиқ шаклдаги Муддатида йўқланмаган никоҳдан ажралишни қайд этиш ҳақидаги аризаларни йўқ қилиш бўйича далолатнома тузилади ҳамда мазкур аризалар ёқиб юбориш йўли билан йўқ қилинади. Ушбу далолатномалар Муддатида йўқланмаган аризаларни йўқ қилиш далолатномалари йиғмажилдига тикиб қўйилади.

91. Ариза берилган кундан бошлаб, олти ойлик муддатдан кейин никоҳдан ажралишни қайд этиш истагини билдирган шахслар никоҳдан ажралишни қайд этиш ҳақида ариза билан умумий асосларда қайта муурожаат этишлари лозим.

92. Никоҳдан ажралишни суднинг қонуний кучга кирган ҳал қилув қарори асосида қайд этиш эр ёки хотиннинг ёхуд эр ёки хотиндан бирининг ишончнома асосида ҳаракат қилувчи вакилининг ушбу Йўриқноманинг 37-иловасига мувофиқ шаклдаги Никоҳдан ажралишни қайд этиш тўғрисидаги аризаси асосида амалга оширилади. Бунда аризага суднинг ҳал қилув қарори илова қилинади.

Суднинг ҳал қилув қарорида никоҳгача бўлган фамилияни қайтариш масаласи кўрсатилмаган бўлса, ариза берувчининг никоҳгача бўлган фамилияни қайтариш тўғрисидаги истаги никоҳдан ажралиш ҳақидаги аризада кўрсатилиши лозим.

93. Суд томонидан муомалага лаёқатсиз ёки бедарак йўқолган деб топилган эр (хотин) билан никоҳдан ажралишни қайд этиш учун хотин (эр) ФХДЁ органига мазкур Йўриқноманинг 38-иловасига мувофиқ шаклдаги ариза билан муурожаат қилади.

Бунда, аризада муомалага лаёқатсиз эр (хотин) васийсининг манзили, шунингдек никоҳдан ажратишда танланадиган фамилия кўрсатилиши ҳамда суднинг қонуний кучга кирган ҳал қилув қарорининг нухаси илова қилиниши лозим.

ФХДЁ органи эр-хотинни яраштириш бўйича тегишли чоралар кўриш учун эр-хотиннинг бирга яшаш жойидаги фуқаролар йиғинининг оилавий қадриятларни мустаҳкамлаш комиссиясини, агар улар бирга яшамаётган бўлса, ҳар бирининг яшаш жойидаги фуқаролар йиғинининг оилавий қадриятларни мустаҳкамлаш комиссиясини никоҳдан ажралишни қайд этиш ҳақидаги ариза берилган кундан эътиборан уч кундан кечиктирмай ёзма равишда хабардор қилиши керак.

94. Содир қилган жинояти учун уч йилдан кам бўлмаган муддатга озодликдан маҳрум қилинган эр (хотин) билан никоҳдан ажралишни қайд этиш учун хотин (эр) ФХДЁ органига мазкур Йўриқноманинг 39-иловасига мувофиқ шаклдаги ариза билан муурожаат қилади.

Бунда, аризада маҳкум(а)нинг жазони ўтаётган жойи, шунингдек никоҳ-

дан ажратишда танланадиган фамилия кўрсатилиши ҳамда суднинг қонуний кучга кирган ҳукмидан кўчирма илова қилиниши лозим.

95. Эр ёки хотиндан бирининг аризаси асосида никоҳдан ажратиш ҳақидаги аризани қабул қилган ФХДЁ органи маҳкум(а)ни, муомалага лаёқатсиз эр (хотин) васийсини аниқлаш учун шу куннинг ўзида ариза берувчи томонидан кўрсатилган манзил бўйича ушбу Ўўриқноманинг 40 ва 41-иловаларига мувофиқ шаклдаги хабарнома юборади.

Муомалага лаёқатсиз эр (хотин)га васий тайинланмаганда, хабарнома тегишли васийлик ва ҳомийлик органига юборилади.

Хабарномада болалари тўғрисида, биргаликдаги умумий мол-мулкни бўлиш ҳақида ёки ёрдамга муҳтож, меҳнатга лаёқатсиз эр (хотин)га унинг таъминоти учун маблағ тўлаш ҳақида низо мавжудлиги тўғрисида маълумотни тақдим этиш вақти кўрсатилади.

Хабарномада белгиланган муддат ичида жавоб келмаслиги ФХДЁ органи томонидан никоҳдан ажралишни қайд қилинишига тўсқинлик қилмайди.

Хабарнома нусхаси ариза билан бирга тикиб қўйилади.

Эр ёки хотиндан бирининг аризаси асосида никоҳдан ажратиш ФХДЁ органига ариза билан муружаат этилган кундан эътиборан бир ой ўтгач, лекин узоғи билан уч ой ичида аризачининг иштирокида қайд этилади.

Болалар тўғрисида, биргаликдаги умумий мол-мулкни бўлиш ҳақида ёки ёрдамга муҳтож, меҳнатга лаёқатсиз эр(хотин)га унинг таъминоти учун маблағ тўлаш ҳақида низо мавжуд бўлган тақдирда ФХДЁ органи ариза берувчига никоҳдан ажралишни қайд этиш суд томонидан амалга оширилиши ҳақида асослантирилган ҳулоса тақдим этади.

96. МДХ мамлакатлари ва чет эл давлатлари суди томонидан қонуний кучга кирган ҳал қилув қарори асосида Ўзбекистон Республикаси фуқароси билан никоҳдан ажратиш (қарор қачон чиққанидан қатъи назар) агар давлатлараро битимда бошқа ҳол назарда тутилмаган бўлса, умумий асосларда ФХДЁ органида қайд этилади.

Ўзбекистон Республикасида қайд этилган никоҳдан чет эл давлатининг ваколатли органи қарори асосида ажрашган шахслар никоҳдан ажратилганлигини тасдиқловчи ҳужжати (гувоҳнома, маълумотнома, сертификат ва ҳ.к.)нинг легализация қилинган ёки апостиль қўйилган ксеронусхаси унинг таржимаси билан бирга ФХДЁ органига тақдим этиши лозим. Бунда ФХДЁ органи томонидан никоҳ тузилганлиги ҳақидаги далолатнома ёзувига тегишли ёзув киритилади ҳамда унга бу ҳақда маълумотнома берилади.

97. Барча ҳолатларда никоҳдан ажралишни қайд этган ФХДЁ органи томонидан никоҳ тузилганлигини қайд этган ФХДЁ органига ва тегишли ФХДЁ архивига бу ҳақда икки иш куни ичида электрон ахборот тизими орқали мазкур Ўўриқноманинг 42-иловасига мувофиқ шаклдаги хабарнома юборилади, далолатнома ёзуви бир нусхада қайд этилган ҳолатлар бундан мустасно. Ушбу хабарнома асосида ФХДЁ органи ва ФХДЁ архиви томонидан никоҳ тузилганлиги ҳақидаги далолатнома ёзувига белги киритилади.

98. Ўзбекистон Республикаси фуқароларининг хорижий давлатларнинг ва-

колатли органларида қайд қилинган никоҳдан ажралиш ҳақидаги маълумотлари легализация қилинган ёки апостиль қўйилган никоҳдан ажралганлигини тасдиқловчи ҳужжатлари асосида (гувоҳнома, сертификат ва бошқа ҳужжатлар) электрон ахборот тизимига киритилади, бундан Ўзбекистон Республикасининг халқаро шартномаларида назарда тутилган ҳолатлар мустасно.

VI боб. Ўлимни қайд этиш

99. Ўлимни қайд этиш ўлим ҳақидаги тиббий маълумотнома ёки суднинг шахсни вафот этган деб эълон қилиш ҳақидаги ҳал қилув қарорига асосан амалга оширилади.

Ўлимни қайд этиш учун асос бўлган ҳужжат ўлим ҳақидаги далолатнома ёзувининг нусхаси билан бирга тикилади (ўлим композит давлат хизмати сифатида қайд этилган ҳолатлар бундан мустасно) ва тегишли ФХДЁ архивида сақланади.

100. Ўлимни қайд этиш учун ФХДЁ органига ўн олти ёшгача бўлган вафот этган шахснинг туғилганлик ҳақидаги гувоҳномаси ҳужжатлари тақдим этилади. Ушбу ҳужжат тақдим этилмаган ҳолларда ўлимни қайд этиш рад этилмайди. Бунда далолатнома ёзувининг «Белгилар учун» устунига туғилганлик ҳақидаги гувоҳномаси топширилмаганлиги ва далолатнома ёзувининг ўлим ҳақида тиббий гувоҳномага ёки суднинг шахсни вафот этган деб эълон қилиш ҳақидаги ҳал қилув қарорига асосан қайд этилганлиги ёзиб қўйилади.

Агар вояга етмаган вафот этган шахсга нисбатан ФХДЁ органида туғилганлик ҳақидаги далолатнома ёзуви қайд этилмаган бўлса, вафот этган шахсга туғилганлик ҳақида далолатнома ёзуви қайд этилиб, бу ҳақда ариза берган шахсга маълумотнома берилади, шундан сўнг вафот этган шахсга нисбатан белгиланган тартибда ўлим ҳақидаги далолатнома ёзуви қайд этилади.

101. Ўлимни қайд этиш учун ўлим тўғрисидаги тиббий маълумотнома берилган кундан бошлаб уч кундан кечикмай ФХДЁ органига мурожаат қилиниши керак.

Ўлим ҳақидаги тиббий маълумотнома берилган вақтдан бошлаб уч кундан кейин мурожаат этилганда, ФХДЁ органи томонидан ўлимни қайд этиш рад қилинмайди ва умумий асосларда амалга оширилади.

Бунда, ФХДЁ органи вафот этган шахсга нисбатан ўлим ҳақидаги далолатнома ёзуви қайд этилган ёки қайд этилмаганлигини электрон ахборот тизими орқали текшириб олади.

102. Ўлим ҳақидаги далолатнома ёзуви қайд этилгач ариза берувчига ўлим ҳақида гербли гувоҳнома ҳамда мазкур Йўриқноманинг 43-иловасига мувофиқ шаклда дафн этиш жойига топшириш учун маълумотнома расмийлаштирилади ва мурожаат қилган шахсга тақдим этилади.

Ўлим ҳолати Вазирлар Маҳкамасининг 2022 йил 25 февралдаги 89-сон қарори билан тасдиқланган Ўлимни қайд қилиш билан боғлиқ композит давлат хизматларини кўрсатишнинг маъмурий регламентига мувофиқ электрон ахборот тизимида композит давлат хизмати шаклида қайд этилганда, тиббиёт

муассасалари томонидан ўлим ҳолати ФХДЁ органларида қайд қилинганлиги ҳақида QR-код (матрикс штрихли код) тасвири туширилган маълумотнома берилади.

Бунда, вафот этган шахснинг қариндошлари, яқин кишилари ва меросхўрлари исталган вақтда экстерриториал тамойил асосида ФХДЁ органига ўлим ҳақидаги гувоҳнома берилишини сўраб мурожаат қилиши мумкин.

Ушбу ҳолатда, ФХДЁ органи мархумнинг ЖШШИРи орқали электрон ахборот тизимида композит давлат хизмати шаклида қайд этилган далолатнома ёзувини қидириб топади ҳамда ушбу далолатнома ёзувига ўлим ҳақидаги гербли гувоҳноманинг серияси ва рақамини киритиб, гербли гувоҳномани чоп этиб беради.

103. Чет элда вафот этган (хорижий давлатнинг ваколатли органида ўлими қайд қилинган) шахснинг маълумотлари легализация қилинган ёки апостиль қўйилган вафот этганлигини тасдиқловчи ҳужжатлари асосида (гувоҳнома, сертификат ва бошқа ҳужжатлар) электрон ахборот тизимига киритилади ва зарур бўлган ҳолларда ФХДЁ органи томонидан мазкур Йўриқноманинг 44-иловасига мувофиқ шаклда дафн этиш жойига топшириш учун маълумотнома берилади. Ушбу маълумотнома ФХДЁ органидан жўнатилаётган хатларни рўйхатга олиш электрон дафтарига кирим қилинади ва уларнинг нусхаси тегишли йиғмажилдга тикилади.

Бунда, белгиланган тартибда тегишли нафақа тайинланиши учун Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг (бундан буён матнда Пенсия жамғармаси деб юритилади) туман (шаҳар) бўлимига электрон ахборот тизими орқали ўлим ҳақида хабарнома юборилади.

104. Фуқаролар йиғинлари томонидан ҳар ойда ўлим ҳақидаги далолатнома ёзувлари ва ҳисоботлар ФХДЁ органларига топширилади.

105. Боланинг туғилиши бир ой муддат ичида қайд этилмасдан у вафот этганда, унга туғилиш ҳақидаги далолатнома ёзуви ҳамда бир вақтнинг ўзида ўлим ҳақидаги далолатнома ёзуви расмийлаштирилиб, талаб қилинганда ўлим ҳақидаги гувоҳнома берилади.

106. ФХДЁ органи томонидан ўн олти ёшгача вафот этган болага нисбатан ўлим ҳақидаги далолатнома ёзуви қайд этилгандан сўнг, вафот этган шахснинг туғилганлик ҳақидаги далолатнома ёзувининг «Белгилар учун» устунига унинг вафот этганлиги ҳақида ёзув киритилади. Агар вафот этган шахснинг туғилиши Ўзбекистон Республикаси доирасида бошқа ФХДЁ органи томонидан қайд этилган бўлса, бу ҳақда ўлимни қайд этган ФХДЁ органи томонидан туғилишни қайд этган ФХДЁ органига электрон ахборот тизими орқали мазкур Йўриқноманинг 45-иловасига мувофиқ шаклда хабарнома юборилади.

107. Ўн олти ёшгача вафот этган болаларнинг туғилганлик ҳақидаги гувоҳномалари ҳар чоракда тузиладиган далолатнома асосида ёқиб юбориш йўли билан йўқ қилинади. Бунда, далолатномада вафот этган боланинг фамилияси, исми, далолатнома ёзуви рақами ва санаси, гувоҳноманинг серияси ва рақами кўрсатилиши шарт.

Ёқилаётган гувоҳномаларнинг қирқиб олинган серияси ва рақамлари далолатномага ёпиштирилган ҳолда ФХДЁ органида сақланади.

VII боб. Далолатнома ёзувига ўзгартириш, тузатиш ва қўшимчалар киритиш

108. Далолатнома ёзувларига ўзгартиришлар, тузатишлар ва қўшимчалар киритиш қуйидаги ҳолларда амалга оширилади:

«Давлат тили ҳақида»ги Ўзбекистон Республикаси Қонунининг 15-моддаси асосида тарихий ва миллий анъаналарга риоя қилиш мақсадида фамилияси, исми, отасининг исмини ёздириш истаги бўлганда;

оталик белгиланганда;

фарзандликка олинганда;

ота-онанинг ўзаро келишувига кўра (шунингдек ота-она никоҳдан ажратилганда) ёки ҳоким қарорига кўра вояга етмаган боланинг фамилияси ўзгартирилганда;

миллати ўзгартирилганда;

никоҳда турмаган она томонидан боланинг отаси ҳақидаги маълумотларни ўзгартириш ҳақида ариза берилганда (бола 16 ёшга етгунга қадар);

суд қарори билан оталикни белгилаш ҳақиқий эмас деб топилганда, ота ҳақидаги маълумотлар бекор қилинганда ёки фарзандликка олиш бекор қилинганда;

ота-онасининг фамилияси, исми ва отасининг исми ўзгартирилиши муносабати билан вояга етмаган боланинг фамилияси ва отасининг исми ўзгартирилганда;

далолатнома ёзувларида имловий хато ва ноаниқликлар бўлганда, шунингдек туғилган вақти, жойи ва отасининг исми ҳақидаги ёзув мавжуд бўлмаганда;

16 ёшга тўлмаган боланинг исми ва фамилияси ўзгартирилганда, агар исми ва фамилияси ота-онасининг хоҳиши ҳисобга олинмаган ҳолда берилган бўлса;

агар далолатнома ёзувида исми қисқартириб ёки эркалатиш шаклида ёзилган бўлса;

жинси ўзгартирилганда.

Далолатнома ёзувига ўзгартириш, тузатиш ва қўшимчалар киритиш учун ариза берувчи мазкур Йўриқноманинг 46-иловасига мувофиқ шаклдаги Далолатнома ёзувига ўзгартириш, тузатиш ва қўшимчалар киритиш ҳақидаги ариза билан доимий яшаш жойидан қатъи назар, ФХДЁ органига мурожаат қилади.

Бунда, ариза берувчи ФХДЁ органига шахсан ўзи келолмаган тақдирда, далолатнома ёзувларига ўзгартиришлар, тузатишлар ва қўшимчалар киритиш консул ёки нотариус томонидан тасдиқланган ишончнома ва ариза асосида амалга оширилиши мумкин.

Ўлим ҳақидаги далолатнома ёзувига тузатишлар киритиш яқин қариндош(лар) ёки меросхўр(лар)нинг аризасига кўра ФХДЁ органи томонидан амалга оширилади.

Вафот этган шахсларнинг туғилганлик, никоҳ тузиш, никоҳдан ажралганлик ҳақидаги далолатнома ёзувларига тузатиш ва қўшимчалар суд қарорига асосан ФХДЁ органи томонидан киритилади.

109. Қабул қилинган аризалар шу куннинг ўзида мазкур Йўриқноманинг 47-иловасига мувофиқ шаклдаги Далолатнома ёзувларига ўзгартириш, тузатиш ва қўшимчалар киритиш ҳақидаги аризаларни рўйхатга олиш электрон дафтарига кирим қилиниб, ариза ва тақдим этилган ҳужжатлар алоҳида йиғмажилдга тартиб билан тикилади.

110. Ўн олти ёшга тўлмаган боланинг туғилганлик ҳақидаги далолатнома ёзувига ўзгартириш, тузатиш ва қўшимчалар киритиш ота-онасининг биргаликдаги ёки уларнинг ўрнини босувчи шахсларнинг мазкур Йўриқноманинг 48-иловасига мувофиқ шаклдаги аризаси асосида амалга оширилади.

Ўн ёшга тўлган боланинг исми ёки фамилиясини ўзгартиришга фақат унинг розилиги билан йўл қўйилади. Бунда боланинг розилиги ота-онаси ёки уларнинг ўрнини босувчи шахслар томонидан берилган аризада унинг шахсий имзоси билан ифодаланади.

Бола ўн олти ёшга тўлиши билан шахсини тасдиқловчи ҳужжатини олгунга қадар, туғилганлик ҳақидаги далолатнома ёзувида хатоларни тузатиш ёки исмига қўшимча киритиш, боланинг аризаси, туғилганлик ҳақидаги гувоҳномаси асосида амалга оширилади.

Масалан, имловий хато билан ёзилган «Адил» деган исми «Одил»га ўзгартириб тузатиш киритиш ёки «Азим» деган исмга «-бек» қўшимчасини киритиб, «Азимбек»ка ёхуд отасининг миллатини «ўзбек»дан «туркман»га ўзгартириш каби.

111. Агар шахс Ўзбекистон Республикасининг «Давлат тили ҳақида»ги Қонунининг 15-моддасига кўра шахснинг фамилиясига «-ев», «-ов», «-ева», «-ова», исмига «-хон», «-хўжа», «-хожи», «-бек», «-бону», «-биби», «-бегим», «-зода», «мир-», «абду-» каби қўшимчаларни, ота исмини ёзишда «-евич», «-ович», «-евна», «-овна», «қизи», «ўғли», «-ий», «-зода» каби қўшимчаларни киритишни ёки олиб ташлашни истаса, бу далолатнома ёзувига қўшимча киритиш йўли билан амалга оширилади.

112. Агар далолатнома ёзувида шахснинг исми қисқартирилиб, эркалаш шаклида ёки имловий хато билан ёзилган бўлса, далолатнома ёзувига тузатиш киритиш ушбу шахснинг аризаси асосида амалга оширилади.

Масалан, туғилганлик ҳақидаги далолатнома ёзувида шахснинг исми Мохчехра деб ёзилган бўлса — Мохичеҳрага, Батир деб ёзилган бўлса — Ботирга ўзгартириш каби.

113. Никоҳ тузилганлигини қайд этишда эрининг (хотинининг) фамилиясини умумий фамилия сифатида танлаган, лекин шахсини тасдиқловчи ҳужжати ўзгаришсиз қолган хотиннинг (эрнинг) ўзининг никоҳгача бўлган фамилиясига қайтиш ҳақидаги талаби никоҳ тузилганлиги ҳақидаги далолатнома ёзувига ўзгартириш киритиш орқали қаноатлантирилади.

114. Никоҳдан ажралганлик ҳақидаги далолатнома ёзувининг «Никоҳдан ажралгандан кейинги фамилияси» устунида никоҳгача бўлган фамилияси кўрсатилган, лекин шахсини тасдиқловчи ҳужжати ўзгаришсиз қолган

эр ёки хотиннинг никоҳдан ажралгунга қадар бўлган фамилиясига қайтиш ҳақидаги талаби никоҳдан ажралганлик ҳақидаги далолатнома ёзувига ўзгартириш киритиш орқали қаноатлантирилади.

115. Шахснинг жинси ўзгарганда, далолатнома ёзувига тузатиш киритиш фақат тиббиёт муассасасининг хулосасига асосан амалга оширилади.

116. ФХДЁ органи томонидан ариза ўн кун ичида кўриб чиқилиши лозим, узрли сабаб мавжуд бўлганда (ўзгартириш киритилишига асос бўлган далолатнома ёзувларидан нусхалар мавжуд эмаслиги) аризани кўриб чиқиш муддати ФХДЁ органи мудирини томонидан бир ойгача узайтирилиши мумкин.

Далолатнома ёзувига ўзгартириш, тузатиш ва қўшимчалар киритилганда ариза берувчига янги гувоҳнома расмийлаштириб берилади.

Далолатнома ёзуви бошқа ФХДЁ органида қайд қилинган бўлса, ариза берувчи мурожаат қилган ФХДЁ органи томонидан ариза қабул қилинган вақтдан бошлаб бир иш куни ичида мазкур Йўриқноманинг 49-иловасига мувофиқ шаклда Далолатнома ёзувига ўзгартириш, тузатиш ва қўшимчалар киритиш тўғрисида хабарнома юборилади.

Бунда, далолатнома ёзувини қайд қилган ФХДЁ органи хабарнома келиб тушган вақтдан бошлаб икки иш куни ичида далолатнома ёзувига зарур ўзгартириш, тузатиш ва қўшимчалар киритиб, далолатнома ёзувини электрон ахборот тизими орқали тасдиқлайди ҳамда далолатнома ёзувининг ФХДЁ архивида сақланаётган иккинчи нусхасига ҳам шундай ёзувлар киритиш учун тегишли ФХДЁ архивига электрон ахборот тизими орқали мазкур Йўриқноманинг 49-иловасига мувофиқ шаклдаги хабарнома юборади, далолатнома ёзуви бир нусхада қайд этилган ҳолатлар бундан мустасно.

Далолатнома ёзувига ўзгартириш, тузатиш ва қўшимчалар киритиш сабабли бериладиган янги гувоҳномага «такрорий» деб белги қўйилмайди.

117. Ўзгартириш, тузатиш ва қўшимчалар киритилиши лозим бўлган далолатнома ёзувлари Ўзбекистон Республикаси ҳудудидан ташқарида қайд этилган бўлса, ФХДЁ органи раҳбари томонидан ўзгартиришлар қайд этиладиган далолатнома ёзувларининг сонига мувофиқ нусхада, шунингдек Ўзбекистон Республикаси ҳудудида қайд этилган никоҳ тузилганлиги ва ўлим ҳақидаги, ака-укалар ва опа-сингилларнинг туғилганлик ҳақидаги ва бошқа далолатнома ёзувларида тафовутлар бўлган ҳолларда, икки нусхада мазкур Йўриқноманинг 50-иловасига мувофиқ шаклдаги Далолатнома ёзувига ўзгартириш, тузатиш ва қўшимчалар киритиш тўғрисида хулоса тузилади.

Далолатнома ёзувига ўзгартириш, тузатиш ва қўшимчалар киритиш тўғрисида хулоса тузилиши лозим бўлган аризалар бўйича ҳужжатлар алоҳида йиғмажилдга тикилади ҳамда ўзгартириш, тузатиш ва қўшимчалар киритилиши лозим бўлган далолатнома ёзувлари нусхаси ушбу йиғмажилдга қўшиб қўйилади.

118. Далолатнома ёзувига ўзгартириш, тузатиш ва қўшимчалар киритиш учун асос бўлган ҳолатлар ҳақида далолатнома ёзувининг «Белгилар учун» устунида қисқа ва аниқ изоҳ ёзилиб, ФХДЁ органи масъул ходимининг фамилияси кўрсатилади, шунингдек далолатнома ёзувининг қоғозга чоп этил-

ган нусхаси ФХДЁ органи ходими томонидан имзоланиб, гербли муҳр билан тасдиқланади.

Масалан, 16.01.2022 йилдаги 125-сон аризага асосан бола ва онанинг фамилияларига тузатиш киритилди.

119. Ариза берувчининг талабига кўра унга ФХДЁ органи томонидан мазкур Йўриқноманинг 51-иловасига мувофиқ шаклдаги Далолатнома ёзувига ўзгартириш, тузатиш ва қўшимчалар киритилганлиги тўғрисида маълумотнома берилади.

120. Ўн олти ёшга тўлган шахснинг далолатнома ёзувига унинг фамилия, исми ва ота исми ҳамда туғилган санаси ва жойи ҳақидаги ёзувларга ўзгартириш, тузатиш ва қўшимчалар киритилгандан сўнг, ФХДЁ органи томонидан уч кун муддат ичида ушбу шахснинг яшаш жойидаги ички ишлар ва муҳофаа ишлари органларига мазкур Йўриқноманинг 52-иловасига мувофиқ шаклдаги хабарнома юборилади.

121. Аризанинг юқори ўнг бурчагига янги гувоҳноманинг серияси, рақами, берилган санаси ёзилади ҳамда янги гувоҳнома ариза берувчига топширилади.

122. Далолатнома ёзувига ўзгартириш, тузатиш ва қўшимчалар киритиш учун асослар мавжуд бўлмаган ёки манфаатдор шахслар ўртасида низо мавжуд бўлган ҳолларда ФХДЁ органи томонидан мазкур Йўриқноманинг 53-иловасига мувофиқ шаклдаги Далолатнома ёзувига ўзгартириш, тузатиш ва қўшимчалар киритишни рад этиш тўғрисида хулоса тузилади ва мурожаат қилувчига берилади.

VIII боб. Фамилия, исм, ота исмини ўзгартириш

123. Фамилия, исм ва ота исмини ўзгартириш учун ФХДЁ органига мазкур Йўриқноманинг 54-иловасига мувофиқ шаклдаги Фамилия, исм ва ота исмини ўзгартириш ҳақида ариза билан мурожаат қилинади ва мазкур ариза шу куннинг ўзида ушбу Йўриқноманинг 55-иловасига мувофиқ шаклдаги Фамилия, исм ва ота исмини ўзгартириш ҳақида аризаларни рўйхатга олиш электрон дафтарига кирим қилиниб, ариза ва тақдим қилинган ҳужжатлар ўзгартириш киритилиши лозим бўлган далолатнома ёзуви нусхаси билан алоҳида йиғмажилдга тартиб билан тикилади.

Фамилия, исм, ота исмини ишончнома орқали ўзгартиришга йўл қўйилмайди.

124. Ўзгартириш киритилиши лозим бўлган далолатнома ёзуви бошқа ФХДЁ органида қайд этилган бўлса, ариза берувчи мурожаат қилган ФХДЁ органи томонидан сўровнома асосида электрон ахборот тизими орқали мазкур далолатнома ёзувининг нусхаси олинади.

125. Вазирлар Маҳкамасининг 2016 йил 14 ноябрдаги 387-сон қарори билан тасдиқланган Фуқаролик ҳолати далолатномаларини қайд этиш қоидаларининг 154 ва 155-бандларига мувофиқ, ФХДЁ органи раҳбари шу куннинг ўзида текшириш ўтказиш учун ички ишлар органига электрон ахборот тизими орқали ушбу Йўриқноманинг 56-иловасига мувофиқ шаклдаги сўровнома юборади.

Ички ишлар органи тақдим қилинган ҳужжатларни йигирма кун мобайнида ўрганиб чиқади, ариза берувчининг фамилияси, исми, ота исмини ўзгартириш хусусида асосланган хулоса тузади ва уни ФХДЁ органига ахборот тизими орқали тақдим этади.

Ариза берувчининг фамилияси, исми, ота исмининг ўзгартирилиши мақсадга мувофиқ эмаслиги тўғрисида хулоса тузилган тақдирда ушбу ҳолатнинг аниқ сабаблари кўрсатилади.

Ички ишлар органининг хулосаси йиғмажилдга тикиб қўйилади.

126. Аризага илова қилинган ҳужжатлар ва ички ишлар органининг жавоб хатига асосан ФХДЁ органи раҳбари томонидан мазкур Йўриқноманинг 57-иловасига мувофиқ шаклдаги Фамилия, исм, ота исмини ўзгартириш (рад этиш) тўғрисида хулоса тузилади.

127. Фамилия, исм, ота исмини ўзгартириш тўғрисидаги хулосага асосан, тегишли (туғилганлик, никоҳ тузилганлиги ёки никоҳдан ажралганлик, 16 ёшга тўлмаган болаларнинг туғилганлик ҳақидаги) далолатнома ёзувларига ариза берувчининг янги фамилия, исм, ота исми киритилиб, улар асосида янги гувоҳномалар берилади.

128. Ўзгартириш киритилиши лозим бўлган далолатнома ёзуви бошқа ФХДЁ органида қайд этилган бўлса, ариза берувчи мурожаат қилган ФХДЁ органи томонидан ариза келиб тушган вақтдан бошлаб бир иш куни ичида электрон ахборот тизими орқали тегишли ФХДЁ органига ушбу Йўриқноманинг 59-иловасига мувофиқ шаклда Фамилия, исм, ота исмини ўзгартирганлик сабабли далолатнома ёзувига ўзгартириш киритиш ҳақида хабарнома юборилади.

Далолатнома ёзувини қайд қилган ФХДЁ органи хабарнома келиб тушган вақтдан бошлаб икки иш куни ичида далолатнома ёзувига зарур ўзгартириш киритиб, далолатнома ёзувини электрон ахборот тизими орқали тасдиқлайди ҳамда далолатнома ёзувининг ФХДЁ архивида сақланаётган иккинчи нусхасига ҳам шундай ўзгартириш(лар) киритиш учун тегишли ФХДЁ архивига электрон ахборот тизими орқали мазкур Йўриқноманинг 58-иловасига мувофиқ шаклда хабарнома юборади, далолатнома ёзуви бир нусхада юритилган ҳолатлар бундан мустасно.

129. Фамилия, исм, ота исми ўзгартирилган шахсга ушбу Йўриқноманинг 59-иловасига мувофиқ шаклда Фамилия, исм, ота исми ўзгартирганлиги ҳақида маълумотнома берилади.

130. Шахснинг фамилия, исм ва ота исмини ўзгартириш ҳақида аризасини қабул қилган ФХДЁ органи томонидан ариза берувчига янги гувоҳнома берилганидан сўнг ички ишлар ва мудофаа ишлари органларига уч кун ичида ушбу Йўриқноманинг 60-61-иловаларига мувофиқ шаклда хабарнома юборилади.

Фамилия, исм, ота исмини ўзгартирганлик сабабли берилган янги гувоҳноманинг серияси, рақами ва берилган санаси фамилия, исм, ота исмини ўзгартириш тўғрисидаги хулосага ёзиб қўйилади.

131. Фамилия, исм, ота исмини ўзгартирганлик сабабли бериладиган янги гувоҳномалар Такрорий гувоҳномаларни сарфлаш электрон дафта-

рида қайд этилади. Бунда янги гувоҳномага «такрорий» деб белги қўйилмайди.

132. Фамилия, исм, ота исми ўзгартирилган шахс иккинчи марта ФХДЁ органига мазкур масалада бир йил ўтгандан сўнг муурожаат этиши мумкин.

IX боб. Далолатнома ёзувларини тиклаш

133. Далолатнома ёзувларини тиклаш деганда илгари шундай ёзув бўлганлигини тасдиқловчи етарли асослар бўлганида, йўқолган ёзувларни қайта тиклаб қўйиш тушунилади.

Туғилганлик, никоҳ тузилганлиги, никоҳдан ажралганлик ҳақидаги далолатнома ёзувлари бу ёзувлар кимга нисбатан тузилган бўлса, фақат ана шу шахсларнинг ушбу Йўриқноманинг 62-63-иловаларига мувофиқ шаклдаги аризасига кўра тикланади.

Агар ўн олти ёшгача бўлган боланинг туғилганлик ҳақидаги далолатнома ёзуви йўқолган бўлса, ёзув боланинг ота-онаси, васийси, ҳомийси, болалар муассасаси маъмуриятининг аризасига биноан тикланади.

Ўлим ҳақидаги далолатнома ёзувини тиклаш суднинг ҳал қилув қарорига асосан амалга оширилади.

Далолатнома ёзувини ишончнома орқали тиклашга йўл қўйилмайди.

134. Далолатнома ёзувларини тиклаш тегишлилигига кўра Вазирлар Маҳкамасининг 2016 йил 14 ноябрдаги 387-сон қарори билан тасдиқланган Фуқаролик ҳолати далолатномаларини қайд этиш қоидаларининг 129, 133 ва 134-бандларида назарда тутилган ҳужжатлар асосида амалга оширилади.

Бунда ариза берувчининг илтимосини асословчи бошқа ҳужжатлар сифатида гербли гувоҳномалар ёки ҳарбий хизматга алоқадорликни тасдиқловчи ҳужжатлар, уларнинг ксеронусхаси (нусхаси), ариза берувчининг ўқиш ёки иш жойидан берилган маълумотнома, уй дафтаридан олинган кўчирмалар, ички ишлар органларининг маълумотномаси, ФХДЁ органлари томонидан шахсни тасдиқловчи ҳужжатларга никоҳ ва никоҳдан ажралиш қайд этилганлиги ҳақида белги қўйилганлигини тасдиқловчи ҳужжатлар ва бошқа шу каби ҳужжатлар қабул қилиниши мумкин.

135. Далолатнома ёзувини тиклаш ҳақидаги ариза қабул қилинган куннинг ўзида ушбу Йўриқноманинг 64-иловасига мувофиқ шаклдаги Далолатнома ёзувларини тиклаш ҳақидаги аризаларни рўйхатга олиш электрон дафтарига кирим қилинади.

ФХДЁ органи заруратга қараб ФХДЁ органлари ва бошқа тегишли ташкилотлардан далолатнома ёзувини тиклашга асос бўлувчи ҳужжатлардан нусхалар ва маълумотлар сўраб олиши мумкин.

Аризани қабул қилган ФХДЁ органи илгари мавжуд бўлган далолатнома ёзувининг йўқолганлиги сабабларига аниқлик киритиши лозим.

136. Агар ариза берувчи томонидан туғилганлик ҳақидаги гувоҳнома ёки унинг ксеронусхаси (нусхаси), ҳарбий хизматга алоқадорликни тасдиқловчи

хужжатлар ёки уларнинг нусхалари тақдим этилган бўлса, аризани қабул қилган ФХДЁ органи ушбу гувоҳнома кимга нисбатан ва қайси ФХДЁ органи томонидан сарфланганлигига, ҳарбий хужжат қайси хужжат асосида берилганлигига аниқлик киритиш учун тегишли ФХДЁ органи ва ФХДЁ архивига ҳамда мудофаа ишлари органига ушбу Йўриқноманинг 65-иловасига мувофиқ шаклдаги сўров юборади.

137. Туғилганлик ҳақидаги далолатнома ёзувини тиклашда шахс туғилган жойдаги тиббиёт муассасасига (туғруқхонага) унинг туғилганлиги қайд этилган ёки этилмаганлиги ҳақида, таълим муассасасига шахснинг қандай хужжат асосида ўқишга қабул қилинганлиги ҳақида, шунингдек тегишли ички ишлар органига шахсни тасдиқловчи хужжат қайси хужжат асосида берилганлиги ҳақида сўров юборилади.

138. Ариза берувчининг ота-онасига тегишли никоҳ тузилганлиги ҳақидаги далолатнома ёзувини ўрганишда унинг «умумий фарзандлар тўғрисида маълумот» устунига, ака-укалари, опа-сингилларининг туғилганлик ҳақидаги далолатнома ёзувларини ўрганишда эса, уларнинг «онанинг нечанчи боласи» устунларига (болаларнинг туғилиши кетма-кетлигига) алоҳида эътибор қаратилиши лозим.

Масалан, 1995 йили 27 сентябрда туғилган фуқаро Д. Иброҳимова далолатнома ёзувини тиклаш ҳақидаги аризага 1994 йил 10 майда Қўқон шаҳар ФХДЁ бўлимида қайд этилган ота-онанинг никоҳ тузилганлиги ҳақидаги далолатнома ёзувидан кўчирма тақдим этди. Никоҳ тузилганлиги ҳақидаги далолатнома ёзувининг «умумий фарзандлари тўғрисидаги маълумот» устунига «қизи Д. Иброҳимова 1995 йил 27 сентябрда туғилган» деб маълумот киритилган бўлиши шарт.

139. Никоҳ тузилганлиги ва никоҳдан ажралганлик ҳақидаги далолатнома ёзувларини тиклашда эр-хотиннинг фарзандларининг туғилганлик ҳақидаги далолатнома ёзувлари ва уларнинг шахсини тасдиқловчи хужжатлари текширилади.

Бунда шахсни тасдиқловчи хужжатлар алмаштирилган ёки алмаштирилмаганлигига эътибор берилади, алмаштирилган бўлса, бунинг сабабларига аниқлик киритилади. Шунингдек, ички ишлар органларига ушбу эр-хотиннинг оилавий аҳволи ҳақида маълумотлар бор ёки йўқлиги юзасидан сўров юборилади.

140. Агар ариза берувчи томонидан тегишли далолатнома ёзувини тиклашни асословчи хужжат сифатида никоҳ тузилганлиги ва никоҳдан ажралганлик ҳақидаги гувоҳнома ёки уларнинг ксеронусхаси (нусхаси) тақдим этилган бўлса, ушбу гувоҳнома кимларга нисбатан ва қайси ФХДЁ органи томонидан расмийлаштирилганлиги, шахсини тасдиқловчи хужжатларга қайси ФХДЁ органи томонидан белги қўйилганлигига аниқлик киритилиши лозим. Бунда тегишли ФХДЁ органи ва ФХДЁ архивларига ушбу гувоҳномалар ва қўйилган белгилар юзасидан сўров юборилади.

141. 1998 йил 1 сентябрдан 2010 йил 15 сентябргача бўлган даврда ко-

нуний кучга кирган суд қарорлари бўйича никоҳдан ажратишни қайд этиш мазкур боб қоидаларига биноан амалга оширилади.

Бунда, никоҳдан ажралганлик ҳақидаги гербли гувоҳноманинг «Бу ҳақда _____ йил _____ ойининг _____ кунда _____-сон билан далолатнома ёзуви қайд этилди» устунда қонуний кучга кирган суд қарорининг санаси, қавс ичида эса тикланган далолатнома ёзувининг рақами ва санаси ёзиб қўйилади.

142. Далолатнома ёзувларини тиклаш учун етарли асослар бўлмаса, ФХДЁ органи томонидан ушбу Йўриқноманинг 66-иловасига мувофиқ шаклдаги далолатнома ёзувини тиклашни рад қилиш ҳақида хулоса тузилади, хулосада рад қилиш сабаблари аниқ кўрсатилади ва ариза берувчига судга мурожаат қилиш ҳуқуқига эга эканлиги тушунтирилади.

Масалан, 1993 йил 20 апрелда туғилган фуқаро Зарифа Валиеванинг туғилганлик ҳақидаги далолатнома ёзувини тиклаш ҳақидаги аризасига илова қилинган таълим муассасасининг маълумотномасида унинг фамилияси «Алиева» деб кўрсатилган, ота-онасининг 1994 йил 5 январдаги 4-сон никоҳ тузилганлиги ҳақидаги далолатнома ёзувининг «умумий фарзандлари тўғрисида маълумот» устунда у ҳақда маълумот кўрсатилмаган бўлса ёки далолатнома ёзувини тиклаш ҳақидаги аризага ака-укаларининг туғилганлик ҳақидаги далолатнома ёзувларидан кўчирмалар илова қилинган бўлиб, у иккинчи фарзанд эканлиги кўрсатилган, акасининг далолатнома ёзувининг «онанинг нечанчи боласи» устунда эса акаси «2» (иккинчи) фарзанд эканлиги кўрсатилган бўлиши лозим.

143. Далолатнома ёзувларини тиклаш уларни тиклаш учун асос бўлган барча ҳолатлар ФХДЁ органи томонидан аниқланганидан кейингина амалга оширилади. Бунда, ФХДЁ органи томонидан ушбу Йўриқноманинг 67-68-иловаларига мувофиқ шаклдаги далолатнома ёзувини тиклаш ҳақида хулоса тузилади.

Тикланган далолатнома ёзувининг «Белгилар учун» устунда тиклаш учун асос бўлган хулосанинг санаси ва йиғмажилд рақами кўрсатилади.

144. Консул томонидан Ўзбекистон Республикасининг чет элда яшовчи фуқароларидан қабул қилинган далолатнома ёзувларини тиклаш ҳақидаги аризалар ариза берувчиларнинг Ўзбекистон Республикасидаги охириги яшаш жойидаги ФХДЁ органи томонидан кўриб чиқилади.

Келиб тушган ариза ФХДЁ органи томонидан Далолатнома ёзувларини тиклаш ҳақидаги аризаларни рўйхатга олиш электрон дафтарига кирим қилинади.

Далолатнома ёзувларини тиклаш учун асос бўлган барча ҳолатлар ФХДЁ органи томонидан аниқлангандан кейингина далолатнома ёзуви тикланиб, янги гувоҳнома расмийлаштирилади ва белгиланган тартибда консуллик муассасаларига юборилади.

145. Туғилганлик ҳақидаги далолатнома ёзуви тикланганда, далолатнома ёзувига боланинг ота-онаси тўғрисидаги маълумотлар уларнинг шахсини тасдиқловчи ҳужжатлари асосида, агар улар (улардан бири) вафот этган бўлса, уларнинг ўлим ҳақидаги гувоҳномалари ёки маълумотномалари асосида тўлдирилиши лозим.

Х боб. Такрорий гувоҳномалар ва бошқа маълумотлар бериш

146. ФХДЁ органи томонидан манфаатдор шахсларнинг аризаларига кўра ва қайд этилган далолатнома ёзувлари асосида такрорий гувоҳнома ва маълумотномалар берилади.

Далолатнома ёзувлари бошқа ФХДЁ органида қайд қилинган бўлса, манфаатдор шахснинг такрорий гувоҳнома ва маълумотнома бериш ҳақидаги аризаси ушбу ариза келиб тушган вақтдан бошлаб бир иш куни ичида далолатнома ёзуви қайд этилган ФХДЁ органига юборилади.

Далолатнома ёзувини қайд қилган ФХДЁ органи тегишли аризани қабул қилиб олган вақтдан бошлаб икки иш куни ичида далолатнома ёзувини аризадаги маълумотлар билан солиштирган ҳолда электрон ахборот тизими орқали тасдиқлайди.

Ариза берувчидан такрорий гувоҳнома бериш ҳақидаги аризани қабул қилган ФХДЁ органи тегишли тасдиқномани олган вақтдан бошлаб бир соат ичида далолатнома ёзувига гувоҳнома серияси ва рақамини киритади.

Бунда, такрорий гувоҳнома далолатнома ёзувида мавжуд бўлган маълумотлар асосида ўзгаришсиз чоп этилади ва гувоҳноманинг ички қисми ўнг томонининг юқори қисмига «такрорий» деб белги қўйилади.

147. Туғилганлик ҳақидаги маълумотномалар ва такрорий гувоҳномалар фуқаронинг ўзига, вояга етмаган шахсларнинг қонуний вакилларига ёки нотариал тартибда тасдиқланган ишончнома орқали бошқа шахсларга уларнинг мазкур Йўриқноманинг 69-иловасига мувофиқ шаклдаги аризаси асосида берилади.

Чет элда яшовчи фуқаро томонидан берилган ҳамда чет тилида тузилган ишончнома белгиланган тартибда легализация қилинган ёки апостиль қўйилган бўлиши лозим.

148. Далолатнома ёзувининг айрим устунлари тўлдирилмаган бўлса, у ҳолда такрорий гувоҳноманинг тегишли устунларига чизиқлар қўйилади.

Агар туғилганлик ҳақидаги далолатнома ёзувининг «отасининг исми» устуни мавжуд бўлмаган, бироқ ушбу далолатнома ёзуви асосида расмийлаштирилган туғилганлик ҳақидаги гувоҳноманинг тегишли устуни мавжуд бўлиб, унда отасининг исми кўрсатилган бўлса, туғилганлик ҳақида такрорий гувоҳномада шахсни тасдиқловчи ҳужжат асосида отасининг исми кўрсатилади.

Масалан, 1957 йилда туғилган фуқаро Маматов Акрам Солиевич ФХДЁ органига туғилганлик ҳақида такрорий гувоҳнома олиш учун мурожаат этди. 1957 йилда қайд этилган далолатнома ёзувида «отасининг исми» устуни мавжуд эмаслиги ва фақатгина унинг фамилияси ва исми кўрсатилганлиги аниқланди. Бироқ, унинг яроқсиз ҳолатга келган гувоҳномасида отасининг исми «Солиевич» деб кўрсатилган. Бу ҳолатда такрорий гувоҳноманинг «отасининг исми» устунига «Солиевич» деб қайд этилади.

149. Вафот этган шахсларга нисбатан туғилганлик ҳақида такрорий гувоҳномалар берилмайди. Вафот этган шахснинг яқин қариндошлари ва ме-

росхўрларига уларнинг мурожаатларига асосан вафот этган шахснинг туғилганлиги ҳақида маълумотнома берилади.

150. Никоҳ қайд этилганлиги ҳамда никоҳдан ажралганлик ҳақидаги такрорий гувоҳнома ёки маълумотнома далолатнома ёзуви қайд этилган тегишли шахсларнинг ўзларига ёки қонунчиликда белгиланган тартибда тасдиқланган ишончнома орқали бошқа шахсларга уларнинг мазкур Йўриқноманинг 70-иловасига мувофиқ шаклдаги аризаси асосида берилади.

Зарур ҳолларда, никоҳланган ёки ажрашган шахсларнинг ота-оналари ва фарзандларига уларнинг аризаси асосида никоҳ тузилганлиги ёки никоҳдан ажралганлик қайд этилганлиги ҳақида маълумотнома берилади.

151. Никоҳ тузилганлиги ҳақида далолатнома ёзувида никоҳдан ажралиш қайд этилганлиги ҳақида белги бўлган ҳолларда такрорий гувоҳнома берилмайди. Бунда аввалги никоҳ тузилганлиги ҳақидаги далолатнома ёзуви асосида маълумотнома берилади.

152. Ўлим ҳақидаги такрорий гувоҳномалар ёки маълумотнома мархумнинг яқин қариндошларига ва меросхўрларига ёки қонунчиликда белгиланган тартибда тасдиқланган ишончнома орқали бошқа шахсларга уларнинг ушбу Йўриқноманинг 71-иловасига мувофиқ шаклдаги аризаси асосида берилади.

153. Такрорий гувоҳнома ёки маълумотнома олиш учун шахс ФХДЁ органига шахсини тасдиқловчи ҳужжатининг аслини кўрсатган ҳолда мурожаат қилади.

154. Тегишли далолатнома ёзуви ФХДЁ органида мавжуд бўлмаган ҳолларда, такрорий гувоҳнома ёки маълумотнома бериш ҳақидаги ариза ушбу ФХДЁ органида тегишли далолатнома ёзуви йўқлиги ҳақида ушбу Йўриқноманинг 72-иловасида кўрсатилган шаклдаги маълумотнома билан бирга, далолатнома ёзувининг иккинчи нусхаси сақланадиган ФХДЁ архивига юборилади, далолатнома ёзуви бир нусхада юритилган ҳолатлар бундан мустасно.

155. Далолатнома ёзувларидан нусха ёки улардан кўчирмалар Вазирлик, суд ва бошқа ҳуқуқни муҳофаза қилувчи органлар, юритувида мавжуд бўлган ишлар муносабати билан нотариуслар, шунингдек консуллик муассасаларининг сўровларига кўра берилиши (юборилиши) мумкин.

Далолатнома ёзувидаги барча маълумотлар далолатнома ёзувидан нусхага (кўчирмага) ўзгаришсиз кўчирилади ва унинг орқа тарафи пастки қисмига аслига тўғрилигини кўрсатувчи белги қўйилиб, ФХДЁ органи раҳбарининг имзоси ва гербли муҳр билан тасдиқланади ҳамда кўчирилган сана ёзиб қўйилади.

Фуқароларга далолатнома ёзувларидан нусхалар берилишига йўл қўйилмайди. Шунингдек, бегона шахсларга фуқаролик ҳолати далолатномалари қайд этилганлиги ва уларга киритилган ўзгартириш, тузатиш ва қўшимчалар киритилганлиги ҳақида маълумот бериш тақиқланади.

156. ФХДЁ архивида далолатнома ёзувини қидириш далолатнома ёзуви қайд этилган деб кўрсатилган йил, ундан олдинги ҳамда кейинги уч йилликда қайд этилган дастлабки ва тикланган далолатнома ёзувлари бўйича амалга оширилади.

XI боб. ФХДЁ органларида далолатнома ёзувлари дафтарларининг рўйхатини (архив фондини) тузиш

157. ФХДЁ архиви ва ФХДЁ органлари архивлари жойлаштирилган хоналар темир стеллажлар билан жиҳозланган, куёш нури ва захдан сақланган, шамоллатиб туришга мослаштирилган, дераза ва эшигига темир панжара ўрнатилган бўлиши лозим.

ФХДЁ архивида электр иситгичлар ва шамлардан фойдаланиш тақиқланади. Архив хонаси ва далолатнома ёзувлари ҳар етти кунда чанг ютгич ёрдамида тозаланиши лозим.

158. Архив хонасига кириш ва далолатнома ёзувларидан фойдаланиш ҳуқуқига архив мудир, ФХДЁ органи раҳбари ва архив учун масъул ходимлар, шунингдек уларнинг ҳозирлигида адлия бошқармаси ва Вазирликнинг масъул ходимлари (тегишли буйруқ асосида) ҳақли. Бошқа шахсларнинг архив хонасига кириши қатъиян ман этилади.

159. ФХДЁ архивлари ва ФХДЁ органлари архивларида мавжуд далолатнома ёзувлари дафтарларининг рўйхати (архив фонди) тузилади.

160. Далолатнома ёзувлари дафтар шаклида тикиш учун тайёрланганда, далолатнома ёзувларининг қайд этилган йили, тури ва далолатнома ёзувлари кетма-кетлигига рияз этилган ва ҳисобга олиш варағи қўшилган ҳолда тикилади.

Дафтарга тикилган далолатнома ёзувлари рақамланиб (қора қаламда юқори ўнг бурчагига), ишонч ёзувида «Жами ___ варақда далолатнома ёзуви тикилиб, рақамланди» деб кўрсатилади ва ФХДЁ органининг раҳбари томонидан имзоланиб, гербли муҳр билан тасдиқланади.

Дафтар муқовасига унинг номи ва ундаги далолатнома ёзувлари ҳақида ушбу Ўйриқноманинг 73-иловасида кўрсатилган шаклга ёзиб қўйилади.

161. Далолатнома ёзувлари дафтарлари ФХДЁ архивида ҳар бир туман, шаҳар, фуқаролар йиғинлари бўйича хронологик тартибда, далолатнома ёзувлари турлари алоҳида ажратилган ҳолда сақланади.

162. ФХДЁ архивига келиб тушган далолатнома ёзувларига тегишли ўзгартириш киритиш ҳақидаги хабарномалар шу куннинг ўзида Хат, хабарнома ва аризаларни рўйхатга олиш электрон дафтарига кирим қилиниб, ижроси таъминланиши лозим.

163. ФХДЁ архивидаги мавжуд далолатнома ёзувлари дафтарлари рақамланиб, ушбу Ўйриқноманинг 74-иловасига мувофиқ шаклдаги Архив фонди дафтарига киритилади.

XII боб. Ҳужжатлар йиғмажилдлари номенклатурасини тузиш ва йиғмажилдларни шакллантириш

164. Ҳужжатлар йиғмажилдлари номенклатураси фуқаролик ҳолати далолатнома ёзувларини қайд қилиш ва улар билан боғлиқ бўлган бошқа ҳаракатлардан ташкил топган ҳужжатлардан шакллантирилади ва юритилади.

165. Йиғмажилдлар қуйидагича шакллантирилиши ва юритилиши зарур:

йиғмажилдларга кўриб чиқилган ва натижасига кўра ижро этилган ёки рад қилинган ҳужжатларни жойлаштириш;

битта масаланинг ҳал қилинишига тааллуқли барча ҳужжатларни уларнинг иловалари билан биргаликда жойлаштириш;

йиғмажилдларда бир календарь йилга оид ҳужжатларни гуруҳлаш;

йиғмажилд варақларининг жами 250 варақдан ошмаслигини таъминлаш, агар ортса, мазкур йиғмажилднинг навбатдаги жилдини юритиш.

166. Йиғмажилд охирида алоҳида тоза вараққа мазкур йиғмажилдга тикилган варақлар сони ёзилади. Ушбу варақ ФХДЁ органи мудури томонидан имзоланади ҳамда муҳр билан тасдиқланади.

Йиғмажилд муқовасидаги сана ҳужжатлар йиғмажилдини юритиш бошланган ва тугалланган кун, ой ва йилга мувофиқ келиши керак.

167. ФХДЁ органлари фаолиятига оид ҳужжатларнинг ушбу Йўриқноманинг 75-иловасида кўрсатилган сақлаш муддатлари тугаганда, улар адлия бошқармасининг доимий фаолият олиб борувчи эксперт комиссияси иштирокида далолатнома асосида йўқ қилинади, қонунчилик ҳужжатларида ФХДЁ архивига ва Ўзбекистон Республикасининг Марказий архивига топширилиши назарда тутилган ҳужжатлар бундан мустасно.

Далолатнома эксперт комиссияси аъзолари ва ФХДЁ органи раҳбари томонидан имзоланади ҳамда унга ФХДЁ органининг гербли муҳри қўйилади.

ХIII боб. Якуний қоида

168. Мазкур Йўриқнома талаблари бузилишида айбдор бўлган шахслар қонунчилик ҳужжатларига мувофиқ жавобгар бўлади.».

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**468** Нотариуслар томонидан амалга ошириладиган ҳуқуқий ва техник тусдаги қўшимча ҳаракатлар учун ундириладиган тўловларнинг максимал миқдорларига қўшимчалар киритиш тўғрисида*

Ўзбекистон Республикаси Адлия вазирлиги томонидан 2022 йил 19 декабрда рўйхатдан ўтказилди, рўйхат рақами 3235-3

Ўзбекистон Республикасининг «Нотариат тўғрисида»ги Қонуни, Ўзбекистон Республикаси Президентининг 2018 йил 13 апрелдаги ПҚ–3666-сон «Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида»ги қарори ва Ўзбекистон Республикаси Вазирлар Маҳкамасининг 2020 йил 16 мартдаги 156-сон «Нодавлат нотариал фаолиятни тартибга солувчи норматив-ҳуқуқий ҳужжатларни тасдиқлаш тўғрисида»ги қарорига мувофиқ **буюраман:**

1. Ўзбекистон Республикаси адлия вазирининг 2020 йил 29 майдаги 112-мх-сон буйруғи (рўйхат рақами 3235, 2020 йил 29 май) (Қонун ҳужжатлари маълумотлари миллий базаси, 29.05.2020 й., 10/20/3235/0698-сон) билан тасдиқланган Нотариуслар томонидан амалга ошириладиган ҳуқуқий ва техник тусдаги қўшимча ҳаракатлар учун ундириладиган тўловларнинг максимал миқдорларига иловага мувофиқ қўшимчалар киритилсин.

2. Ушбу буйруқ Ўзбекистон Республикаси Монополияга қарши курашиш қўмитаси билан келишилган.

3. Мазкур буйруқ расмий эълон қилинган кундан эътиборан кучга киради.

Вазир

А. ТАШКУЛОВ

Тошкент ш.,
2022 йил 19 декабрь,
30-мх-сон

Келишилди:

**Монополияга қарши курашиш
қўмитаси раиси**

Ш. ШАРАХМЕТОВ

2022 йил 19 декабрь

* Ушбу буйруқ «Қонунчилик маълумотлари миллий базаси»да 2022 йил 20 декбрда эълон қилинган.

Ўзбекистон Республикаси
адлия вазирининг 2022 йил 19 декабрдаги
30-мх-сон буйруғига
ИЛОВА

**Нотариуслар томонидан амалга ошириладиган ҳуқуқий ва
техник тусдаги қўшимча ҳаракатлар учун ундириладиган
тўловларнинг максимал миқдорларига киритилаётган
қўшимчалар**

1. Қўйидаги мазмундаги 27-позиция билан тўлдирилсин:

«

27.	Нотариус томонидан Вазирлар Маҳкамасининг 2017 йил 9 февралдаги 66-сон қарори билан тасдиқланган Тадбиркорлик субъектларини давлат рўйхатидан ўтказиш тартиби тўғрисидаги низомнинг 2-илоvasида назарда тутилган Тадбиркорлик субъектлари ягона давлат реестридан маълумотлар берилганлиги учун ундириладиган йиғимлар ставкаларининг 4-бандида белгиланган ҳужжатларни ахборот-коммуникация технологиялари орқали олиш ва чоп этиш (ҳар бир юридик шахс учун)***	5 %
-----	---	-----

».

2. Изоҳ қўйидаги мазмундаги хатбоши билан тўлдирилсин:

«***Мазкур ҳақ миқдорларининг 27-бандида назарда тутилган максимал ҳақ миқдорининг 50 фоизи «Адлия органлари ва муассасаларида ахборот-коммуникация технологияларини ривожлантириш маркази» давлат муассасаси ҳисоб рақамига вазирлик ахборот тизимларини ривожлантириш учун йўналтирилади.»

ЎЗБЕКИСТОН РЕСПУБЛИКАСИ
ДАВЛАТ СОЛИҚ ҚЎМИТАСИ ХУЗУРИДАГИ
КАДАСТР АГЕНТЛИГИ ДИРЕКТОРИНИНГ
БУЙРУҒИ

469 «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарор, шунингдек унга ўзгартиришларни ўз кучини йўқотган деб топиш тўғрисида*

*Ўзбекистон Республикаси Адлия вазирлиги томонидан 2022 йил
21 декабрда рўйхатдан ўтказилди, рўйхат рақами 2791-3*

Ўзбекистон Республикаси Вазирлар Маҳкамасининг 2022 йил 18 октябрдаги 610-сон «Кўчмас мулкка бўлган ҳуқуқларнинг ҳисобини юритишда шаффофликни таъминлаш, шунингдек, кадастр соҳасидаги айрим маъмурий тартиб-таомилларни такомиллаштириш чора-тадбирлари тўғрисида»ги қарорига мувофиқ **буюраман:**

1. Айрим идоравий норматив-ҳуқуқий ҳужжатлар иловага мувофиқ ўз кучини йўқотган деб топилсин.

2. Мазкур буйруқ 2023 йил 1 январдан кучга киради.

Директор

Ф. ПУЛАТОВ

Тошкент ш.,
2022 йил 30 ноябрь,
13-2022-сон

* Ушбу буйруқ «Қонунчилик маълумотлари миллий базаси»да 2022 йил 21 декабрда эълон қилинган.

Ўзбекистон Республикаси
Давлат солиқ қўмитаси ҳузуридаги
Кадастр агентлиги директорининг 2022 йил
30 ноябрдаги 13-2022-сон буйруғига
ИЛОВА

**Ўз кучини йўқотган деб топилаётган идоравий
норматив-ҳуқуқий ҳужжатлар
РЎЙХАТИ**

1. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2016 йил 27 апрелдаги 34-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарори (рўйхат рақами 2791, 2016 йил 24 май) (Ўзбекистон Республикаси қонун ҳужжатлари тўплами, 2016 й., 21-сон, 245-модда).

2. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2017 йил 15 декабрдаги 9-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомга ўзгартиришлар киритиш ҳақида»ги қарори (рўйхат рақами 2791-1, 2017 йил 22 декабрь) (Ўзбекистон Республикаси қонун ҳужжатлари тўплами, 2017 й., 51-сон, 1255-модда).

3. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2021 йил 28 сентябрь 10-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарорга ўзгартиришлар киритиш ҳақида»ги буйруғи (рўйхат рақами 2791-2, 2021 йил 21 октябрь) (Қонун ҳужжатлари маълумотлари миллий базаси, 21.10.2021 й., 10/21/2791-2/0984-сон).

ЎЗБЕКИСТОН РЕСПУБЛИКАСИ
ДАВЛАТ СОЛИҚ ҚЎМИТАСИ ХУЗУРИДАГИ
КАДАСТР АГЕНТЛИГИ ДИРЕКТОРИНИНГ
БУЙРУҒИ

470 «Кўчмас мулк бўйича кадастр муҳандисининг малака шаходатномасини бериш тартиби тўғрисидаги низомни тасдиқлаш ҳақида»ги қарор, шунингдек унга ўзгартириш ва қўшимчаларни ўз кучини йўқотган деб топиш тўғрисида*

*Ўзбекистон Республикаси Адлия вазирлиги томонидан 2022 йил
21 декабрда рўйхатдан ўтказилди, рўйхат рақами 3211-2*

Ўзбекистон Республикаси Вазирлар Маҳкамасининг 2022 йил 18 октябрдаги 610-сон «Кўчмас мулкка бўлган ҳуқуқларнинг ҳисобини юритишда шаффофликни таъминлаш, шунингдек, кадастр соҳасидаги айрим маъмурий тартиб-таомилларни такомиллаштириш чора-тадбирлари тўғрисида»ги қарорига мувофиқ **бююраман:**

1. Айрим идоравий норматив-ҳуқуқий ҳужжатлар иловага мувофиқ ўз кучини йўқотган деб топилсин.

2. Мазкур буйруқ Ўзбекистон Республикаси Давлат активларини бошқариш агентлиги ва Ўзбекистон Республикаси Савдо-саноат палатаси билан келишилган.

3. Мазкур буйруқ расмий эълон қилинган кундан эътиборан кучга киради.

Директор

Ф. ПУЛАТОВ

Тошкент ш.,
2022 йил 6 декабрь,
14-2022-сон

Келишилди:

*Давлат активларини бошқариш
агентлиги директори*

А. ОРТИКОВ

2022 йил 5 декабрь

*Савдо-саноат
палатаси раиси*

Д. ВАХАБОВ

2022 йил 29 ноябрь

* Ушбу буйруқ «Қонунчилик маълумотлари миллий базаси»да 2022 йил 21 декбрда эълон қилинган.

Ўзбекистон Республикаси
Давлат солиқ қўмитаси ҳузуридаги
Кадастр агентлиги директорининг 2022 йил
6 декабрдаги 14-2022-сон буйруғига
ИЛОВА

**Ўз кучини йўқотган деб топилаётган идоравий
норматив-ҳуқуқий ҳужжатлар
РЎЙХАТИ**

1. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2019 йил 17 декабрдаги 11-сон «Кўчмас мулк бўйича кадастр муҳандисининг малака шаҳодатномасини бериш тартиби тўғрисидаги низомни тасдиқлаш ҳақида»ги қарори (рўйхат рақами 3211, 2020 йил 17 январь) (Ўзбекистон Республикаси қонун ҳужжатлари тўплами, 2020 й., 1-2-сон, 21-модда).

2. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2022 йил 10 августдаги 7-2022-сон «Кўчмас мулк бўйича кадастр муҳандисининг малака шаҳодатномасини бериш тартиби тўғрисидаги низомга ўзгартириш ва қўшимчалар киритиш тўғрисида»ги буйруғи (рўйхат рақами 3211-1, 2022 йил 9 сентябрь) (Қонун ҳужжатлари маълумотлари миллий базаси, 09.09.2022 й., 10/22/3211-1/0811-сон).

ЎЗБЕКИСТОН РЕСПУБЛИКАСИ
СПОРТНИ РИВОЖЛАНТИРИШ ВАЗИРИНИНГ
БУЙРУҒИ

471 «Ўзбекистон Республикаси Туризм ва спорт вазирлиги ҳузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкломалари ҳажмини тасдиқлаш ҳақида»ги буйруққа ўзгартиришлар киритиш тўғрисида*

*Ўзбекистон Республикаси Адлия вазирлиги томонидан 2022 йил
21 декабрда рўйхатдан ўтказилди, рўйхат рақами 3108-2*

Ўзбекистон Республикаси Президентининг 2022 йил 18 февралдаги ПФ–75-сон «Туризм, маданий мерос ва спорт соҳаларида давлат бошқарувини такомиллаштиришга доир ташкилий чора-тадбирлар тўғрисида»ги Фармони, Ўзбекистон Республикаси Президентининг 2022 йил 18 февралдаги ПҚ–136-сон «Спортни ривожлантириш вазирлиги фаолиятини ташкил этиш тўғрисида»ги қарори ва Вазирлар Маҳкамасининг 2022 йил 4 июлдаги 355-сон «Жисмоний тарбия ва спорт бўйича мутахассисларни қайта тайёрлаш ва малакасини ошириш тизимини янада такомиллаштириш чора-тадбирлари тўғрисида»ги қарорига мувофиқ **буюраман:**

1. Ўзбекистон Республикаси жисмоний тарбия ва спорт вазирининг 2018 йил 23 ноябрдаги 24-мх-сон «Ўзбекистон Республикаси Туризм ва спорт вазирлиги ҳузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкломалари ҳажмини тасдиқлаш ҳақида»ги буйруғига (рўйхат рақами 3108, 2018 йил 28 декабрь) (Қонун ҳужжатлари маълумотлари миллий базаси, 28.12.2018 й., 10/18/3108/2394-сон) иловага мувофиқ ўзгартиришлар киритилсин.

2. Мазкур буйруқ Ўзбекистон Республикаси Олий ва ўрта махсус таълим вазирлиги ва Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси билан келишилган.

3. Мазкур буйруқ расмий эълон қилинган кундан эътиборан кучга киради.

Вазир

А. ИКРАМОВ

Тошкент ш.,
2022 йил 23 ноябрь,
16-мх-сон

* Ушбу буйруқ «Қонунчилик маълумотлари миллий базаси»да 2022 йил 21 декабрда эълон қилинган.

Келишилди:

*Олий ва ўрта махсус
таълим вазири*

А. ТОШКУЛОВ

2022 йил 08 ноябрь

*Таълим сифатини назорат
қилиш давлат
инспекцияси бошлиғи*

У. ТАШКЕНБАЕВ

2022 йил 22 ноябрь

Ўзбекистон Республикаси
спортни ривожлантириш вазирининг 2022 йил
23 ноябрдаги 16-мх-сон буйруғига
ИЛОВА

**«Ўзбекистон Республикаси Туризм ва спорт вазирлиги
хузуридаги Жисмоний тарбия ва спорт бўйича мутахассисларни
қайта тайёрлаш ва малакасини ошириш институти ва унинг
филиаллари профессор-ўқитувчиларининг педагогик юкламалари
ҳажмини тасдиқлаш ҳақида»ги буйруққа киритилаётган
ўзгартиришлар**

1. Буйруқда:

номи ва 1-банддаги «Ўзбекистон Республикаси Туризм ва спорт вазирлиги хузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти» деган сўзлар «Жисмоний тарбия ва спорт бўйича мутахассисларни қайта тайёрлаш ва малакасини ошириш институти» деган сўзлар билан алмаштирилсин;

муқаддима қуйидаги таҳрирда баён этилсин:

«Ўзбекистон Республикаси Вазирлар Маҳкамасининг 2022 йил 4 июлдаги 355-сон «Жисмоний тарбия ва спорт бўйича мутахассисларни қайта тайёрлаш ва малакасини ошириш тизимини янада такомиллаштириш чора-тадбирлари тўғрисида»ги қарорига мувофиқ **буюраман:**».

2. Илова мазкур ўзгартиришларнинг иловасига мувофиқ таҳрирда баён этилсин.

Ўзбекистон Республикаси

Туризм ва спорт вазирлиги хузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкلامалари ҳажмини тасдиқлаш ҳақида»ги буйруққа киритилётган ўзгартришларга
ИЛОВА

«Ўзбекистон Республикаси

жисмоний тарбия ва спорт вазирининг 2018 йил 23 ноябрдаги 24-мх-сон буйруғига
ИЛОВА

Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкلامалари ҳажми

Т/р	Иш турлари	Иш турлари учун ажратилган вақт мезъри	Иш турларининг бажарилганлигини аниқлаш
1.	Қайта тайёрлаш, махсус ўқув курси ва малака ошириш курси тингловчилари учун ўқув (назарий, маъруза, амалий, семинар, лаборатория ва кўчма) машғулот ўтказиш.	Бир академик соат учун — 1 соат.	Ўқув машғулотларининг ўтказилганлиги гуруҳ журнали асосида аниқланади.
2.	Масофавий таълим асосида қайта тайёрлаш, махсус ўқув курси ва малака ошириш курси тингловчилари учун онлайн машғулотларни ўтказиш.	Бир академик соат онлайн видеомашғулотлар учун — 1 соат.	Ўқув машғулотларининг ўтказилганлиги гуруҳ журнали асосида аниқланади.
3.	Қайта тайёрлаш, махсус ўқув курси ва малака ошириш курси якуний аттестациясини (онлайн тест, суҳбат, касбий фаолият натижаларини баҳолашда) ўтказишда иштирок этиш.	Битта академик гуруҳ учун онлайн тестга — 2 соат. Битта тингловчи учун якуний суҳбатта — 0,5 соат. Битта тингловчининг касбий фаолият натижасини баҳолаш учун — 0,5 соат.	Аттестация комиссиясининг баённомаси асосида аниқланади.

4.	Фалсафа доктори (PhD) ёки фан доктори (Dostog of Science) илмий даражасини олиш учун даъвогар тадқиқотчи ёки мустақил изланувчи илмий раҳбар (маслаҳатчи)лик қилиш.	Битта тадқиқотчига бир ўқув йили учун — 100 соат; Битта мустақил изланувчига бир ўқув йили учун — 50 соат.	Жисмоний тарбия ва спорт бўйича мутахассисларни қайта тайёрлаш ва малакасини ошириш институти (бундан буён матнда Институт деб юритилади) ва унинг филиаллари раҳбарининг тегишли буғруғи, илмий даражага даъвогар тадқиқотчи ёки мустақил изланувчининг яққа тартибдаги иш режаси асосида аниқланади.
5.	Дардан ташқари вақтда малакали мутахассислар ва спортчилар билан ҳамкорликда қайта тайёрлаш, махсус ўқув курси ва малака ошириш курси тингловчилари учун уларнинг касбий кўникмаларини ривожлантириш бўйича очик, муаммоли, интеграциялашган маърузалар ва маҳорат-дарсларига тайёргарлик қўриш ва ўтказиш.	Бир академик соат очик, муаммоли, интеграциялашган маърузалар ва маҳорат дарслари учун — 5 соат; очик, муаммоли, интеграциялашган маъруза учун бир ўқув йилида кўпи билан — 30 соат. Маҳорат-дарсларига: Институт ёки филиал миқёсида ўтказилганда, бир ўқув йилида кўпи билан — 30 соат; республика миқёсида ўтказилганда, бир ўқув йилида кўпи билан — 40 соат; халқаро миқёсда ўтказилганда, бир ўқув йилида кўпи билан — 60 соат.	Институт ва филиалларда ўтказилган очик, муаммоли, интеграциялашган маъруза ва маҳорат-дарслари мавзулари бўйича тасдиқланган материаллар, тегишли режалар ва уларнинг ўтказилганлигини тасдиқловчи ҳужжатлар (кафедра йиғилиш баённомаси) асосида аниқланади.
6.	Қайта тайёрлаш, махсус ўқув курси ва малака ошириш курси ўқув режасидаги модулларнинг ўқув-услубий мажмуасини яратиш ва янгиллаш.	Модул бўйича ўқув-услубий мажмуа яратишга бир босма табоқ учун — 3 соат. Ўқув-услубий мажмуани янгиллашга (қайта ишлашга) бир босма табоқ учун — 1,5 соат.	Институт Илмий кенгаши қарори асосида аниқланади.
7.	Қайта тайёрлаш, махсус ўқув курси ва малака ошириш курси йўналишлари модуллари доирасида услубий қўлланма, кўрсатмалар ёзиш ва нашр этиш.	Услубий қўлланма, кўрсатмалар тайёрлашга бир босма табоқ учун — 30 соат.	Институт Илмий кенгаши, қарори билан нашр этишга тавсия этилган услубий қўлланма ва кўрсатмалар асосида аниқланади.
8.	Масофавий (офлайн) таълим платформаси учун электрон контентларни яратиш.	Матнли контентнинг 1 та мавзуси учун — 3 соат; Матнли-график контентнинг 1 та мавзуси учун — 4 соат;	Институт Илмий кенгаши (филиаллар Илмий-методик кенгаш) қарори билан масофавий (офлайн) курсларда фойдаланишга тавсия этилган электрон контентлар асосида аниқланади.

8.		Видеоконтент (бир академик соатдан кам бўлмаган видео дарс) учун — 6 соат; Назорат учун (тест саволлари, топшириқлар) контентнинг 1 та мавзуси учун — 1 соат.
----	--	--

Изоҳ:

профессор-ўқитувчиларнинг шахсий иш режалари мазкур педагогик юкламалар ҳажми асосида кафедра мудури томонидан тузилади ҳамда тегишли Ректор (директор) ўринбосари билан келишган ҳолда Ректор (директор) томонидан тасдиқланади;

профессор-ўқитувчиларнинг шахсий иш режаларига кафедра йиғилиши иштирокидаги тақлифига асосан Институт ва унинг филиаллари Илмий кенгашининг қарорига асосан ўзгартиришлар киритилиши мумкин;
профессор-ўқитувчиларнинг йиллик педагогик юкламалари ҳажми 400 соатдан кам бўлмаслиги тавсия этилади;

профессор-ўқитувчиларнинг Ўзбекистон Республикаси Спортни ривожлантириш вазирлиги томонидан тасдиқланган ўқув-услубий, илмий-тадқиқот, ташкилий ва маънавий-маърифий ишлар рўйхатида белгиланган, соатлар ҳажми ҳисобланмайдиган иш турлари профессор-ўқитувчилар томонидан кафедра ёки Илмий кенгаши тавсияси билан ихтиёрийлик асосида амалга оширилади ҳамда профессор-ўқитувчиларнинг ойлик маошларини белгилаш учун асос ҳисобланмайди;

мазкур педагогик юкламалар ҳажми Институт ва филиаллар профессор-ўқитувчиларнинг шахсий йиллик иш режаларини шакллантириш ва уларнинг фаолиятида бажарилган ишлар ҳажмини аниқлаш учун асос ҳисобланади.»

ЎЗБЕКИСТОН РЕСПУБЛИКАСИ МОЛИЯ ВАЗИРИНИНГ
БУЙРУҒИ**472** Бюджет ташкилотларида бухгалтерия ҳисоби тўғрисида-
ги йўриқномага қўшимча ва ўзгартиришлар киритиш
хақида*

*Ўзбекистон Республикаси Адлия вазирлиги томонидан 2022 йил
22 декабрда рўйхатдан ўтказилди, рўйхат рақами 2169-7*

Ўзбекистон Республикасининг Бюджет кодекси ҳамда Ўзбекистон Республикасининг «Бухгалтерия ҳисоби тўғрисида»ги Қонунига мувофиқ **буюраман:**

1. Ўзбекистон Республикаси молия вазирининг 2010 йил 17 декабрдаги 105-сон буйруғи (рўйхат рақами 2169, 2010 йил 22 декабрь) (Ўзбекистон Республикаси қонун ҳужжатлари тўплами, 2010 й., 51-сон, 502-модда) билан тасдиқланган Бюджет ташкилотларида бухгалтерия ҳисоби тўғрисидаги йўриқномага иловага мувофиқ қўшимча ва ўзгартиришлар киритилсин.

2. Мазкур буйруқ расмий эълон қилинган кундан эътиборан кучга киради.

Вазир

Тошкент ш.,
2022 йил 9 декабрь,
66-сон

Т. ИШМЕТОВ

Ўзбекистон Республикаси
молия вазирининг 2022 йил 9 декабрдаги
66-сон буйруғига
ИЛОВА

**Бюджет ташкилотларида бухгалтерия ҳисоби тўғрисидаги
йўриқномага киритилаётган қўшимча ва ўзгартиришлар**

1. 248-банд қуйидаги мазмундаги хатбоши билан тўлдирилсин:

«140 «Депозитга қўйилган пул маблағлари» субсчётидаги маблағларни ундириш имконияти бўлмаганда, мазкур Йўриқноманинг 251-банди талаблари ушбу маблағлар учун ҳам татбиқ этилади.»

2. 251-банд қуйидаги таҳрирда баён этилсин:

«251. Бюджет ташкилотлари умумий даъво муддати давомида ўзларининг дебиторлик қарзларини ундириш чораларини кўриши лозим.

Бюджет ташкилотининг дебиторлик қарзлари умумий даъво муддати ту-гаган, ушбу қарздорликни ундирилиши юзасидан тегишли суд қарори қабул қилинган ҳамда қарздорнинг ундирув қаратилиши мумкин бўлган мол-мулки

* Ушбу буйруқ «Қонунчилик маълумотлари миллий базаси»да 2022 йил 22 декабрда эълон қилинган.

ёки даромадлари йўқлиги туфайли ижро ҳужжатлари ташкилотга қайтарилган тақдирда мазкур дебиторлик қарз умидсиз дебиторлик қарз деб ҳисобланади ва бюджет ташкилоти томонидан ташкилот раҳбари рухсати билан белгиланган тартибда ҳисобдан чиқарилади.

Бу қарздорлик қарздорнинг мулкӣ аҳволи ўзгарган тақдирда ундириб олиш имконига эга бўлиш мақсадида кузатиб бориш учун у ҳисобдан чиқарилган пайтдан бошлаб балансдан ташқари 05 счётада кўрсатилиши лозим.

Балансдан ташқари 05 счётада кўрсатилган маблағлар 3 йилдан сўнг, балансдан ташқари счётадан ҳам ҳисобдан чиқарилади.».

3. 63-илова мазкур қўшимча ва ўзгартиришларнинг иловасига мувофиқ таҳрирда баён этилсин.

Бюджет ташкилотларида бухгалтерия
ҳисоби тўғрисидаги йўриқномага
киритилаётган қўшимча ва
ўзгартиришларга
ИЛОВА

«Бюджет ташкилотларида бухгалтерия
ҳисоби тўғрисидаги йўриқномага
63-ИЛОВА

Бюджет ташкилотлари асосий воситаларининг йиллик эскириш МЕЪЁРЛАРИ

Гуруҳлар тартиб рақами	Кичик гуруҳлар тартиб рақами	Асосий воситаларнинг номи	Эскиришнинг йиллик энг юқори нормаси, фоизларда
I		Бинолар ва иншоотлар	
	1.	Бинолар	5
	2.	Иншоотлар	10
II		Қувурлар, электр узатиш ва телекоммуникациялар линиялари	15
III		Машиналар ва ускуналар (транспорт ускуналаридан ташқари)	20
IV		Транспорт ускуналари	
	1.	Ҳаво ва космик учиш аппаратлари ва улар билан боғлиқ ускуналар, кемалар ва қайиқлар, локомотивлар ва ҳаракатдаги таркиб (темир йўл таркиби)	10
	2.	Автотранспорт воситалари, автомобиль кузовлари (корпуслари), тиркамалар ва ярим тиркамалар, бошқа транспорт ускуналари	20
V		Компьютерлар ва периферия ускуналари	40
VI		Бошқа гуруҳларга киритилмаган амортизация қилинадиган активлар	15

».

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ
БОШ ПРОКУРАТУРАСИ ҲУЗУРИДАГИ ИҚТИСОДИЙ
ЖИНОЯТЛАРГА ҚАРШИ КУРАШИШ ДЕПАРТАМЕНТИНИНГ
ҚАРОРИ

473 Аудиторлик ташкилотлари учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартириш ва қўшимчалар киритиш ҳақида*

*Ўзбекистон Республикаси Адлия вазирлиги томонидан 2022 йил
22 декабрда рўйхатдан ўтказилди, рўйхат рақами 3101-2*

Ўзбекистон Республикасининг «Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш тўғрисида»ги ва «Аудиторлик фаолияти тўғрисида»ги қонунларига ҳамда Ўзбекистон Республикаси Президентининг 2021 йил 28 июндаги ПФ–6252-сон «Ўзбекистон Республикасининг жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш миллий тизимини ривожлантириш стратегиясини тасдиқлаш тўғрисида»ги Фармонига мувофиқ Ўзбекистон Республикаси Молия вазирлиги ва Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаменти **қарор қилади:**

1. Ўзбекистон Республикаси Молия вазирлиги ва Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаментининг 2018 йил 14 ноябрдаги 145, 45-сон қарори (рўйхат рақами 3101, 2018 йил 15 декабрь) (Ўзбекистон Республикаси қонун ҳужжатлари тўплами, 2018 й., 51-сон, 980-модда) билан тасдиқланган Аудиторлик ташкилотлари учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан уч ой ўтгач кучга киради.

Молия вазири

Тошкент ш.,
2022 йил 15 ноябрь,
62-сон

Т. ИШМЕТОВ

* Ушбу қарор «Қонунчилик маълумотлари миллий базаси»да 2022 йил 22 декабрда эълон қилинган.

**Иқтисодий жиноятларга қарши
курашиш департаменти бошлиғи****Д. РАХИМОВ**

Тошкент ш.,
2022 йил 7 ноябрь,
29-сон

Ўзбекистон Республикаси
Молия вазирлигининг 2022 йил 15 ноябрдаги
62-сон ва Иқтисодий жиноятларга қарши
курашиш департаментининг 2022 йил
7 ноябрдаги 29-сон қарорига
ИЛОВА

**Аудиторлик ташкилотлари учун жиноий фаолиятдан
олинган даромадларни легаллаштиришга, терроризмни
молиялаштиришга ва оммавий қирғин қуролини тарқатишни
молиялаштиришга қарши курашиш бўйича ички назорат
қоидаларига киритилаётган ўзгартириш ва қўшимчалар**

1. Муқаддима, 1-банд ва 23-банднинг биринчи хатбошисидаги «профессионал» деган сўз «турдош» деган сўз билан алмаштирилсин.

2. 2-бандда:

олтинчи хатбоши «унинг томонидан тақдим этилган ҳужжатлар» деган сўзлардан кейин «, очик манбалар ва маълумотлар базаларида мавжуд бўлган қўшимча тасдиқланган маълумотлар» деган сўзлар билан тўлдирилсин; саккизинчи хатбошидаги «профессионал» деган сўз «турдош» деган сўз билан алмаштирилсин;

ўн саккизинчи хатбоши қуйидаги таҳрирда баён этилсин:

«юқори мансабдор шахслар — чет давлатнинг қонун чиқарувчи, ижро этувчи, маъмурий, суд ёки ҳарбий органда ёхуд халқаро ташкилотда доимий, вақтинча ёки махсус ваколат бўйича тайинланадиган ёки сайланадиган, ташкилий-бошқарув вазифаларини бажарадиган ва юридик аҳамиятга эга бўлган ҳаракатларни амалга оширишга ваколатли шахслар, шунингдек чет давлат корхоналарининг юқори мартабали раҳбарлари, чет давлатнинг таниқли сиёсатчилари ва сиёсий партияларининг таниқли аъзолари, шу жумладан собиқ юқори мансабдор шахслар;»;

қуйидаги мазмундаги ўн тўққизинчи хатбоши билан тўлдирилсин:

«юқори мансабдор шахсларга яқин бўлган шахслар — юқори мансабдор шахсларга ижтимоий ва касбий жиҳатдан бевосита боғлиқ бўлган жисмоний шахслар;»;

ўн тўққизинчи — йигирма иккинчи хатбошилар тегишли равишда йигирманчи — йигирма учинчи хатбошилар деб ҳисоблансин;

йигирманчи хатбошидаги «ёки терроризмни молиялаштириш» деган сўзлар «, терроризмни молиялаштириш ва оммавий қирғин қуролини тарқатишни молиялаштириш» деган сўзлар билан алмаштирилсин;

қуйидаги мазмундаги хатбоши билан тўлдирилсин:

«юридик шахс ташкил этмаган чет эл тузилмаси — чет давлатнинг қонунчилиги ҳужжатларига мувофиқ юридик шахс ташкил этмаган ҳолда ташкил этилган ва ўз иштирокчиларининг (пайчиларнинг, ишонч билдирувчиларнинг ёки бошқа шахсларнинг) ёхуд бошқа бенефициарларнинг манфаатларини кўзлаб даромад (фойда) олишга қаратилган фаолиятни амалга ошириш ҳуқуқига эга бўлган ташкилий тузилма (фондлар, шерикликлар, ширкатлар, трастлар, жамоавий инвестициялар ва (ёки) ишончли бошқарувнинг бошқа шакллари).».

3. 4-банднинг тўртинчи ва бешинчи хатбошилари қуйидаги таҳрирда баён этилсин:

«бенефициар мулкдорларни идентификациялаш, уларнинг шахсини текшириш ва операцияни амалга оширишда фойдаланиладиган пул маблағлари ва бошқа мол-мулкнинг келиб чиқишини аниқлаш бўйича мумкин бўлган чора-тадбирлар қўллаш;

юқори мансабдор шахслар, уларнинг оила аъзолари ва юқори мансабдор шахсларга яқин шахсларнинг амалга ошираётган операцияларини чуқур мониторинг қилиш;».

4. 11-бандда:

учинчи хатбоши қуйидаги таҳрирда баён этилсин:

«ички ва ташқи вазиятлар ўзгаришини инобатга олган ҳолда ички назорат тизими самарадорлигини мониторинг қилади ва баҳолаб боради, шунингдек ушбу Қоидалар ва ички қоидалар талабларига риоя қилиниши назоратини амалга оширади;»;

бешинчи хатбоши қуйидаги таҳрирда баён этилсин:

«аудиторлик ташкилоти фаолиятида мазкур Қоидалар ва ички қоидалар талабларига риоя қилинмаганлиги бўйича аниқланган камчилик, қоидабузарликларни бартараф этиш, шунингдек ички назорат тизими самарадорлигини таъминлаш учун заруратга қараб уни мустаҳкамлаш юзасидан аудиторлик ташкилотининг раҳбарига кўриб чиқиши учун таклифлар киритади;».

5. 14-банднинг саккизинчи хатбошиси қуйидаги таҳрирда баён этилсин:

«юқори мансабдор шахслар ва уларнинг оила аъзолари ҳамда юқори мансабдор шахсларга яқин шахслар билан амалий иш муносабатларини ўрнатиш ҳамда улар томонидан ўтказиладиган операцияларини мониторинг қилиш тартиби;».

6. 19-бандда:

учинчи хатбошидаги «профессионал» деган сўз «турдош» деган сўз билан алмаштирилсин;

тўртинчи хатбошидаги «амалга оширилаётганда» деган сўзлар «аниқлаганда» деган сўз билан алмаштирилсин.

7. 20-бандда:

иккинчи хатбоши қуйидаги таҳрирда баён этилсин:

«тегишли ҳужжатлар асосида миждозни текшириш ва идентификациялашни, шунингдек унинг вакилининг шахсини ва ваколатларини текширишни;»; қуйидаги мазмундаги хатбоши билан тўлдирилсин:

«Таваккалчилик даражасидан келиб чиқиб мижозни лозим даражада текширишнинг кучайтирилган чораларини қўллаш тўғрисида қарор қабул қилиш имконини бериш керак. Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга алоқаси борлиги ҳақида асослантилган шубҳалар мавжуд бўлганда, мижозни лозим даражада текшириш бўйича чоралар амалга ошираётганлиги ошкор бўлиши мумкин бўлган ҳолларда, ушбу мижозга нисбатан мижозни лозим даражада текшириш бўйича чоралар амалга оширмасдан махсус ваколатли давлат органга шубҳали операция ҳақида хабар юборилишига йўл қўйилади.»

8. 21-бандда:

биринчи хатбошидаги «ва уларнинг яқин қариндошларига» деган сўзлар «, уларнинг оила аъзолари ва юқори мансабдор шахсларга яқин шахсларга» деган сўзлар билан алмаштирилсин;

учинчи хатбоши «ўрнатиш» деган сўздан кейин «(ёки мавжуд мижозлар учун давом эттириш)» деган сўзлар билан тўлдирилсин.

9. Қўйидаги мазмундаги 21¹-банд билан тўлдирилсин:

«21¹. Аудиторлик ташкилотлари мазкур Қоидаларнинг 20 ва 21-бандларида назарда тутилган мижозларни лозим даражада текшириш бўйича чора-тадбирларни амалга оширган учинчи томонларнинг (Ўзбекистон Республикасида рўйхатга олинган ва пул маблағлари ёки бошқа мол-мулк билан боғлиқ операцияларни амалга оширувчи ташкилотлар) лозим даражада текшириш натижаларига ишонишлари мумкин.

Мазкур ҳолларда мижозларни лозим даражада текшириш натижалари бўйича сўнгги жавобгарлик аудиторлик ташкилотларининг зиммасида қолади. Бунда аудиторлик ташкилотлари:

мижозларни лозим даражада текшириш бўйича чора-тадбирлар юзасидан зарур бўлган маълумотларни электрон тизимлар орқали, шунингдек идентификациялаш маълумотлари ва бошқа тегишли ҳужжатлар нусхасини сўров асосида кечиктирмасдан олиш имкониятига эга бўлиши;

учинчи томон жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини молиялаштиришга қарши курашиш бўйича ички назорат қоидалари асосида ишлашига ишонч ҳосил қилишлари керак.

Аудиторлик ташкилотлари мазкур банднинг учинчи-тўртинчи хатбошиларида назарда тутилган талаблардан бирига риоя қилинмаган тақдирда, мижозларни лозим даражада текшириш бўйича чора-тадбирларни мустақил равишда амалга ошириши керак.»

10. 24-банд қўйидаги мазмундаги хатбоши билан тўлдирилсин:

«Тегишли чоралар бенефициар мулкдорни аниқлаш имконини бермас, аудиторлик ташкилотлари юқори раҳбарлик лавозимини эгаллаб турган шахсларни идентификация қилиши ва уларнинг шахсини текшириш юзасидан ўринли чораларни қўриши керак.»

11. 27-банд қўйидаги таҳрирда баён этилсин:

«27. Ушбу Қоидалар билан юридик шахслар учун ўрнатилган талаблар

юридик шахсни ташкил этмаган чет эл тузилмаларига нисбатан ҳам қўлла-нилади.».

12. 28-бандда:

биринчи хатбошидаги «профессионал» деган сўз «турдош» деган сўз билан алмаштирилсин;

қуйидаги мазмундаги олтинчи хатбоши билан тўлдирилсин:

«Аудиторлик ташкилотлари Рўйхатга киритилган шахсларга ҳамда уларнинг топшириғига кўра ҳаракат қилаётган шахсларга, шунингдек Рўйхатга киритилган жисмоний шахснинг ёхуд ташкилотнинг мулкидаги ёки назорати остидаги юридик шахсларга хизматлар кўрсатиши тақиқланади.»;

олтинчи хатбоши еттинчи хатбоши деб ҳисоблансин.

13. 29-бандда:

биринчи хатбоши «ишлаб чиқиши ва» деган сўзлардан кейин «таваккалчилик хавфига боғлиқ равишда» деган сўзлар билан тўлдирилсин.

учинчи хатбошидан «(юқори ёки қуйи)» деган сўзлар чиқариб ташлансин;

қуйидаги мазмундаги хатбошилар билан тўлдирилсин:

«Аниқланган таваккалчиликлар назорат қилишнинг кенгайтирилган ёки содалаштирилган чораларини қўллаш ҳамда ресурсларни самарали тақсимлаш тўғрисида қарор қабул қилиш имконини бериш керак.

Аудиторлик ташкилотлари ҳар йили таваккалчиликларни баҳолаш натижаларини «Аудит» дастурий мажмуининг ахборот тизими орқали Ўзбекистон Республикаси Молия вазирлигига тақдим этиши керак.

Аудиторлик ташкилотлар махсус ваколатли давлат органи билан келишилган ҳолда Ўзбекистон Республикаси Молия вазирлиги томонидан ишлаб чиқиладиган ва тавсиявий характерга эга бўлган услубий қўлланмалар асосида таваккалчилик даражасини аниқлаши ва баҳолаши мумкин.».

14. 30-бандда:

«в» кичик банддаги «чет эл корхоналарининг ваколатхоналари» деган сўзлар «юридик шахс ташкил этмаган чет эл тузилмалари» деган сўзлар билан алмаштирилсин;

«ж» кичик банддаги «ва уларнинг яқин қариндошларига» деган сўзлар «, уларнинг оила аъзолари ва юқори мансабдор шахсларга яқин шахсларга» деган сўзлар билан алмаштирилсин.

15. Қуйидаги мазмундаги 34¹-банд билан тўлдирилсин:

«34¹. Ўзбекистон Республикаси Молия вазирлиги йилига камида бир марта жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш юзасидан аудиторлик ташкилотлари фаолиятида таваккалчилик даражасини ўрганишни, таҳлил қилишни ва баҳолашни ҳамда аниқланган таваккалчиликларни камайтиришга доир тегишли чоралар кўради ҳамда бу тўғрисида махсус ваколатли давлат органини хабардор қилади.».

16. 39-банддаги «чиқган» деган сўз «чиққан» деган сўз билан алмаштирилсин.

17. 41-банд қуйидаги таҳрирда баён этилсин:

«41. Шубҳали операция ҳақидаги хабар аудиторлик ташкилоти томонидан шубҳали операция аниқланган кундан кейинги иш кунидан кечиктирмай, Ўзбекистон Республикаси Вазирлар Маҳкамасининг 2021 йил 29 июндаги 402-сон қарори билан тасдиқланган Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш билан боғлиқ маълумотларни тақдим этиш тартиби тўғрисидаги низом талабларига мувофиқ махсус ваколатли давлат органига берилади.»

18. 43-бандда:

биринчи хатбошидаги «профессионал» деган сўз «турдош» деган сўз билан алмаштирилсин;

учинчи хатбоши «шунингдек» деган сўздан кейин «уч соат ичида» деган сўзлар билан тўлдирилсин.

19. 45-банд қуйидаги таҳрирда баён этилсин:

«45. Операцияни тўхтатиш ва тиклашни Террорчилик фаолиятида ёки оммавий қирғин қуролини тарқатишда иштирок этаётган ёки иштирок этишда гумон қилинаётган шахслар рўйхатига киритилган шахсларнинг операцияларини тўхтатиб туриш, пул маблағларини ёки бошқа мол-мулкни ишга солмай тўхтатиб қўйиш, ишга солмай тўхтатиб қўйилган мол-мулкдан фойдаланишга рухсат бериш ва операцияларини тиклаш тартиби тўғрисидаги низомда (рўйхат рақами 3327, 2021 йил 19 октябрь) белгиланган тартибда амалга оширади.»

20. 48-банднинг биринчи хатбошиси қуйидаги таҳрирда баён этилсин:

«48. Аудиторлик ташкилотлар пул маблағлари ёки бошқа мол-мулкнинг улар билан боғлиқ операциялар тўғрисидаги ахборотни, шунингдек мижозларни лозим даражада текшириш бўйича идентификациялаш маълумотлари ҳамда материалларини, шу жумладан иш ёзишмаларини ва ўтказилган ҳар қандай таҳлил натижаларини қонунчилик ҳужжатларида белгиланган муддатлар мобайнида, лекин операция амалга оширилганидан ёки мижоз билан иш муносабатлар тўхтатилганидан кейин беш йилдан кам бўлмаган муддатда сақлашлари шарт.»

21. 57-банд қуйидаги таҳрирда баён этилсин:

«57. Аудиторлик ташкилотлари томонидан мазкур Қоидалар талабларига риоя этилиши устидан мониторинг ва назорат, шу жумладан ахборот-коммуникация технологияларидан фойдаланган ҳолда Ўзбекистон Республикаси Молия вазирлиги ва махсус ваколатли давлат органи томонидан, Ўзбекистон Республикаси Вазирлар Маҳкамасининг 2021 йил 29 июндаги 402-сон қарори билан тасдиқланган Пул маблағлари ёки бошқа мол-мулк билан боғлиқ операцияларни амалга оширувчи ташкилотлар томонидан жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш соҳасидаги қонунчилик ҳужжатларига риоя этилиши устидан мониторинг ва назоратни ташкил этиш тартиби тўғрисидаги низомга мувофиқ амалга оширилади.»

22. 1-иловада:

1-банд қуйидаги мазмундаги жумла билан тўлдирилсин:

«Судланганлиги ёки судланмаганлиги тўғрисида маълумот.»;

3-банднинг «д» кичик банди қуйидаги таҳрирда баён этилсин:

«д) мижознинг таваккалчилик даражаси, шунингдек уни пасайтириш ва ички назоратни самарадорлигини таъминлаш учун қўлланиладиган чоралар.»;

қуйидаги мазмундаги 7-банд билан тўлдирилсин:

«7. Бухгалтерия ҳисобини юритиш бўйича хизматларни кўрсатишни рад этилган мижозлар сони (рад этиш сабаби).».

23. 2-илованинг матни қуйидаги таҳрирда баён этилсин:

**«Мижоз ва унинг бенефициар мулкдорини
идентификациялашда зарур бўлган
МАЪЛУМОТ**

1. Тўлиқ, шунингдек давлат рўйхатидан ўтганлиги тўғрисидаги гувоҳномада кўрсатилган бўлса, қисқартирилган номи.

2. Давлат рўйхатидан ўтганлиги тўғрисидаги гувоҳномада кўрсатилган маълумотлар (сана, рақам, рўйхатга олувчи орган номи ва бошқа маълумотлар).

3. Солиқ тўловчининг идентификация рақами.

4. Жойлашган жойи (почта манзили, филиаллар ва ваколатхоналар мавжудлиги тўғрисидаги маълумотлар).

5. Мижоз ва бенефициар мулкдорни амалий иш муносабатлар тўғрисидаги маълумотлар.

6. Лицензияланиши лозим бўлган фаолият турларини амалга ошириш учун мавжуд бўлган лицензиялар тўғрисида маълумотлар: фаолият тури, лицензиянинг рақами ва берилган санаси, ким томонидан берилганлиги, амал қилиш муддати.

7. Мижоз вакили шахсининг идентификацияси (паспорт, ID-карта ёки унга тенглаштирилган ҳужжатлар асосида) ҳамда ваколатларини текшириш тўғрисидаги маълумотлар.

8. Мижознинг таъсисчилари (акциядорлари, иштирокчилари) ҳақидаги ҳамда уларнинг устав фонди (капитали)даги улушлари, бенефициар мулкдорини идентификациялаш (шахсини ва яшаш жойини аниқлаш, юқори мансабдор шахс, унинг оила аъзоси ёки унга яқин шахс эканлиги тўғрисида белги) тўғрисидаги маълумотлар.

9. Рўйхатга олинган ва тўланган устав фонди (капитали) миқдори тўғрисидаги маълумотлар.

10. Мижознинг бошқарув органлари (юримдик шахснинг бошқарув органларининг тузилмаси ва шахсий таркиби) тўғрисидаги маълумотлар.

11. Боғланиш маълумотлари (телефон рақамлари, электрон почта, веб-сайт (агар мавжуд бўлса)).

12. Ички қоидалар билан аниқланадиган бошқа маълумотлар.».

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**474** Айрим идоравий норматив-ҳуқуқий ҳужжатларни идоравий норматив-ҳуқуқий ҳужжатларнинг давлат реестридан чиқариш тўғрисида*

Ўзбекистон Республикаси Адлия вазирлиги томонидан 2022 йил 22 декабрда рўйхатдан ўтказилди, рўйхат рақами 3404

Ўзбекистон Республикасининг «Норматив-ҳуқуқий ҳужжатлар тўғрисида»ги Қонуни, Ўзбекистон Республикаси Президентининг 2018 йил 8 августдаги ПФ–5505-сон «Норма ижодкорлиги фаолиятини такомиллаштириш концепциясини тасдиқлаш тўғрисида»ги, 2022 йил 28 январдаги ПФ–60-сон «2022 — 2026 йилларга мўлжалланган янги Ўзбекистоннинг тараққиёт стратегияси тўғрисида»ги фармонлари ҳамда Ўзбекистон Республикаси Президентининг 2018 йил 13 апрелдаги ПҚ–3666-сон «Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида»ги қарори, Ўзбекистон Республикаси Вазирлар Маҳкамасининг 1997 йил 9 октябрдаги 469-сон «Вазирликлар, давлат қўмиталари ва идоралар меъёрий ҳужжатларининг қонунийлигини таъминлаш чора-тадбирлари тўғрисида»ги қарори ҳамда Идоравий норматив-ҳуқуқий ҳужжатларни тайёрлаш ва қабул қилиш қоидаларига (рўйхат рақами 2565, 2014 йил 28 февраль) мувофиқ **буёраман:**

1. Қуйидагилар:

Ўзбекистон Республикасининг «Норматив-ҳуқуқий ҳужжатлар тўғрисида»ги Қонунининг 46-моддасига асосан илгари қабул қилинган норматив-ҳуқуқий ҳужжатларга янги норматив-ҳуқуқий ҳужжат қабул қилинганлиги муносабати билан зарур ўзгартишлар ва (ёки) қўшимчалар киритилиши ҳамда илгари қабул қилинган барча норматив-ҳуқуқий ҳужжатлар ёки уларнинг қисмлари, агар улар янги ҳуқуқий нормаларга зид бўлса ёхуд янги норматив-ҳуқуқий ҳужжат билан тўлалигича қамраб олинган ёки амалда ўз ҳуқуқий аҳамиятини йўқотган бўлса, лекин расман ўз кучини йўқотган деб топилмаган бўлса, ўз кучини йўқотган деб топилиши лозимлиги;

Ўзбекистон Республикаси Президентининг 2018 йил 8 августдаги ПФ–5505-сон Фармони билан тасдиқланган Норма ижодкорлиги фаолиятини такомиллаштириш концепциясида идоравий норматив-ҳуқуқий ҳужжатларни имкон қадар қисқартириш, умумий тусдаги, ҳаракатсиз ва ҳуқуқни қўллашга таъсир этмайдиган қонунчилик ҳужжатларини қайта кўриб чиқиш белгиланганлиги;

Ўзбекистон Республикаси Президентининг 2022 йил 28 январдаги ПФ–60-сон Фармони билан тасдиқланган 2022 — 2026 йилларга мўлжалланган Янги Ўзбекистоннинг тараққиёт стратегиясида идоравий норма-

* Ушбу буйруқ «Қонунчилик маълумотлари миллий базаси»да 2022 йил 22 декабрда эълон қилинган.

тив-ҳуқуқий ҳужжатлар сонини мақбуллаштириш ишларини давом эттириш вазифаси белгиланганлиги;

Идоравий норматив-ҳуқуқий ҳужжатларни тайёрлаш ва қабул қилиш қоидаларининг (рўйхат рақами 2565, 2014 йил 28 февраль) 111-бандига мувофиқ қонунчилик ҳужжатларига мувофиқлаштирилмаган идоравий норматив-ҳуқуқий ҳужжатнинг Идоравий норматив-ҳуқуқий ҳужжатларнинг давлат реестридан чиқарилиши натижасида юзага келадиган «ҳуқуқий бўшлиқлар» оқибатлари учун ушбу идоравий норматив-ҳуқуқий ҳужжатни қабул қилган вазирлик ва идоралар раҳбарлари жавобгар бўлиши маълумот учун қабул қилинсин.

2. Айрим идоравий норматив-ҳуқуқий ҳужжатлар Идоравий норматив-ҳуқуқий ҳужжатларнинг давлат реестридан иловага мувофиқ чиқарилсин.

3. Мазкур буйруқ расмий эълон қилинган кундан эътиборан кучга киради.

Вазир

А. ТАШКУЛОВ

Тошкент ш.,
2022 йил 21 декабрь,
31-мҳ-сон

Ўзбекистон Республикаси
адлия вазирининг 2022 йил 21 декабрдаги
31-мх-сон буйруғига
ИЛОВА

**Идоравий норматив-ҳуқуқий ҳужжатларнинг давлат
реестридан чиқарилаётган айрим идоравий норматив-
ҳуқуқий ҳужжатлар
РЎЙХАТИ**

1. Ўзбекистон Республикаси Электр энергетикада назорат бўйича давлат агентлиги бош директорининг 2002 йил 10 сентябрдаги 433-сон «Энергетика ишлаб чиқариш корхоналарида ходимлар билан ишлашни ташкил этиш қоидаларини тасдиқлаш тўғрисида»ги буйруғи (рўйхат рақами 1178, 2002 йил 4 октябрь) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2002 й., 19-сон).

2. Ўзбекистон Республикаси Электр энергетикада назорат бўйича давлат инспекцияси бошлиғининг 2008 йил 30 апрелдаги 84-сон «Энергетика ишлаб чиқариш корхоналарида ходимлар билан ишлашни ташкил этиш қоидаларига ўзгартиришлар киритиш тўғрисида»ги буйруғи (рўйхат рақами 1178-1, 2008 йил 28 май) (Ўзбекистон Республикаси қонун ҳужжатлари тўплами, 2008 й., 22-23-сон, 208-модда).

3. Ўзбекистон Республикаси Электр энергетикада назорат бўйича давлат инспекцияси бошлиғининг 2011 йил 2 июндаги 9-сон «Энергетика ишлаб чиқариш корхоналарида ходимлар билан ишлашни ташкил этиш қоидаларига ўзгартиришлар киритиш тўғрисида»ги буйруғи (рўйхат рақами 1178-2, 2011 йил 29 июнь) (Ўзбекистон Республикаси қонун ҳужжатлари тўплами, 2011 й., 26-сон, 276-модда).

4. Ўзбекистон Республикаси Электр энергетикада назорат бўйича давлат инспекцияси бошлиғининг 2017 йил 4 декабрдаги 7-сон «Энергетик ишлаб чиқариш корхоналарида ходимлар билан ишлашни ташкил этиш қоидаларига ўзгартириш ва қўшимчалар киритиш тўғрисида»ги буйруғи (рўйхат рақами 1178-3, 2018 йил 5 январь) (Қонунчилик маълумотлари миллий базаси, 2011 й., 08.01.2018 й., 10/18/1178-3/0514).

5. Ўзбекистон Республикаси Электр энергетикада назорат бўйича давлат инспекцияси бошлиғининг 2004 йил 2 сентябрдаги 295-сон «Ўзбекистон Республикаси электр станциялари ва тармоқларини техникавий эксплуатация қилиш қоидаларини тасдиқлаш тўғрисида»ги буйруғи (рўйхат рақами 1405, 2004 йил 10 сентябрь) (Ўзбекистон Республикаси қонун ҳужжатлари тўплами, 2004 й., 36-сон, 405-модда).

6. Ўзбекистон Республикаси Электр энергетикада назорат бўйича давлат инспекцияси бошлиғининг 2010 йил 13 октябрдаги 194-сон «Ўзбекистон Республикаси электр станциялари ва тармоқларини техникавий эксплуатация қилиш қоидалари (I бўлим)га ўзгартиришлар ва қўшимча киритиш тўғрисида»ги буйруғи (рўйхат рақами 1405-1, 2010 йил 15 ноябрь) (Ўзбекистон Республикаси қонун ҳужжатлари тўплами, 2010 й., 46-сон, 419-модда).

7. Ўзбекистон Республикаси Электр энергетикада назорат бўйича давлат инспекцияси бошлиғининг 2013 йил 8 ноябрдаги 9-сон «Ўзбекистон Республикаси электр станциялари ва тармоқларини техникавий эксплуатация қилиш қоидаларининг I бўлимига ўзгартиришлар киритиш тўғрисида»ги буйруғи (рўйхат рақами 1405-2, 2013 йил 15 ноябрь) (Ўзбекистон Республикаси қонун ҳужжатлари тўплами, 2013 й., 46-сон, 614-модда).

8. Ўзбекистон Республикаси адлия вазирининг 2011 йил 7 ноябрдаги 246-мх-сон «Текширишларни рўйхатга олиш китобининг шакли ва уни тўлдириш тартибини тасдиқлаш ҳақида»ги буйруғи (рўйхат рақами 2280, 2011 йил 7 ноябрь) (Ўзбекистон Республикаси қонун ҳужжатлари тўплами, 2011 й., 45-46-сон, 480-модда).

9. Ўзбекистон Республикаси адлия вазирининг 2014 йил 26 декабрдаги 306-мх-сон «Текширишларни рўйхатга олиш китобини тўлдириш тартиби тўғрисидаги низомга ўзгартириш ва қўшимчалар киритиш тўғрисида»ги буйруғи (рўйхат рақами 2280-1, 2014 йил 26 декабрь) (Ўзбекистон Республикаси қонун ҳужжатлари тўплами, 2014 й., 52-сон, 638-модда).

10. Ўзбекистон Республикаси адлия вазирининг 2016 йил 9 сентябрдаги 226-мх-сон «Текширишларни рўйхатга олиш китобининг шакли ва уни тўлдириш тартибини тасдиқлаш ҳақида»ги буйруққа ўзгартиришлар киритиш тўғрисида»ги буйруғи (рўйхат рақами 2280-2, 2016 йил 9 сентябрь) (Ўзбекистон Республикаси қонун ҳужжатлари тўплами, 2016 й., 36-сон, 425-модда).

11. Ўзбекистон Республикаси адлия вазирининг 2017 йил 6 июндаги 116-мх-сон «Текширишларни рўйхатга олиш китобини тўлдириш тартиби тўғрисидаги низомнинг 13-бандига ўзгартириш киритиш ҳақида»ги буйруғи (рўйхат рақами 2280-3, 2017 йил 6 июнь) (Ўзбекистон Республикаси қонун ҳужжатлари тўплами, 2017 й., 23-сон, 481-модда).

12. Ўзбекистон Республикаси ички ишлар вазирининг 2018 йил 13 февралдаги 35-сон «Ўзбекистон Республикаси Ички ишлар вазирлиги Академиясининг кундузги таълим шаклига номзодлар танловини ўтказиш бўйича методикаларни тасдиқлаш ҳақида»ги буйруғи (рўйхат рақами 2987, 2018 йил 29 март) (Қонун ҳужжатлари маълумотлари миллий базаси, 29.03.2018 й., 10/18/2987/0961-сон).

13. Ўзбекистон Республикаси ички ишлар вазирининг 2020 йил 26 февралдаги 86-сон «Ўзбекистон Республикаси Ички ишлар вазирлиги Академиясининг кундузги таълим шаклига номзодлар танловини ўтказиш бўйича методикаларга ўзгартиришлар киритиш тўғрисида»ги буйруғи (рўйхат рақами 2987-1, 2020 йил 18 март) (Қонун ҳужжатлари маълумотлари миллий базаси, 18.03.2020 й., 10/20/2987-1/0334-сон).

14. Ўзбекистон Республикаси ички ишлар вазирининг 2020 йил 17 сентябрдаги 260-сон «Ўзбекистон Республикаси Ички ишлар вазирлиги Академиясининг кундузги таълим шаклига номзодлар танловини ўтказиш бўйича методикаларга ўзгартиришлар киритиш ҳақида»ги буйруғи (рўйхат рақами 2987-2, 2020 йил 16 октябрь) (Қонун ҳужжатлари маълумотлари миллий базаси, 16.10.2020 й., 10/20/2987-2/1393-сон).

15. Ўзбекистон Республикаси инновацион ривожланиш вазирининг

2018 йил 4 июндаги 14/4-сон «Илмий лабораторияларни яратиш ва қўшимча жиҳозлаш бўйича танловларни ўтказиш, шунингдек зарур сарфлаш материаллари ва бутловчи қисмлар билан таъминлаш тартиби тўғрисидаги низомни тасдиқлаш ҳақида»ги буйруғи (рўйхат рақами 3035, 2018 йил 5 июль) (Қонун ҳужжатлари маълумотлари миллий базаси, 06.07.2018 й., 10/18/3035/1473-сон).

16. Ўзбекистон Республикаси инновацион ривожланиш вазирининг 2022 йил 6 июндаги 176-сон «Илмий лабораторияларни яратиш ва қўшимча жиҳозлаш бўйича танловларни ўтказиш, шунингдек зарур сарфлаш материаллари ва бутловчи қисмлар билан таъминлаш тартиби тўғрисидаги низомнинг 3-бандига ўзгартириш киритиш тўғрисида»ги буйруғи (рўйхат рақами 3035-1, 2022 йил 4 июль) (Қонунчилик маълумотлари миллий базаси, 04.07.2022 й., 10/22/3035-1/0586-сон).

17. Ўзбекистон Республикаси Ички ишлар вазирлиги, Бош прокуратураси ва Давлат хавфсизлик хизматининг 2018 йил 24 августдаги 58, 50-ққ, 7-сон «Автотранспорт воситалари ойналарининг тусини ўзгартиришга (қорайтиришга) рухсатнома бериш, уни рўйхатга олиш ва рухсатноманинг амал қилишини бекор қилиш тартиби тўғрисидаги низомни тасдиқлаш ҳақида»ги қарори (рўйхат рақами 3059, 2018 йил 25 август) (Қонун ҳужжатлари маълумотлари миллий базаси, 26.08.2018 й., 10/18/3059/1801-сон).

18. Ўзбекистон Республикаси Ички ишлар вазирлиги, Бош прокуратураси ва Давлат хавфсизлик хизматининг 2019 йил 3 сентябрдаги 69, 41, 21-сон «Енгил автотранспорт воситалари ойналарининг тусини ўзгартиришга (қорайтиришга) рухсатнома бериш, уни рўйхатга олиш ва рухсатноманинг амал қилишини бекор қилиш тартиби тўғрисидаги низомни тасдиқлаш ҳақида»ги қарорга ўзгартириш ва қўшимчалар киритиш тўғрисида»ги қарори (рўйхат рақами 3059-1, 2019 йил 4 октябрь) (Қонун ҳужжатлари маълумотлари миллий базаси, 04.10.2019 й., 10/19/3059-1/3865-сон).

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ
ЎЗБЕКИСТОН РЕСПУБЛИКАСИ
ТАШҚИ ИШЛАР ВАЗИРЛИГИНИНГ
ҚАРОРИ

475 «Ўзбекистон Республикаси консуллик муассасаларининг консуллари томонидан нотариал ҳаракатларни амалга ошириш тартиби тўғрисидаги йўриқномани тасдиқлаш ҳақида»ги қарорга ўзгартириш ва қўшимчалар киритиш тўғрисида*

*Ўзбекистон Республикаси Адлия вазирлиги томонидан 2022 йил
22 декабрда рўйхатдан ўтказилди, рўйхат рақами 2191-1*

Ўзбекистон Республикасининг «Нотариат тўғрисида»ги ва «Ўзбекистон Республикасининг Консуллик уставини тасдиқлаш тўғрисида»ги қонунлари, Ўзбекистон Республикаси Президентининг 2018 йил 5 апрелдаги ПФ–5400-сон «Ўзбекистон Республикаси Ташқи ишлар вазирлиги тизимини тубдан такомиллаштириш ҳамда ташқи сиёсий ва ташқи иқтисодий фаолиятнинг устувор йўналишларини амалга оширишда унинг масъулиятини кучайтириш чора-тадбирлари тўғрисида»ги, 2020 йил 7 сентябрдаги ПФ–6061-сон «Ер ҳисоби ва давлат кадастрларини юритиш тизимини тубдан такомиллаштириш чора-тадбирлари тўғрисида»ги ва 2022 йил 17 мартдаги ПФ–89-сон «Фуқароларнинг ҳуқуқ ва эркинликларини таъминлаш ҳамда ҳуқуқий хизмат кўрсатишда адлия органлари ва муассасалари фаолияти самарадорлигини янада ошириш чора-тадбирлари тўғрисида»ги фармонлари ҳамда Ўзбекистон Республикаси Президентининг 2018 йил 26 декабрдаги ПҚ–4079-сон «Ўзбекистон Республикаси фуқаросининг хорижга чиқиш биометрик паспортини расмийлаштириш ва бериш тизимини яратиш ҳамда Ўзбекистон Республикаси биометрик паспорт тизимини модернизация қилишга доир қўшимча чора-тадбирлар тўғрисида»ги қарорига мувофиқ Ўзбекистон Республикаси Адлия вазирлиги ва Ташқи ишлар вазирлиги **қарор қилади:**

1. Ўзбекистон Республикаси Адлия вазирлиги ҳамда Ташқи ишлар вазирлигининг 2011 йил 31 январдаги 21-сон ва 1-сон «Ўзбекистон Республикаси консуллик муассасаларининг консуллари томонидан нотариал ҳаракатларни амалга ошириш тартиби тўғрисидаги йўриқномани тасдиқлаш ҳақида»ги қарорига (рўйхат рақами 2191, 2011 йил 31 январь) (Ўзбекистон Республикаси қонун ҳужжатлари тўплами, 2011 й., 6-сон, 49-модда) иловага мувофиқ ўзгартириш ва қўшимчалар киритилсин.

3. Мазкур қарор расмий эълон қилинган кундан эътиборан кучга киради.

Адлия вазири

А. ТАШКУЛОВ

Тошкент ш.,
2022 йил 22 декабрь,
5-сон

* Ушбу қарор «Қонунчилик маълумотлари миллий базаси»да 2022 йил 28 декабрда эълон қилинган.

Ташқи ишлар вазири

В. НОРОВ

Тошкент ш.,
2022 йил 21 декабрь,
75-сон

Ўзбекистон Республикаси
Адлия вазирлигининг 2022 йил 22 декабрдаги
5-сон ҳамда Ташқи ишлар вазирлигининг
2022 йил 21 декабрдаги 75-сон қарорига
ИЛОВА

**«Ўзбекистон Республикаси консуллик муассасаларининг
консуллари томонидан нотариал ҳаракатларни амалга ошириш
тартиби тўғрисидаги йўриқномани тасдиқлаш ҳақида»ги
қарорга киритилаётган ўзгартириш ва қўшимчалар**

1. Қарорнинг муқаддимаси қуйидаги таҳрирда баён этилсин:
«Ўзбекистон Республикасининг «Нотариат тўғрисида»ги ҳамда «Ўзбекистон Республикасининг Консуллик уставини тасдиқлаш тўғрисида»ги қонунларига мувофиқ Ўзбекистон Республикаси Адлия вазирлиги ва Ташқи ишлар вазирлиги **қарор қилади:**».
2. Йўриқномада:
 - 1) муқаддима қуйидаги таҳрирда баён этилсин:
«Ушбу Йўриқнома Ўзбекистон Республикаси консуллик муассасаларининг консуллари (бундан буён матнда консуллар деб юритилади) томонидан нотариал ҳаракатларни амалга ошириш тартибини белгилайди.»;
 - 2) 1-банднинг биринчи хатбошисидаги «Ўзбекистон Республикасининг Консуллик устави 60-моддасига» деган сўзлар «Ўзбекистон Республикаси Консуллик уставининг 27-моддасига» деган сўзлар билан алмаштирилсин;
 - 3) 11-бандда:
учинчи — бешинчи хатбошилари қуйидаги таҳрирда баён этилсин:
«Ўзбекистон Республикаси фуқаролари — биометрик паспорт, шу жумладан хорижга чиқиш биометрик паспорти ёки дипломатик паспорт;
16 ёшга тўлмаган фуқаролар — хорижга чиқиш биометрик паспорти ёки туғилганлик тўғрисидаги гувоҳнома;
ҳарбий хизматчилар — хорижга чиқиш биометрик паспорти ёки шахсий ҳарбий гувоҳномалар ва ҳарбий билетлар;»;
еттинчи хатбошидаги «йўл ҳужжати» деган сўзлар «ҳаракатланиш ҳужжати» деган сўзлар билан алмаштирилсин.
 - 4) 18 ва 74-бандлардаги «доимий рўйхатга олинган» деган сўзлар «доимий яшаш жойи бўйича рўйхатга олинган» деган сўзлар билан алмаштирилсин;
 - 5) 39-банднинг бешинчи хатбошисидаги «доимий рўйхатга олинган» деган сўзлар «доимий яшаш жойи бўйича рўйхатга олинган» деган сўзлар билан алмаштирилсин;
 - 6) 66-банднинг иккинчи хатбошисидаги «доимий рўйхатга олинган» деган

сўзлар «доимий яшаш жойи бўйича рўйхатга олинган» деган сўзлар билан алмаштирилсин;

7) 80-банднинг учинчи хатбошисидаги «доимий рўйхатга олинган» деган сўзлар «доимий яшаш жойи бўйича рўйхатга олинган» деган сўзлар билан алмаштирилсин;

8) 25-банднинг саккизинчи хатбошисидаги «консуллик бошқармаси» деган сўзлар «Консуллик-ҳуқуқий департаменти» деган сўзлар билан алмаштирилсин;

9) 33-бандда:

биринчи хатбоши қуйидаги таҳрирда баён этилсин:

«33. Консул нотариал ҳаракатларни амалга оширганлик учун қонунчилик ҳужжатларида белгиланган ставкалар бўйича консуллик йиғими ва ҳақиқий харажатларнинг ўрнини қоплаш ҳисобидан йиғимни ундиради.»;

учинчи хатбошисидаги «Консуллик бошқармаси» деган сўзлар «Консуллик-ҳуқуқий департаменти» деган сўзлар билан алмаштирилсин;

10) 35-банднинг иккинчи хатбошисидаги «руҳий касаллиги» деган сўзлар «руҳий ҳолати бузилганлиги» деган сўзлар билан алмаштирилсин;

11) 69-банднинг биринчи ва иккинчи хатбошиларидаги «давлат нотариал идорасига» деган сўзлар «идоравий нотариал архивга» деган сўзлар билан алмаштирилсин;

12) 81-банднинг иккинчи хатбошисидаги «давлат нотариал идорасида» ва «давлат нотариал идорасига» деган сўзлар тегишли равишда «идоравий нотариал архивда» ва «идоравий нотариал архивга» деган сўзлар билан алмаштирилсин;

13) 91-банднинг учинчи хатбошисидаги «Энг кам иш ҳақининг» деган сўзлар «Базавий ҳисоблаш миқдорининг» деган сўзлар билан алмаштирилсин;

14) 152-банддаги «ер ресурслари, геодезия, картография ва давлат кадастри давлат қўмитасининг» деган сўзлар «Давлат солиқ қўмитаси ҳузуридаги Кадастр агентлигининг» деган сўзлар билан алмаштирилсин;

15) 202-банднинг тўртинчи хатбошиси қуйидаги таҳрирда баён этилсин: «қарздорнинг номи ва манзили, қарздор жисмоний шахснинг шахсий идентификация рақами (Ўзбекистон Республикаси фуқаролари бўлмаган жисмоний шахсларнинг шахсини тасдиқловчи бошқа ҳужжатларнинг реквизитлари), шунингдек қарздор юридик шахснинг СТИРи»;»;

16) 217-банднинг иккинчи хатбошисидан «(Ўзбекистон Республикаси Олий Мажлисининг Ахборотномаси, 1997 й., 9-сон)» деган сўзлар чиқариб ташлансин;

17) қуйидаги мазмундаги IV¹-боб билан тўлдирилсин:

«IV¹-боб. Консуллар томонидан тасдиқланган нотариал ҳаракатлар билан боғлиқ ҳужжатларни идоравий нотариал архивга топшириш ва қабул қилиш

219. Консуллар ўзлари томонидан амалга оширилган нотариал ҳаракатлар билан боғлиқ ҳужжатларнинг (бундан буён матнда нотариал ҳаракат ҳужжатлари деб юритилади) бут сақланишини таъминлаши лозим.

219¹. Консуллар томонидан амалга оширилган нотариал ҳаракат ҳужжатлари консуллик муассасасида уч йил давомида сақланади.

Нотариал ҳаракат ҳужжатлари консуллик муассасасида уч йил муддат сақлангандан сўнг, консул уларни идоравий нотариал архивга топшириш учун йиғмажилдга тартиб билан тикилган ва мундарижа илова қилган ҳолда Ташқи ишлар вазирлигига ҳар йили январь ойининг 20 санасига қадар юборилишини таъминлайди.

219². Ташқи ишлар вазирлиги Консуллик муассасалари томонидан юборилган нотариал ҳаракат ҳужжатларини ҳар йили январь ойининг 30 санасига қадар Адлия вазирлигига юборади.

219³. Адлия вазирлиги нотариал ҳаракат ҳужжатларини улар келиб тушган кундан бошлаб ўн беш иш куни ичида тегишлилиги бўйича идоравий нотариал архивларга юборилишини таъминлайди.

219⁴. Нотариал ҳаракат ҳужжатлари идоравий нотариал архивларга келиб тушганда, тегишли адлия бошқармасида ташкил этилган эксперт комиссияси мазкур ҳужжатлар келиб тушган кундан бошлаб ўн беш иш куни ичида уларнинг мазкур Йўриқноманинг 219¹-бандида назарда тутилган талаблар доирасида расмийлаштирилганлигини ўрганиб чиқади.

219⁵. Ўрганиш натижасида нотариал ҳаракат ҳужжатлари мазкур Йўриқноманинг 219¹-бандида белгиланган талабларга мувофиқ деб топилганда, масъул ходим уларни сақлаш учун қабул қилади.

219⁶. Ўрганиш натижасида нотариал ҳаракат ҳужжатлари мазкур Йўриқноманинг 219¹-бандида белгиланган талабларга мувофиқ эмас деб топилганда, эксперт комиссияси уларни сақлаш учун қабул қилишни рад этади. Бунда, идоравий нотариал архив томонидан нотариал ҳаракат ҳужжатлари аниқланган камчиликлар кўрсатилган ҳолда уч иш куни ичида тегишли хат билан Адлия вазирлигига юборилади.

219⁷. Адлия вазирлиги аниқланган камчиликларни бартараф этиш учун идоравий нотариал архивнинг хатини илова қилган ҳолда уч иш куни ичида нотариал ҳаракат ҳужжатларининг Ташқи ишлар вазирлигига юборилишини таъминлайди.

219⁸. Ташқи ишлар вазирлиги нотариал ҳаракат ҳужжатлари қайтариб юборилган вақтдан бошлаб ўн беш иш куни ичида Адлия вазирлиги томонидан кўрсатилган камчиликларнинг бартараф этилишини ҳамда нотариал ҳаракат ҳужжатларининг Адлия вазирлигига қайта юборилишини таъминлайди.»;

18) V-бобнинг номидаги «қоидалар» деган сўз «қоида» деган сўз билан алмаштирилсин;

19) 219-банд ўз кучини йўқотган деб топилсин.

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИ
ЎЗБЕКИСТОН РЕСПУБЛИКАСИ
БОШ ПРОКУРАТУРАСИ ҲУЗУРИДАГИ ИҚТИСОДИЙ
ЖИНОЯТЛАРГА ҚАРШИ КУРАШИШ ДЕПАРТАМЕНТИНИНГ
ҚАРОРИ

476 Нобанк кредит ташкилотларида жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига қўшимча ва ўзгартиришлар киритиш ҳақида*

*Ўзбекистон Республикаси Адлия вазирлиги томонидан 2022 йил
23 декабрда рўйхатдан ўтказилди, рўйхат рақами 2925-8*

Ўзбекистон Республикасининг «Ўзбекистон Республикасининг Марказий банки тўғрисида»ги ва «Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш тўғрисида»ги қонунларига мувофиқ Ўзбекистон Республикаси Марказий банки бошқаруви ва Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаменти **қарор қилади:**

1. Ўзбекистон Республикаси Марказий банки бошқаруви ва Ўзбекистон Республикаси Бош прокуратураси ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаментининг 2017 йил 9 августдаги 344-В ва 26-сон қарори (рўйхат рақами 2925, 2017 йил 4 сентябрь) (Ўзбекистон Республикаси қонун ҳужжатлари тўплами, 2017 й., 36-сон, 968-модда) билан тасдиқланган Нобанк кредит ташкилотларида жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига иловага мувофиқ қўшимча ва ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2022 йил 24 ноябрь,
344-В-8-сон

* Ушбу қарор «Қонунчилик маълумотлари миллий базаси»да 2022 йил 23 декабрда эълон қилинган.

**Иқтисодий жиноятларга қарши
курашиш департаменти бошлиғи****Д. РАХИМОВ**

Тошкент ш.,
2022 йил 21 ноябрь,
31-сон

Ўзбекистон Республикаси
Марказий банки бошқарувининг 2022 йил
24 ноябрдаги 344-В-8-сон ва Иқтисодий
жиноятларга қарши курашиш
департаментининг 2022 йил 21 ноябрдаги
31-сон қарорига
ИЛОВА

**Нобанк кредит ташкилотларида жиноий фаолиятдан
олинган даромадларни легаллаштиришга, терроризмни
молиялаштиришга ва оммавий қирғин қуролини тарқатишни
молиялаштиришга қарши курашиш бўйича ички назорат
қоидаларига киритилаётган қўшимча ва ўзгартиришлар**

1. Қуйидаги мазмундаги 6¹-банд билан тўлдирилсин:

«6¹. Нобанк кредит ташкилотининг назорати остида ёки аҳамиятли таъсири доирасида битта ёки бир нечта пул маблағлари ёки бошқа мол-мулк билан боғлиқ операцияларни амалга оширувчи ташкилотлар бўлган тақдирда ички қоидалар гуруҳий ёндашув асосида ишлаб чиқилиши ва қуйидагиларни ўз ичига олиши керак:

жиноий фаолиятдан олинган даромадларни легаллаштириш, терроризмни молиялаштириш ва (ёки) оммавий қирғин қуролини тарқатишни молиялаштириш билан боғлиқ таваккалчиликларни бошқариш ва мижозларни лозим даражада текшириш учун зарур бўлган маълумотларни алмашиш қоидалари ва тартиб-таомиллари;

комплаенс назоратни, аудитни ва (ёки) жиноий фаолиятдан олинган даромадларни легаллаштиришга, терроризмни молиялаштиришга ва (ёки) оммавий қирғин қуролини тарқатишни молиялаштиришга қарши курашиш функцияларини гуруҳ даражасида таъминлаш, жиноий фаолиятдан олинган даромадларни легаллаштириш, терроризмни молиялаштириш ва (ёки) оммавий қирғин қуролини тарқатишни молиялаштиришга қарши курашиш мақсадлари учун зарур бўлган ҳолларда филиаллардан ва шубҳа корхоналардан уларнинг мижозлари, ҳисобварақлари ва операциялари тўғрисидаги маълумотларни олинишини таъминлаш;

махфийликни ва маълумотлардан фойдаланишни етарли даражада ҳимоя қилиш.».

2. 10-банднинг иккинчи хатбошисидан «ёки бош бухгалтерга» деган сўзлар чиқариб ташлансин.

3. 15-банддаги «кўрсатилган ҳоллар» деган сўзлар «кўрсатилган ҳолат» деган сўзлар билан алмаштирилсин.

4. 17-бандда:

қуйидаги мазмундаги иккинчи хатбоши билан тўлдирилсин:

«Ички назорат хизмати раҳбари нобанк кредит ташкилотининг ижро этувчи (ижроия) органи аъзоси ёки раҳбарининг ўринбосари бўлиб ҳисобланади.»;

иккинчи хатбоши учинчи хатбоши деб ҳисоблансин.

5. 39-банднинг учинчи хатбошисидаги «камайтиришга» деган сўз «минималлаштириш юзасидан режаларни ишлаб чиқиши ва амалга оширишга» деган сўзлар билан алмаштирилсин.

6. 40-банд қуйидаги мазмундаги «з¹» кичик банд билан тўлдирилсин:

«з¹) Ўзбекистон Республикасининг норезидентлари — жисмоний шахслар;».

7. 52-банднинг бешинчи хатбошиси қуйидаги таҳрирда баён этилсин:

«ишга солмасдан тўхтатиб қўйилган пул маблағлари ёки бошқа мол-мулк билан боғлиқ бўлган шубҳали операция тўғрисидаги хабарни махсус ваколатли давлат органига юбориш учун тайёрлаш;».

8. 71-банд «Нобанк кредит ташкилотлари,» деган сўзлардан кейин «шу жумладан, ташкилотнинг ижро этувчи (ижроия) органи,» деган сўзлар билан тўлдирилсин.

9. 74-банднинг иккинчи хатбошиси қуйидаги таҳрирда баён этилсин:

«Масъул ходим ёки Ички назорат хизматининг фаолияти самарадорлигини мониторинги ички аудит хизмати ёки ташқи аудит томонидан амалга оширилади.».

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

I. Давлат рўйхатидан ўтказилди:

1. Ўзбекистон Республикаси Давлат активларини бошқариш агентлиги директорининг 2022 йил 29 ноябрдаги 326-сон «Вазирликлар, идоралар ва маҳаллий давлат ҳокимияти органларига тегишли бўш турган давлат кўчмас мулк объектларини уларнинг розилигисиз ижарага бериш ёки сотиш учун савдога чиқариш тартиби тўғрисидаги низомни тасдиқлаш ҳақида»ги буйруғи.

2022 йил 19 декабрда рўйхатдан ўтказилди, рўйхат рақами 3403.

2. Ўзбекистон Республикаси адлия вазирининг 2022 йил 17 декабрдаги 29-мх-сон «Фуқаролик ҳолати далолатномаларини ёзиш органларида иш юритиш тартиби тўғрисидаги йўриқномага ўзгартиришлар киритиш тўғрисида»ги буйруғи.

2022 йил 19 декабрда рўйхатдан ўтказилди, рўйхат рақами 2547-5.

3. Ўзбекистон Республикаси адлия вазирининг 2022 йил 19 декабрдаги 30-мх-сон «Нотариуслар томонидан амалга ошириладиган ҳуқуқий ва техник тусдаги қўшимча ҳаракатлар учун ундириладиган тўловларнинг максимал миқдорларига қўшимчалар киритиш тўғрисида»ги буйруғи.

2022 йил 19 декабрда рўйхатдан ўтказилди, рўйхат рақами 3235-3.

4. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2022 йил 30 ноябрдаги 13-2022-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарор, шунингдек унга ўзгартиришларни ўз кучини йўқотган деб топиш тўғрисида»ги қарори.

2022 йил 21 декабрда рўйхатдан ўтказилди, рўйхат рақами 2791-3.

5. Ўзбекистон Республикаси Давлат солиқ қўмитаси ҳузуридаги Кадастр агентлиги директорининг 2022 йил 6 декабрдаги 14-2022-сон «Кўчмас мулк бўйича кадастр муҳандисининг малака шаходатномасини бериш тартиби тўғрисидаги низомни тасдиқлаш ҳақида»ги қарор, шунингдек

унга ўзгартириш ва қўшимчаларни ўз кучини йўқотган деб топиш тўғрисида»ги буйруғи.

2022 йил 21 декабрда рўйхатдан ўтказилди, рўйхат рақами 3211-2.

6. Ўзбекистон Республикаси спортни ривожлантириш вазирининг 2022 йил 23 ноябрдаги 16-мх-сон «Ўзбекистон Республикаси Туризм ва спорт вазирлиги ҳузуридаги Жисмоний тарбия ва спорт бўйича мутахассисларни қайта тайёрлаш ва малакасини ошириш институти ва унинг филиаллари профессор-ўқитувчиларининг педагогик юкломлари ҳажмини тасдиқлаш ҳақида»ги буйруққа ўзгартиришлар киритиш тўғрисида»ги буйруғи.

2022 йил 21 декабрда рўйхатдан ўтказилди, рўйхат рақами 3108-2.

7. Ўзбекистон Республикаси молия вазирининг 2022 йил 9 декабрдаги 66-сон «Бюджет ташкилотларида бухгалтерия ҳисоби тўғрисидаги йўриқномага қўшимча ва ўзгартиришлар киритиш ҳақида»ги буйруғи.

2022 йил 22 декабрда рўйхатдан ўтказилди, рўйхат рақами 2169-7.

8. Ўзбекистон Республикаси Молия вазирлигининг 2022 йил 15 ноябрдаги 62-сон ва Бош прокуратура ҳузуридаги Иқтисодий жиноятларга қарши курашиш департаментининг 2022 йил 7 ноябрдаги 29-сон «Аудиторлик ташкилотлари учун жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича ички назорат қоидаларига ўзгартириш ва қўшимчалар киритиш ҳақида»ги қарори.

2022 йил 22 декабрда рўйхатдан ўтказилди, рўйхат рақами 3101-2.

9. Ўзбекистон Республикаси адлия вазирининг 2022 йил 21 декабрдаги 31-мх-сон «Айрим идоравий норматив-ҳуқуқий ҳужжатларни идоравий норматив-ҳуқуқий ҳужжатларнинг давлат реестридан чиқариш тўғрисида»ги буйруғи.

2022 йил 22 декабрда рўйхатдан ўтказилди, рўйхат рақами 3404.

10. Ўзбекистон Республикаси Адлия вазирлигининг 2022 йил 22 декабрдаги 5-сон ҳамда Ташқи ишлар вазирлигининг 2022 йил 21 декабрдаги 75-сон «Ўзбекистон Республикаси консуллик муассасаларининг консуллари томонидан нотариал ҳаракатларни амалга ошириш тартиби тўғрисидаги йўриқномани тасдиқлаш ҳақида»ги қарорга ўзгартириш ва қўшимчалар киритиш тўғрисида»ги қарори.

2022 йил 22 декабрда рўйхатдан ўтказилди, рўйхат рақами 2191-1.

11. Ўзбекистон Республикаси Марказий банки бошқарувининг 2022 йил 24 ноябрдаги 344-В-8-сон ва Бош прокуратура ҳузуридаги Иқтисодий жиноятларга қарши курашиш департаментининг 2022 йил 21 ноябрдаги 31-сон «Но-

банк кредит ташкилотларида жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролли тарқатишни молиялаштиришга қарши курашиш бўйича ички назорат қоидаларига қўшимча ва ўзгартиришлар киритиш ҳақида»ги қарори.

2022 йил 23 декабрда рўйхатдан ўтказилди, рўйхат рақами 2925-8.

II. Давлат реестридан чиқарилди:

1. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2016 йил 27 апрелдаги 34-сон «Ер кадастрига доир ахборотларни манфаатдор юридик ва жисмоний шахсларга бериш тартиби тўғрисидаги низомни тасдиқлаш тўғрисида»ги қарори (рўйхат рақами 2791, 2016 йил 24 май), шунингдек унга ўзгартиришлар (рўйхат рақами 2791-1, 2017 йил 22 декабрь), (рўйхат рақами 2791-2, 2021 йил 21 октябрь).

2022 йил 21 декабрда давлат реестридан чиқарилди.

2. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2019 йил 17 декабрдаги 11-сон «Кўчмас мулк бўйича кадастр муҳандисининг малака шаҳодатномасини бериш тартиби тўғрисидаги низомни тасдиқлаш ҳақида»ги қарори (рўйхат рақами 3211, 2020 йил 17 январь), шунингдек унга ўзгартириш ва қўшимчалар (рўйхат рақами 3211-1, 2022 йил 9 сентябрь).

2022 йил 21 декабрда давлат реестридан чиқарилди.

3. Ўзбекистон Республикаси Электр энергетикада назорат бўйича давлат агентлиги бош директорининг 2002 йил 10 сентябрдаги 433-сон «Энергетика ишлаб чиқариш корхоналарида ходимлар билан ишлашни ташкил этиш қоидаларини тасдиқлаш тўғрисида»ги буйруғи (рўйхат рақами 1178, 2002 йил 4 октябрь), шунингдек унга ўзгартириш ва қўшимчалар (рўйхат рақами 1178-1, 2008 йил 28 май), (рўйхат рақами 1178-2, 2011 йил 29 июнь), (рўйхат рақами 1178-3, 2018 йил 5 январь).

2022 йил 22 декабрда давлат реестридан чиқарилди.

4. Ўзбекистон Республикаси Электр энергетикада назорат бўйича давлат инспекцияси бошлиғининг 2004 йил 2 сентябрдаги 295-сон «Ўзбекистон Республикаси электр станциялари ва тармоқларини техникавий эксплуатация қилиш қоидаларини тасдиқлаш тўғрисида»ги буйруғи (рўйхат рақами 1405, 2004 йил 10 сентябрь), шунингдек унга ўзгартиришлар ва қўшимча (рўйхат рақами 1405-1, 2010 йил 15 ноябрь), (рўйхат рақами 1405-2, 2013 йил 15 ноябрь).

2022 йил 22 декабрда давлат реестридан чиқарилди.

5. Ўзбекистон Республикаси адлия вазирининг 2011 йил 7 ноябрдаги 246-мх-сон «Текширишларни рўйхатга олиш китобининг шакли ва уни тўлдириш тартибини тасдиқлаш ҳақида»ги буйруғи (рўйхат рақами 2280, 2011 йил

7 ноябрь), шунингдек унга ўзгартириш ва қўшимчалар (рўйхат рақами 2280-1, 2014 йил 26 декабрь), (рўйхат рақами 2280-2, 2016 йил 9 сентябрь), (рўйхат рақами 2280-3, 2017 йил 6 июнь).

2022 йил 22 декабрда давлат реестридан чиқарилди.

6. Ўзбекистон Республикаси ички ишлар вазирининг 2018 йил 13 февралдаги 35-сон «Ўзбекистон Республикаси Ички ишлар вазирлиги Академиясининг кундузги таълим шаклига номзодлар танловини ўтказиш бўйича методикаларни тасдиқлаш ҳақида»ги буйруғи (рўйхат рақами 2987, 2018 йил 29 март), шунингдек унга ўзгартиришлар (рўйхат рақами 2987-1, 2020 йил 18 март), (рўйхат рақами 2987-2, 2020 йил 16 октябрь).

2022 йил 22 декабрда давлат реестридан чиқарилди.

7. Ўзбекистон Республикаси инновацион ривожланиш вазирининг 2018 йил 4 июндаги 14/4-сон «Илмий лабораторияларни яратиш ва қўшимча жиҳозлаш бўйича танловларни ўтказиш, шунингдек зарур сарфлаш материаллари ва бутловчи қисмлар билан таъминлаш тартиби тўғрисидаги низомни тасдиқлаш ҳақида»ги буйруғи (рўйхат рақами 3035, 2018 йил 5 июль), шунингдек унга ўзгартириш (рўйхат рақами 3035-1, 2022 йил 4 июль).

2022 йил 22 декабрда давлат реестридан чиқарилди.

8. Ўзбекистон Республикаси Ички ишлар вазирлиги, Бош прокуратураси ва Давлат хавфсизлик хизматининг 2018 йил 24 августдаги 58, 50-ққ, 7-сон «Автотранспорт воситалари ойналарининг тусини ўзгартиришга (қорайтиришга) рухсатнома бериш, уни рўйхатга олиш ва рухсатноманинг амал қилишини бекор қилиш тартиби тўғрисидаги низомни тасдиқлаш ҳақида»ги қарори (рўйхат рақами 3059, 2018 йил 25 август), шунингдек унга ўзгартириш ва қўшимчалар (рўйхат рақами 3059-1, 2019 йил 4 октябрь).

2022 йил 22 декабрда давлат реестридан чиқарилди.

Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.

